



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>




3 3433 06926625 6



*GBS
K1072











M. IO. CHRISTIANI
KLOTZII ^{Klotz}

PAST. PRIM. ET SVPERINT.
DIOEC. BISCHOFFSWERD.

DE

L I B R I S

AVCTORIBVS SVIS

FATALIBVS

LIBER SINGVLARIS



EX OFFICINA LANGENHEMIA

A. MDCC LXI.

Quelitt.

V I R I S

PRAENOBILISSIMIS, AMPLISSIMIS,
IVRISCONSULTISSIMIS,

IACOBO EHRENFRIED
LEHMANN O

ET

ALBERTO GOTTLOB
LEHMANN O

POTENTISSIMI POLONIARVM
REGIS ET SERENISSIMI PRINCIPIS
ELECTORIS SAXONIAE

SECRETARIIS INTIMIS

FAVTOBIBVS ATQVE AMICIS
MAXIMOPERE COLENDIS

S. P. D.

M. IO. CHRISTIANVS KLOTZIVS.





*Secundum VOBIS, VIRI
PRAENOBILISSI-
MI ET IVRISCON-
SULTISSIMI, testimonium aliquod
mei erga VOS animi atque studii de-
bui, cum ob grauiissima munera, quibus
summa cum fide ita praefuistis et alias
semper et hac praesertim communi ca-
lamitate, ut cuius bono VESTRA
integritas probetur, tum ob multa
VESTRA in hanc urbem, patriam
VESTRAM merita, atque etiam
ob insignem VESTRAM erga me
meosque beneuolentiam, multis et
praeclaris documentis demonstratam.
Sit igitur hic libellus certissimum pi-
gnus mei VOBIS deditissimi animi,
atque perpetui cultus, quem VE-*

*STRIS virtutibus VESTRAE-
que eruditioni habui et habebo, testi-
monium. Quia etiam nuper in tri-
stissimo Dresdae excidio bibliotheca
VESTRA multis iisque rarissimis
cum typis expressis tum calamis prae-
sertim exaratis libris instructa flam-
mis consumpta est, hae chartae ut no-
uae atque (licet hoc vix fieri possit)
praestantioris primordia sint, opto.
Seruet VOS Deus Opt. Max. ad
emolumentum patriae quam diutissi-
me saluos, sospites mihi que beneuolos.
Valete, VIRI PRAENOBILIS-
SIMI, meque, ut facitis, in posterum
quoque amate. Scrips. Bischoffs-
werdae, a. C. cId lccc LXI. die vestro
natali, d. XII. Octobr.*

PRAE-

PRAEFATIO.



Iam olim, hortatu praeceptoris nostri, *Io. Guilielmi Bergeri*, viri limatissimo iudicio, praestantissimo ingenio et animo modestiae, probitatis honestisque studiosissimo praediti, in Academia Vitebergensi libellum *de libris auctoribus suis fatalibus* scripsimus. *) Quem, cum iam tum et emendari et augeri multis in locis posse videremus, (nam et temporis angustia et bonorum librorum inopia premebamur,) denuo illum sub

A 4 incu-

*) Fuit disputatio a. 1728. quo tempore inter ordinis Philosophorum assessores recipiebar, habita, respondente V. Cl. *Grabergio*, iam Doctore Medicinae Longosalsensi experientissimo, et laudata a b. D. *Buddeo*, in *Isagog. Supplem.* p. 48. atque celeberr. D. *Am-Ende*, in *Memor. Inspect. Portenf.* p. 27. quibus addi potest Cl. *Juglerus* in *bibliotheca Literaria Struuii*.



incudem reuocandi, accuratius et diligentius examinandi edendique consilium cepimus. Quare, si quando nobis otium fuit concessum et liberum tempus vacuumque negotiis publicis, relaxauimus animum, ad mansuiores nos Musas reuocauimus atque in hoc libro nostram collocauimus operam et studium. Fuit vero non solum ipsa res valde iucunda et ad delectationem animi apta, sed omnis illa iucunditas misce eo aucta, quod scribenti mihi semper imago *Bergeri* obuersata est, quo, si a *Wernsdorffio* et *Menckenio* discesserim, nullus alius est, quem vel magis amem et colam vel cui plura debeam.

Prodit igitur hic libellus atque ita quidem prodit, vt plane nouus censeri debeat: quod cuius hunc cum illo comparanti facile apparebit. Neque enim tantum plurimis illum exemplis auximus sed diligenter quoque, laudauimus auctores, qui
de



de vitis virorum doctorum copiosius
exponant. Etsi autem plerumque
his plures in medium producere po-
tuissemus, nolimus tamen modum
excedere, vt in omnibus rebus, sic
etiam in hac re vtilem et iucundum.
Fatemur etiam, nos neque ex ordi-
ne temporis strictius seruato, (quod
non necessarium in eiusmodi libris
esse duximus,) libros commemo-
rasse, sed vt cuiusque nobis in men-
tem venerit recordatio, neque hoc
volumine omnes, qui molestias sibi
et calamitates libris suis parauerint,
complecti voluisse. Minime enim
ignoramus, *A. Caecinam* libro, quem
Suetonius (in *Caes.* c. 75.) *crimino-*
sissimum vocat, grauiter Caesaris ani-
mum offendisse: (v. *Cic. ad Diu. L. VI.*
ep. 5. et 7.) *Cremutium Cordum* ob
editos libros laudesque in eis Bruto et
Cassio tributas accusatum: (v. *Tacit.*
Annal. L. IV. c. 34.) *Fabricium Ve-*
ientonem a Nerone ob libros in pa-
tres et sacerdotes contumeliose scri-



ptos et codicillorum nomine insignitos (v. ibid. L. XIV. c. 50.) et *Quidum* ab Augusto ob libros, ut non pauci arbitrantur, de arte amandi, exilio punitos esse. Sed de his et compluribus alio tempore, si Deus vitam et vires concesserit, exponemus. Iam exhibemus Centuriam.

Erit vero praecipuus nostri libri usus hic, ut sapere discant homines, caute circumspecteque in scribendis libris versentur, neminem laceessant, bonis viris parcant et in salibus atque iocis spargendis maximopere omnem invidiam euitare studeant. Quid enim? nonne plurimi, quorum in hoc libro mentionem fecimus, si a scribendis Satyris abstinuissent, bene et tranquille potuissent vivere? Sicut igitur suaue est, ut ait poeta, horridam maris tempestatem et iactatas fluctibus naues procul e terra videre, non quod aliorum calamitates nos delectant, sed quod tali modo *nostram* felicitatem magis sentimus, sic



non iniucundum erit bonis et doctis viris sine proprio periculo aliena mala intueri et scopulos, ad quos plurimos afflictos videant, euitare. Deinde etiam hinc intelligetur, quam verum sit illud comici: *Veritas odium parit*. Exposuimus enim de multis, quibus nihil aliud, quam strenuum et indefessum veritatis studium et forti animo suscepta veri rectique defensio molestias exhibuit. Atque hi eo maiorem laudem merentur, quo meliora eorum fuerunt consilia et quo laudabilior est amor veritatis. Sunt denique alii, qui neque veritatis studiosi neque cupiditate alios perstringendi adducti, sed nouarum opinionum amore abrepti libros sibi fatales ediderunt. Horum in numerum ii praesertim referendi sunt, qui in doctrina Christiana sua somnia promulgare, quam diuinarum litterarum et bonorum Theologorum auctoritatem sequi maluerunt.

Caete-



Caeterum, si quid humani passus sumus, cupimus admoneri. Nam et aliorum dissensum ferre didicimus, et in eo bene ferendo magnam sapientiae et humanitatis partem positam esse existimamus. Bene dicit in L. VIII. epist. XV. *Angelus Politianus*, licet non semper sui promissus memor: *Testatum hoc omnibus volo nihil mihi esse prius veri studio et recti. Si sponte hoc assequor, bene habet: sin minus, ab aliis et placide admoneri gaudeo et aspere castigari non recuso. Quin ut illis habeo gratiam sic istis non irascor: honestius ducens aliquando doceri, quam semper nescire: nec enim tam turpe refelli, quam pulchrum corrigi.* Leuiiores errores facile lector nobis, si aequus est, condonabit. Quid enim aequius, quam veniam dare seni eidemque tot negotiis districto, ut non, nisi raro, libere respirare possit? Haec tibi, Lector beneuole, ignota esse nolui. Vale.



I.



Valde ambigua est fama PETRI
BAILII quem non satis alii
laudare, alii vituperare posse
sibi videntur. *) Nos, qui rem in medio
relinquimus, nihil magis optamus, quam
ut ingenium, quo a natura armatus fuit,
praestantissimum amoenissimumque, ad do-
ctrinae Christianae veritatem confirmandam
potius et defendendam, quam ad dubia sem-
per proferenda et ingenii gloriolam, nescio
quam, aucupandam contulisset. Idem vero
non semel ob libros a se conscriptos iratio-
ris fati acerbiter expertus est. Cum
enim a. 1693. rex Galliae plurimum operae
studiique in pace et concordia firmanda po-
neret.



neret, omniaque sua consilia eo conferret, Guilielmus III. autem, rex Angliae, summa ope niteretur, vt conatus hos irritos redderet, *Petrus Iurieu*, *Bailio* infestissimus, hac occasione vlsciscendi cupiditatem explendi arrepta, statim apud aulae ministros *Bailium* accusauit, quasi edita *consultatione de pace*, a Gallis subornatus, pacis negotium prouehere conaretur. Quare Guilielmus, re cognita, senatui Roterodamensi, vt *Bailium* munere suo decedere iuberet, praecepit. Prodiit quoque a. 1690. Amstelodami liber, hocce titulo insignitus; *Avis important aux réfugiés sur leur prochain retour en France pour l'éternité à l'un d'eux*. Cuius libri licet se nunquam autorem professus sit *Bailius*, *Iurieu* tamen, qui in illo librum a se hoc titulo euulgatum: *l'accomplissement des propheties* etc. perstrietum esse intellexit, inde occasionem *Bailium* variis criminibus onerandi nactus est. Quibus vt se purgaret, sui defensionem suscepit, eamque a. 1691. hoc titulo edendam curauit; *la Cabale Chimerique, ou refutation d'histoire fabuleuse et des calomnies que Mr.*
Iurieu



Jurieu vient de publier malicieusement touchant un certain projet de paix, et touchant le libelle intitulé, Avis important aux refusés. Nihilominus tamen se hunc ob librum munere exemptum esse, ipse queritur Bailius in epistola ad Minutolium, professorem Geneuensem scripta. (v. lettres Choiesies p. 456.) Neque in commemorandis libris Bailio fatalibus praetereunda est epistola illa, quam de Cometis scripsit. Libellus vero sic inscriptus est: Lettre à M. L. A. d. C. Docteur de Sorbonne, où il est prouvé par plusieurs raisons tirées de la philosophie et de la theologie, que les cometes ne sont point presage d'aucun malheur, avec plusieurs reflexions morales et politiques, et plusieurs observations historiques et la refutation de quelques erreurs populaires. Libellum hunc, manu exaratum, Bailius amico cuidam perlegendum tradiderat; qui deinde illum, Bailio plane incio, typis exscribi curavit. Quod cum omnem praeter spem opinionemque Bailii accidisset, ille hunc libellum paulo auctiorem, et diligenter examinatum edidit. In quo vero quoniam errores plebeculae, Cometæ ne-
scio



scio quid mali praefagire, multo lepore per-
strinxerat, *Jurieu*s et socii eum apud Sena-
tum Atheismi accusant. Age vero ipsum
Bailium audiamus: *Cette lettre vous appren-*
dra, que nos magistrats m'ont oté ma charge
de professeur avec la pension de cinq cens flo-
rins, qui y etoit annexée. Ils ont meme re-
voqué la permission, qu'on m'avoit donné d
enseigner en particulier. Ils resolurent cell
à la pluralité des voix le 30. Octobre passé ...

Tout ce qu'il y a ici de plus raisonnable cri-
contre cette injustice, et une partie de nos Con-
seillers, les plus anciens dans la charge et les
plus habiles s'opposèrent de toute leur force à
cette resolution, mais il furent inferieurs en
nombre . . . Fondement est mon livre des
pensées diverses sur les comètes, que les mini-
stres Flamans ont fait accroire aux Burgemai-
tres contenir des choses dangereuses et anti-
chretiennes. v. lettr. choif. p. 456. Fatalis de-
nique fuit Bailio commentarius philosophicus
in verba Christi, Compelle intrare etc. a. 1714.
iterata vice typis impressus. (v. Journ. lit-
ter. T. II. p. 241. et Act. Erudit. Lipsf. 1714.
p. 55.) In quo quidem pontificiorum tyran-
nider



idem iure castigavit, qui animis imperare, liosque vi et armis ad sacra sua adigere cu-
niant, sed non leuiter in eo peccauit, quod
omnium religionum tolerantiam, liberta-
temque sentiendi noxiam defendere conatus
est. Quare non solum a *Gabriele Naudaeo*,
qui copiosam illius refutationem adornauit,
v. *Act. Erudit. a. 1719. p. 414.*) sed a *Iurio*
etiam delatus in extremum fortunarum pe-
riculum apud Belgas est adductus.

a) Ecce tibi aliquot doctorum hominum iudicia.
Audiamus primum Cel. D. *Pfaffium* in dissert.
Tubingae, a. 1719. contra *Bailium* habitā, p. 4.
Genuina religionis indole, omnique diuino lumine
insuper habito, solis rationis tenebris inhauiit, at-
que in id omnes ingenii nervos intendit, ut cer-
tissima quaeque adgrediendo in inueniendis diffi-
cultatibus ingenii sui praestantiam ostenderet.
Audiamus *Buddum* in *Thes. de Atheismo et su-*
perstitione p. 156. Talia subinde docuit, quae in
Atheismi prauaeque de Deo et religione existima-
tionis suspicionem eum inducere potuerunt. Iu-
dice *Dornio* in *Bibl. Theol. Critic. P. I. p. 484.*
Scepticus fuit, et omnes religiones in contemptum
duxit. Clerico denique *Bailius Atheus et Soci-*
nianus esse videtur: v. Vnschuld. Nachr. a. 1706.
p. 185. Eundem *Crenius humanum et praestantis-*
simae ciuitatis virum vocat, et in Act. Erud.
Lips. vir πολυμαθές ατος et celeberrimus Belgii
Varro, in Nou. litterar. a. 1709. vir magnorum



in rem litterariam meritorum audit; audit idem acutissimus et per orbem litterarium celeberrimus vir, cuius libros doctrinae et elegantiae plenos Regina Sueciae Christina libenter legit, cuiusque sententiam per litteras saepissime rogavit, im Neuén Bücherf. P. XVIII. p. 379. Cui vero non hi versus noti?

Bailius hic ille est, cuius dum scripta vigeant,
Lis erit, oblectent erudiantne magis?

Si quis plura iudicia scire cupiat, enoluat *Journ. Litter.* T. I. p. 219. T. II. p. 154. T. VI. p. 227. T. X. p. 80. vbi *Saurini*, viri disertissimi iudicium adfertur; *Cel. Heuman. Aët. philos.* P. IV. p. 603. *Aët. Erudit.* a. 1716. p. 72. *Bücherfaal*, P. II. p. 379. *Vnschuld. Nachr.* a. 1713. p. 950. Et quis omnes laudare possit, qui de Bailio scripserunt? Vnum adscribamus iudicium *Io. Guil. Bergeri*, quod ex ore viri optimi audiuius. Hic enim sic dicere solebat: *Bailius* est scriptor satyricus, et superbū interdum ingenii: id enim agit in *Lexico* suo *Critico*, vt semper, quid contra dici possit; moneat. Vult esse eclecticus: *Pyrrhonicus* est, et *paradoxi* ingenii: iudicio suo solum nitebatur.

II.

FRANCISCUS DE SALIGNAC FENELON, Archiepiscopus Cameracensis, libris suis immortalem famam consecutus est. Inclaruit primum libello: *Explication des Maximes des Saints sur la vie intérieure*.



*rieure: a. 1697. edito. Qui in ecclesia Romana multas contentiones excitauit, et a Pontifice damnatus proscriptusque est. Innocentius enim XII. a. 1699. XXIII. propositiones vt temerarias, scandalosas, male sonantes, piarum aurium offensiuas, in praxi perniciosas, et erroneas damnauit. ^{a)} Quae res eo tandem peruenit, vt Fenelonius has propositiones reuocaret, atque his verbis vteretur. Ego isti papali Breuo totus adhaereo, tum quoad textum libri, tum quoad XXIII. propositiones, idque sine umbra alicuius restrictionis simpliciter et absolute, atque ita damno tam librum quam propositiones. Verum Fenelonium haec non ex animi sententia, sed metu, minis, et precibus adductum, dixisse monet Feustkinus de palinodia sacra, p. 28. Edidit deinde librum: *Avantures de Telemaque Fils d'Ulysse*, quem, quicumque pulchri et venusti sensu aliquo imbutus est, non sine summa voluptate animi perleget. Est enim elegantissimis verbis et grauissimis sententiis conscriptus, et ad veterum auctorum praestantiam quam proxime accedit. ^{b)} Iam antea vero famosae*



Foeminae de *Maintenon* odium in se concitauerat, quam cum rex pro legitima coniuge declarare vellet, *Fenelonii* suasu et hortatu sententiam mutauit. Haec, cum liber modo laudatus in lucem prodiiisset, regi, quae erat auctoritate, facile persuasit, *Fenelonium* in hoc libro aulae ministros perstrinxisse, neque ipsi regi pepercisse. Quo facto *Fenelonium* aula discedere rex iussit, quem casum ille fortiter tulit et magno animo. ^c)

^a) vid. *Jaegeri Examen theol. myst.* p. 267. et Bulla papalis, inserta *Actis Erudit.* a. 1699. p. 148. et *Relationibus Innocentibus.* 1709. p. 515. 1701. p. 61. item, *Aufgefangene Briefe* T. I. p. 235. et 340.

^b) De hoc libro praestantissimo vid. *Relation. Innocent.* a. 1701. p. 319. *Biblioth. Angloise*, T. I. p. 71. *Journ. litteraire*, T. IX. p. 177. *Acta Erudit.* Germanico sermone scripta, T. V. p. 296. *Journal des Sçav.* a. 1717. P. II. p. 70. Prodiit contra hunc librum a. 1700. *Critique generale*, cuius auctor, ex opinione Bailii (*lettres chois.* p. 749.) *Msr. Guedeville* fuit. Quo tantum abest ut libro aliquid detractum sit, ut potius in Teutonicam, Belgicam, Anglicam, Hispanicam, Italicam linguam sit translatus vehementerque ab omnibus, elegantiae studiosus lectus et in deliciis habitus. Vellem, permetteret instituti ratio, copiosiores in laudibus huius libri ut esse possemus. Salkem adscribe-



mus elogium ex libro *le Mentor moderne* T. II. p. 16. *Ses ouvrages sont pleines de la plus noble piété, de la vertu la plus sublime, et de la plus fervente charité pour son prochain. Son genie et ses talens doivent etre considerez comme un bien commun* etc.

- c) Plura vid. in *Neuen Zeitung. von gelehrt. Sachen*, a. 1715. p. 34. *Histoire de la vie de M^r. Fr. de Salignac de la Motte Fenelon*, Haag. 1723. 12. *The life of Franc. Fenelon*, London. 1723. 12.

III.

GALILAEVS & GALILAEIS, vir magno ingenii acumine praeditus, edidit dialogos de Systemate mundi, (*dialogo delle due massime Systeme del mondo, Tolemaico, et Copernicano*) inopinatam ipsi qui tempestatem excitauerunt. Nam, quoniam in hoc libro Copernici de motu terrae circa solem sententiam defendit, vehementer in ipsum Vrbanus VIII. Pontifex Romanus, exarsit, atque vt quae paullo ante docuisset, palam negaret, postulauit. Quod cum facere nollit *Galilaeus*, in carcerem coniectus est ea lege, vt singulis septimanis per tres annos semel carmina Dauidis, quae poenitentialia appellamus, recitaret. In quo carce-



re postquam quinque annos commoratus est, situm squaloremque ferre diutius non potuit, libertatis vero maximo desiderio aestuauit. Cuius recuperandae eam iniit viam, quae sola relicta erat. Annos enim LX. natus se errasse et mentitum esse professus est. Libri *Galilaei* a. C. 1720. nitidissime Florentiae editi sunt, quibus *Guido Grandus* elegantem et doctam praefationem addidit. Idem tamen dialogi, quorum mentionem fecimus, in hac editione desiderantur. Quod iussu pontificis accidisse facile intelligimus. E vita decessit LXXVIII. annos natus *Galilaeus*, quem Morhofius *virum summi ingenii et iudicii* appellat. ^{a)})

^{a)}) v. *Polyb.* T. II. L. II. P. II. p. 392. elogium Galilaei dabit Nic. Erythr. *Pinac. vir. illustr.* p. 280. vitam vero exhibent *Fasti Consolari dell' Accademia Fiorentina da Salvino Salvini*, Florent. 1717. Quanta nominis fama floruerit *Galilaeus*, ex eo potest intelligi, quoniam viri et nobilitate et eruditione praestantissimi quique ad eum videndum iter fecerint, ut *Vincenzus Viuiani*, nomini suo qui semper adscripsit, *discipulus Galilaei*, quod in vita eius commemoratur, quam Cel. *Heumannus* in *Act. Philos.* T. III. p. 482. exhibet.



IV.

MARCUS ANTONIVS DE DOMINIS vir fuit multae doctrinae, sed animi valde inconstantis. Etenim a. 1616. per Helvetiam et Germaniam superiorem in Angliam profectus a Catholicorum ad Caluinistarum partes transiit. Cuius consilii rationes in praefatione libri, *de Republica ecclesiastica* commemorat. Quo libro edito ab inquisitionis iudicio citatur, et, cum non veniret, haereseos damnatus est. ^{a)} Eundem et *Laurentius Beyerlinck*, a. 1617. refutare voluit, et *Mayerus Syncretismi pandectas* appellat. ^{b)} In Anglia per sex annos commoratus est, et Iacobo, regi, apud quem maxima gratia floruit, ei quotannis MMMMM thaleros accepit, aliisque nescio qua re se exosum reddidit. Deinde a Gregorio XV. pontifice, cuius olim in Italia contubernio usus fuit, commonefactus, precibusque fatigatus Romam redire voluit. Quod etsi *Iosephus Hall* ^{c d)} vir bonus et doctus, ei vehementer dissuasit, tamen a. 1622. clam Britannia relicta Romam petiit. Quo cum venisset, in aedibus Petri supplex



laqueumque in collo gerens palinodiam ^{e)} cecinit, atque sic salutem accepit. Cum vero paullo post iterum mutationem religionis medicaretur, aut, ut alii dicunt, quae scripserat, retractare nollit, ab Urbano VIII. in carcerem coniectus, ^{f)} et in eo morbo, aut ut alii dicunt, veneno extinctus est. Corpus *Marci* a. 1624. vna cum imagine ex libris rogo impositum, cinis vero in Tyberim sparsus est. ^{g)}

^{a)} De hoc viro *Becanus* ita iudicat: „*Marcum* neque Catholicum, neque Lutheranum, neque „Caluinistam esse, sed ab omnibus dissentire, et „nouum doctrinae symbolum partim ex aliorum scriptis, partim ex suo cerebro consarcinasse. „

^{b)} „Habuit *Marcus* suppellectilem librorum maxime instructam, in quibus multi erant, a Theologis Protestantibus scripti. Ex his sapere „coepit, et pontificiorum errores intelligere. „Ex his etiam eruditionem hausit, quam in libris de Republ. ecclesiastica inuenimus et admiramur. Ex scriptura inquit Pontificis auctoritatem facile infringi posse, neque ex antiquitatibus illam aliquid roboris accipere, Episcopos antiquae ecclesiae primatum quidem „temporis et ordinis habuisse, minime vero aut „omnibus episcopis, aut exteris regionibus imperasse. „

^{e)} Iose-



- *) *Iosephus Hall*, Theologus Anglicanus, vir multis egregiis libris, tribus tomis editis, clarissimus, *Romam irreconciliabilem* scripsit, quam *J. Fr. Mayerus* examinavit, et indice eorum, qui *Romam reconciliabilem* existimauerunt, ornavit.

Ex iudicio *Moshemii* ingenio non mediocri valuit, cui interdum plus, quam satis est, tribuit. v. *Budd. Lexic. Vniu. histor.* P. II. p. 7.

- l) Epistolae, in qua *Hallius Marcum* dehortatus est, multi mentionem faciunt, eamque *Mayerus* in libro modo laudato exhibet. In qua praeter alia haec sunt. „Dic mihi per Deum „immortalem, magne praeful, quid tandem est, „quod te nobis post aliquot annorum moram „iam de subito abripere Romamque pellicere „potuit? Numquid inhospita tibi visa est gens „nostra? minusne quam forte speraras virtutibus „tuis indultum? Causari illud profecto non potes, in quem larga benignissimi Regis manus „tam ampla, tam opima congeffit vltro munera „etc.

- *) De Palinodia Eruditorum *Ioh. Schmidius* Lips. 1697. disputat. habuit, de palinodia sacra seu retractationibus Theologorum in rebus fidei, *Feustking* Viteb. a. 1711. libellum scripsit. De veterum emendandi retractandique studio *Ioh. Schulzcius in flor. sparsion. egit* p. 6.

- l) Alii hoc ob litteras ad Iacobum, regem, atque liberiores de Concilio Tridentino, et concordia cum Protestantibus ineunda sermones accidisse scribunt.

- *) De hoc Marco cf. *Grammondus* L. III. hist. p. 196. *Abraham. Bzovius* in *Annalib.* ad a. 1629.



§. 12. *Limborch. bistor. Inquis. L. IV. c. 38.*
 p. 361. *Kestner de relig. prudent. p. 39. Czwit-*
tinger. spec. Hung. litterat. p. 121. Vigneul de
Marville, p. 279. et Mayerus in libro laudato.

V.

SOTADES MARONITA, a Sotade Athe-
 niensi, a Suida laudato, probe distin-
 guendus, a quibusdam etiam, Cinaedus di-
 ctus, lasciuia carmina scripsit. Nam Stra-
 bone et Suida teste non solum libidinem
 Sodomiticam iambicis versibus laudauit, sed
 etiam Ptolomaei Philadelphi cum sorore
 nuptias liberiori carmine perstrinxit. Qua-
 re, cum regem aduersus se vehementer exa-
 cerbasset, fuga salutem quaerere, et se Alex-
 andriam conferre voluit. Verum a Patro-
 clo, ipsi in via obuiam facto arreptus, cistae
 plumbeae inclusus, et in mare demersus
 est. ^{a)})

^{a)}) Athenae. L. XIV. p. 620. et Fabric. Biblioth.
 Gr. L. II. c. 22. p. 789.

Venit hic nobis in mentem *Iohannis Casae*,
 Episcopi Beneuentani, cui a multis carmen de
 laudibus Sodomiae tribuitur. Sed vt, nemi-
 nem adhuc hoc carmen oculis vidisse, tacea-
 mus, praeclare ab hoc crimine defendunt Ca-
 sam, *Aeg. Menagius, Nic. Hier. Gundlingius in*
Obseru.



Observ. Halens. T. I. p. 120. *Tenzelius in colloqu. mensr.* 1694. p. 299. quibus addantur et Gallica acta eruditorum, (*Journal des Sav.* 1707. mens. Jun. p. 690.) et *Horatius Oricellarius*; qui illi maximam in omni virtutum genere excellentiam tribuit. v. *Amadei de Benignis var. intr. Ital. inscript.* p. 146. Quare etiam cautius pronunciare debebat nuper *Prosper Marchand* in *Dictionario Historico Art.* XXVIII.

VI.

DE ZOILO etsi non ignoramus, varias esse doctorum hominum, easque inter se valde contrarias opiniones, nos tamen eos sequamur, qui *Zoilum* suis libris maximam sibi perniciem attulisse, arbitrantur. Constat vero, hunc *Zoilum* maxima acerbitate aurea Homeri carmina perstrinxisse, risisse, contempsisse, et quae contra Iliada et Odysseam scripserit, Ptolomaeo Philadelpho recitasse. Quo factum est ut et *Zoilus ὀϊνόμασις* et, quicumque in alios inueherentur, *Zoili* appellarentur. Etsi vero nos Homeri carmina, (quorum tamen praestantiae nihil hoc iudicio detractum cupimus, et quae vere aurea, et tam ad utilitatem vitae, anti-

quitatisque



quitatisque cognitionem quam ad voluptatem animi maxime accommodata, esse arbitramur) non ita ab omni parte perfecta existimamus, nihil ut contra illa proferri possit, nemini tamen, quid praecoccupatae quaedam opiniones, si semel animis infixae, efficere possint, ignotum erit. Ptolomaeus igitur tantum abfuit, ut praemium *Zoilo* solveret, ut illum et in summa inopia omnique auxilio destitutum vivere pateretur, et, patricidii reum, ultimo supplicio afficeret. Quale vero supplicium perpeffus fuerit, non una est eademque opinio. Alii eum cruci affixum, alii lapidibus obrutum, quidam Smyrnae viuum in ignem coniectum esse feribunt. In hoc tamen omnes vno ore consentiunt, qui non plane totam rem effictam esse censent, *Zoilum* propter satyricos in Homerum et alios libros violenta morte periisse. *)

*) Ne in laudandis locis nimii sumus, ablegabimus lectores ad *Vossium*, L. I. c. XV. de *historic. Graec. Fabric. Biblioth. Gr. L. II. c. VII. p. 367.* et *Humphr. Prideaux*, in *Connex. Vet. et Nou. T. P. II. p. m. 97.* ubi cum veterum tum recentiorum de *Zoilo* opiniones et iudicia allata sunt.



sunt: cf. *Lud. Kusteri historiam criticam* Homeri, et interpp. Aeliani.

VII.

PETRVS CVNAEVVS, insignis Iuriconsultus, et *elegantioris litteraturae promus*, ut ait *Deylingius*, Theologus primarius, in *obseru. S. P. II. p. 56.* suis libris saepius sibi magnas molestias creavit. Ipse in Epist. XXVIII. a *Burmanno* edita, commemorat, se a legatis Synodi fuisse appellatum ob libros, maxime ob Satyram, quam, eleganti et venusto stilo conscriptam, *Sardi Venales* inscripsit; se vero, ut vnus eorum per litteras, quae Theologis minus probarentur, declararet, postulasse, atque, se esse respondurum, vtramque epistolam editurum, promississe. Hic grauitur de *Daniele Heinsio* queritur, *Cunaeo* in hoc negotio maxime aduersario. Addit idem epistolam a *Balthasare Lydio*, Deputato Synodi Australis Hollandiae scriptam, in qua errores, in *Cunaei* libris obuii, non sine acerbitate enumerantur. Quibus omnibus *Cunaeus* modeste et eleganter respondet, pleraque quidem defendit.



dit, quaedam ex arbitrio Theologorum emendat, omnia vero quae offendere quempiam possint, iterata editione se esse omis-
surum, pollicetur. In eadem Burmanniana
editione inuenitur *Cunaei* oratio in obitum
Bonau. Vulcanii, magnam quae ipsi inuidiam
conflauit. Nam, quoniam in illa oratione
nihil de Christo, nihil de pietate, aliisque ad
doctrinam Christianam pertinentibus dixe-
rat, palam in eum concionator quidam de-
clamauit, et *Cunaeum* infernarum furiarum
poenis dignum esse dixit. Contra quae,
Cunaeus quae dixerit, vid. Epist. 78. et 65. ^a)

- ^a) De vita *Cunaei* vid. *Burmannus*, vir vere do-
ctus, in notis ad editionem laudatam, *Adolph.*
Vorstius in oratione in funere *Cunaei* recitata,
et editione Cellarianae operum *Cunaeorum* sub-
iecta, et *Iac. Basnagius* in praefat. ad *Cunaei*
Antiquitez Judaiques.

VIII.

Quantum Musae Gallicae ANTONIO
DANCHETO debeant, nemo, qui
cum illis aliquid commercii habet, ignorabit.
Nam et a prima aetate magno poëseos amo-
re tenebatur, et, cum, admodum iuuenis,
totum



totum Horatium recitaret, triginta aureos numos, (*Louis d'or*) a viro nobili, *Louvoeo*, accipiebat. Effecit deinde elegantia vitae atque ingenii, vt nobilis quaedam foemina *de Turgis* moriens illi totam per vitam certam pecuniam constitueret, liberorumque suorum curam hac lege committeret, ne ab illorum latere vnquam discederet. Sancte omnia pollicetur *Danchetus*. Illa vero placide expirauit. Iam *Danchetus* ingenium suum potissimum ad Tragoedias scribendas contulit. Edit *Hesionem*, a. 1700. opus, si ex praeconiis plurimorum iudicare licet de libris, praeclari ingenii. Quid multa? Aegre ferunt propinqui cognatique iuuenum, quorum moribus praeerat, hanc rem. Omnia, siue nimia superstitione, siue alia quacunque de causa, ad viuum refecant, atque *Danchetus* vt iurisiurandi fide interposita, nunquam se eiusmodi quidquam iterum esse scripturum, polliceatur, postulant. Negat *Danchetus*. acrius illi vrgent. pernegat. Quare non iuuenum tantum institutionem aliis committunt, sed pecuniam quoque constitutam soluere recusant propinqui. Quos *Danchetus*,
quon



quem non tam inopia pecuniae, quam causa, cur sibi illam eripi vidit, impulit, illos in ius vocat. Veniunt; cognoscunt iudices, et pecuniam illam *Dancheto* soluendam esse, iudicant. Vir fuit hic *Danchetus* valde acutus, in matrem pius, humanus, ab officii religione nulla in re declinans, nulli iniuriam intulit, sibi vero illatas libentissime oblitus est. *)

*) Vita illius leg. in libro: *histoire de l' Academie des Inscriptions etc.* T. X. LXXV.

IX.

Q VIRINVS KVHLMANNVS, facile Fanaticorum princeps, totum prope orbem terrarum peragrauit, multosque in societatem erroris et insaniae adduxit. Quintam Monarchiam s. regnum Chiliaisticum a 1674. inchoari putauit, eoque processit demeritiae, vt et se ex vxore sua, quam Mariam Anglicanam vocauit, filium esse suscepturum diceret, qui multis miraculis diuina virtute editis sanctam hanc, quam somniabat, monarchiam esset instauraturus, et a Deo in mundum, ad erigendum regnum chiliasti-



cum se esse missum, doceret, atque etiam se pro Dei filii filio venditare non erubesceret. ^{a)} Quibus aliisque compluribus deliriis refertus est illius liber, *der neubegeisterte Boehme*, ^{b)} qui a. 1674. Lugd. Batau. prodiit. Paulo igitur post a principibus foederati Belgii exilio mulctatus, ex Academia Lugdunenſi proſcriptus, et cum infamia eiectus est. De quo videatur *Bentheimius de scholis et ecclesiis Belgii*, P. II. p. 344. Sed non Belgium solum, sed omnem mundum, deliriis suis contaminare voluit. Quare ad Turcarum imperatorem abiit, a quo cum multis plagis affectus esset, ^{c)} a. 1689. ad Russos transiit. Vbi, cum nullum finem stultitiae facere vellet, relictaque priore coniuge in Anglia, aliam duxisset, Moscouiae anno 1689. viuis combustus est. Supplicium hoc Autor *des Moscovitischen Kirchenstaats*, quem librum Pritius a. 1698. praefatione ornauit, copiosius commemorat. Adiunxerat sibi socium, *Nordermannum*, *Kuhlmanni* simillimum. Qui in libello Christum esse rediturum in mundum, omnesque peccatores conuersurum, docuit. Quem

cum



cum Patriarcha Russorum videret, *Nor-dermannum* vna cum *Kublimanno* igni adiudicabat. ^{d)})

^{a)}) v. *Pfeiff. Anti-Chil.* Praef. p. 26. seq. vbi de *Stiefelio*, *Ezech. Methio*, et *Dau. Georgio* idem legimus.

^{b)}) De fanatico hoc libro leg. *Calouii* praefatio *Antibobemio* praemissa, qui a. 1692. Lipsiae tertia vice prodiit.

^{c)}) Nullam ignorare se linguam, etsi nullam didicerit, praedicauit. Cum vero coram Imperatore Turcarum a sermone Turcico, quem homo stultus sibi in mentem esse venturum, sperauit, destitueretur, tulit praemium stultitiae.

^{d)}) De hoc *Kublemanno* cf. *Baili diction.* T. II. p. 1738. *Tenzelii colloqu. mensr.* 1698. p. 329. *Reinh. Dietr. Voigt de bacreticis misera morte extinctis*, §. 47. p. 64. *Wernsdorf.* in dissert. de fanaticis *Silesior.* §. 21 - 30. *Colberg Platonisch-hermetisch. Christenthum*, P. I. p. 323. Furore poetico correptus idem *Kublmannus* edidit in ligata oratione: *Berlinische und Amsterdamische Kubl-Iubel von Vereinig. des Luther- und Calvinthums.* Amsterd. 1688. Quem librum si quis legat, auctorem mente captum fuisse facile intelliget. Ad Electorem Saxoniae quae n. VII. dixerit, adscribemus,

„Befiel du Churfürst Ernst dem Spener ernste Sitten

„Deme mich Felinus, Breckling selbst sehr theuer einist empfohlen

„Lassa



„Lass ihn vortragen dir durch Gott ohn Furcht
und Schmincken

„Taulern, Ioris, Boehmen, Drabitz statt des ei-
teln Sagen schreibens.

Iob. Feschnorum, Rectorem Gymnasii Vratisla-
viensem, recte dixisse: aut tu olim eris magnus
Theologus, aut magnus haereticus: exitus satis
superque indicavit. v. *Joach. Mantzelii* lib. de
praesagiis eruditor. de erudit. §. 26. Titulos li-
brorum, a Kuhlmanno editorum, licet non
omnium, exhibet *Arnoldus* in *Haeresiolog.* P.
III. c. 19. p. 193. Quod *Iac. Boehmio* in phia-
lae stanneae aspectu, id *Kuhlmanno* in Museo,
charta, bene et varie colorata, ornato accidit.
Nam cum hanc chartam solis radiis illustratam
valde splendere videret, coelestes sibi obtin-
gere illuminationes, mentemque aeternae lucis
radiis illustrari somniauit. Audiamus ipsum,
vt lectores de scribendi genere hominis insulsi
iudicent: *Je mehr ich in meinem Vorsatze fort-
ratzte, ie mehrern Wiederratz empfand ich, daß
auch die H. Lichtwelt, mit deren Licht ich um-
leuchtet, in ibrem Lichte sich entlichtete, oder
lichtschattete, wenn ich fortfuhr, und in ibrem
Lichte lichtere Lichter belichtete.* v. *Cel.
Wernsd.* l. c.

X.

IOSEPHVS SANSELCIVS, Iesuitarum
ordini adscriptus, in regno Neapolitano,
homo ex sententia scriptorum *Act. Erudit.*
Lipsiens. mordax, sub nomine ficticio *Euse-*



bii Philopatri nomine, animaduerſiones morales et theologicas in hiftoriam ciuilem regni Neapolitani a. 1728. edidit: In quibus Petrum *Giannonium*, illius ciuilis hiftoriae autorem, vehementer exarſit, conuitia calumniasque euomuit, omnisque generis contumelia illum onerauit. Hic liber primum clanculum, dein palam a duobus librariis venditur, et per omnem Italiam diſſeminatus, in manus Proregis, Comitis de *Harrach*, peruenit. Ille prudentiorum concilium cogit, rem exponit, et quid agendum ſit, quaerit. Tum omnes non ſolum iſtum librum, cum in priuatos, tum in rempublicam, atque etiam principes iniurioſum atque contumelioſum, proſcribunt, ſed autorem etiam, Romae commorantem, ditionis Caefareae finibus exulare iubent. Haec ex Actis publicis relata legimus in *Act. Erudit. a. 1729. p. 423.*

XI.

CASPAR SCIOPPIVS, vir in vitiis et virtutibus admirabilis, teſte *Oſtau. Ferrario in Fun. litteratorum*, nimia ac prope
cynica



cynica detrahendi libidine omnes ordines non modo sale defricuit, sed in omnem verborum praetextatorum amaritudinem effusus, ipsa litterarum capita virosque reuerendos totis voluminibus concidit, asperisque facetiis vexauit. Neque enim Iacobum, regem Angliae, perstringere dubitauit, cuius iussu nonnulla ex scriptis illius combusta sunt. Quod Casaubonus commemorat, quem nos audiamus: *De Scioppio scito, opera eius nonnulla non solum hic (Londini) iussu sapientissimi regis, sed etiam Lutetiae eodem annitente publice cremata esse manu carnificis. Ego aduersus illam beluam scripsi epistolam, quam mittam, si potero. vid. Casaub. epist. CLV. p. 212.* Iesuitas acerrimo odio persecutus est, omnisque generis conuiciis eos proscidit, ex quibus tandem Tuba magna *) conflata est. vid. *Act. Erudit. Lips.* 1714. p. 65. Quare Iesuitarum sine dubio consiliis factum est, vt Venetiis in carcerem coniiceretur. v. *Bail. diction.* T. III. p. 2684. Scripsit etiam sub *Alphonsi de Vargas* nomine librum de monarchia Iesuitarum, in quo inter alia p. 415. scribit: *In Italia nullus veritatis locus, culpa*



eorum, qui veritatem in iniustitia detinent, qui repudiato Christi calice bibunt calicem daemoniorum plenum abominationibus. Hic liber quantum ipsi odium, quantam invidiam creauerit, facile intelligitur. Atque etiam vix euitasset vitae discrimen, nisi a duce Venetorum defensus fuisset. cf. *Stollii Bibliothec. P. II. p. 117.* Caninam Scioppii facundiam Marq. Gudius in praefatione Grammaticae philosophicae ita quidem excusat, vt nullam apiculam dicat esse sine aculeo, obseruari tamen colique debere, quia magis profit quam laedat, Matthaeus autem *Berneggerus* in *obseru. miscell.* studio minime vulgari, sed ardore et infania minime toleranda protestantes, quorum partes deseruerat, aggressum esse queritur. vid. *Io. Henr. Ackeri astrol. polit. obseru. variis illustrat. disp. IV. n. 1.* Sufficiant haec pro instituti nostri ratione. Plura si quis de conductio hoc aulae Romanae mancipio scire cupiat, adeat *Reimannum* in *histor. litt. Germ. P. V. p. 188.* *Fabric. histor. Biblioth. f. P. III. p. 528.* Vitam et parentationem *Scioppii* Lugd. Batau. a. 1619. et *Bailium* in *dictionary.*



- *) Pseudonymus *Liberius Candidus* a. 1712. in Batavia librum sub titulo, *Tuba magna novum clangens sonum*, edidit, in eoque contra Iesuitas acerrime declamavit. Quem refutare voluit *Alphonfus Huglenbroucus* in Part. II. *vindictiar. suar.* a. 1713. edit. seq. a. 1717. *Liberius Candidus* tertiam Tubae editionem adornavit, seque aduersus eum defendit. v. *Vnschuld. Nachricht.* a. 1717. p. 704.

XII.

Quantas turbas IOH. HENRICVS HOR-
BIVS, Antistes Hamburgensis, exci-
tauerit, neminem ignorare arbitramur. Hic
Poireti librum *de educatione puerorum*, e Gal-
lico in Germanicum sermonem translatum,
a. 1693. sub hoc titulo edidit: *Die Klugheit der
Gerechten, die Kinder nach den wahren Grün-
den des Christenthums von der Welt zu dem
Herrn zu erziehen* etc. atque distribuit. Anti-
stites Hamburgenses reliqui primum *Horbium*
priuatos inter parietes monent, castigantque,
deinde contra illum, se defendentem, rem-
que praeclaram se egisse putantem, in ora-
tionibus sacris ad populum dicunt. Accidit
eodem tempore, vt ancilla quaedam multa
proferret de consiliis moribusque *Horbii*;



conuenire plurimos homines in aedibus quibusdam, ibi multa mala de sacerdotibus *Horbio* aduersariis, dicta, multa falsa tradita et facta esse, quae, ne nimis longi simus, praeterimus. Exardescit igitur vehementer ciuitas Hamburgensis in *Horbium*: Senatus ad examinandum librum Theologos quosdam constituit; errores excerpuntur, recitantur, typis exscribuntur. Quo facto sapienti consilio Senatus et *Horbio* et reliquis Theologis silentium imponit. Primus *Horbius* leges negligit, se cum Iesu, aduersarios cum Phariseis, pro concione populi comparat, et grauitur reliquos sacerdotes offendit, qui rem ad Senatum deferunt. *Horbius* a munere suspenditur quidem, sed sacerdotes, ut plane remoueatur officio, etiam atque etiam contendunt. Frustra. Mox *Horbius* restituitur. Quod sacerdotibus summopere displicet, qui in suggestu in *Horbium* inuehuntur. Maximae turbae oriuntur, et palam *Horbius* conuiciis proscinditur et a plebe laceffitur. Nihil propius abfuit, quam ut tumultus periculosus oriretur. Varia in lucem prodeunt scripta,

in



in quibus modo accusatur, modo defenditur *Horbius*. Suadet pacem Senatus et ad concordiam sacerdotes adhortatur. Nullam aliam hi pacis restituendae conditionem accipere volunt, quam si publicum inter *Mayerum* et *Horbium* colloquium institutur. Negat hoc *Horbius*, pernegat, et demum vrbe excedere, seque Schlemmum in Holsatiam conferre cogitur. Quo facto tanta demum dissensionis flamma coorta est, ut ipse Imperator Leopoldus ad Senatum Hamburgensem litteras mitteret, eique, quod motus inter ecclesiae ministros non dudum compressisset, exprobraret. Tandem Senatusconsultum factum est, cuius formula haec est: „Sacerdotes Hamburgenses, ne posthac de *Horbii* causa, et ad eam „pertinentibus, aut per publicam scriptorum reciprocationem, aut mentione in „concionibus, copulationibus etc. directe „et indirecte facta, quicquam proferant, sed „ab iis omnino abstineant; secus si fecerint, „contrauenientibus notabilem animadversionem irrogatum iri. „ Denique *Horbius* a. 1695. diem obiit in exilio. *)



a) Cum de hoc *Horbio* si omnia commemorare vellemus, singularis esset liber scribendus, laudabimus scriptores, pluribus qui de eo exposuerunt. *Recens. Nequit. Piet. c. 4. etc. Species facti, und darauf eingeholtes Theologisches und in Gottes Wort gegründetes Responsum der hochfürstl. besitzlichen Theologischen Facultat auf der Univers. Giessen über einige Frag-Puncta. Deren Herren Juraten bey St. Nicolai in Hamburg übel eingerichsete Species facti, Hr. M. Horben betreffend, fürgestellt von dem Ministerio zu Hamburg; et multa alia quorum numerus vix iniri potest.*

§. XIII.

Immortali ingenii monumento, immortallem consecutus est gloriam IAC. AVG. THVANVS, quam nulla vnquam obliuio delebit. Historiam enim, quam de suis temporibus scripsit, opus esse in eo genere litterarum maximum omnium, quae vnquam post Liuii Annales sunt editae, recte iudicat *Casaubonus* in *Epist. 263. p. 315.* a) Veritatis studiosissimus illud operam dedit, vt, causis amoris odiisque procul facessere iussis, laudanda laudaret, vituperanda vituperaret, nec vnquam historiae leges negligeret. b) Quare in multorum odium incurrit, Romana



na et Hispanica censura oneratus, aulae Gallicae fastidia sensit, et eo tandem rem perductam esse vidit, vt quaedam mutaret, alia leniret, alia plane detraheret. Tantum profecto odium apud Clericos Romanos excitauit historia *Thuani*, quem Lutheranorum partibus magis quam Catholicorum fauere clamabant, vt filius *Thuani*, eodem nomine insignitus, capitis periculum adiret, et luculentum exemplum proderet, non patribus solum, sed filiis quoque interdum libros perniciosos esse. *Richelius* enim, qui *Thuanum*, quod aliquem maiorum suorum nominauerat, non laudauerat, quasi genus Richeliorum non satis illustre esset, neque honorificam satis Richelii mentionem fecerat, (vid. *Patin. Ep. 75.*) capitali odio persecutus est, vlciscendae iniuriae libidinem in filio expleuit. Sunt tamen, qui putent, ideo filium capite esse punitum, quoniam nemini, Henrici d'Effiat consilium Richelium interimendi, detexisset. *Iacobus Macaldus* sub ficto *Iob. Baptistae Galli* nomine Historiam Thuani notis illustrare, et auctorem communi omnium odio exponere voluit.



luit. Dignus tamen est, quidquid hic contra dicat, qui vno omnium eruditorum ore laudetur, diligenterque ab iis legatur, qui eorum temporum historiam perspectam cognitamque habere cupiant. ^{c)}

a) De noua et satis splendida editione Londinensi v. *Acta Eruditor. Lipsiens.* a. 1737. p. 241. de aliis editionibus v. *Sagittar. Introd.* in H. E. p. 154. et *Struu. in bibl. Histor.* p. 204. *Whear in Meth. leg. Hist.* p. 99. et 172.

b) Quam vere senserit *Thuanus*, patet, vt ex aliis multis, ita praecipue ex voto de laniena Parisiensi: *Excidat ille dies aeuo, nec postera credant secula, nos certe taceamus et obruta multa nocte tegi propriae patiamur crimina gentis!* Quanto rectius *Thuanus Mureto*, (in orat. XXII. vol. I.) *O noctem illam memorabilem, et in fastis eximiae alicuius notae adiectione signandam, quae paucorum seditiosorum interitu regem liberauit! Quam quidem nocte stellas equidem ipsas luxisse solito nitidius arbitror, et flumen Sequanam maiores undas voluisse — o felicissimam mulierem Catharinam —* . Quam valde hanc crudelitatem Imp. Maximilianus detestatus sit, docet illius epistola ad Lazarum Schwendium, in *S. R. I. Constitut. a Melch. Haiminsf. Goldast. edit.* P. 3. p. 204. Sed haec obiter.

c) De odio *Richelii* in *Thuanum*, v. *historia arcana, sub auspicijs Ludou. XIII. a Richelio gestorum*, T. II. L. IV. Amstelod. a. 1717. Plura de *Thuano* inuenies apud *Morbef. Polyhist.* L. V.



c. 1. p. 221. *Struu. introduct. in nosit. R. litter.*
p. 93. *Journal litter. T. II. p. 108. Bailii di-*
ction. f. v. Thuanus.

XIV.

LAVRENTIVM VALLAM eruditis se-
culi XV. viris, non tantum omnibus,
palmam praeripuisse, omnemque operam ad
pristinam barbariem depellendam, et suum
bonis litteris decus suumque vigorem red-
dendum contulisse atque etiam praeclara in-
genii monumenta omni posteritati reliquisse,
nemo erit tam hospes in historia litteraria,
qui nesciat. Hic, quoniam omnes prope
suae aetatis eruditos acerbe perstrinxit, ne-
que ipsis clericis pepercit, multa perpeffus
est. Audiamus Spondanum ad a. 1447. n.
X. de Valla sic differentem: *Eodem tempore*
Laurentius Valla, Romanus, elegantis qui-
dem pro seculo, sed pro quolibet tempore vi-
rulentissimae linguae homo, Neapoli existens,
cum quasdam propositiones haereticas asse-
ruiisset, delatus ad inquisitores, et in carce-
rem trusus, damnatusque pro haeretico, bene-
ficio Alphonsi regis, poenam ignis evasit, pro-
positionibus tamen publicis eiuratis, virgis pri-
uatim



nam per Claustra monasterii praedicatorum manibus reuinctis caesus est. Monuerat eum iam antea Franciscus Philelphus, vt, nisi vitae suae pertaesus sit, abstinere velit a perstringendis sacri ordinis viris. v. *Vossius de Histor. latinis* p. 581. Excusatur tamen *Valla* et ab Erasmo, qui in epistola secunda; *num ideo falsum dixit*, inquit, *quia verum mordacius dixit?* et a Serertio in notis ad Hier. Magii librum *de equitico*, qui, p. 264. haec doctrinae illius condonanda esse censet. Ioh. Fabricius eum Grammaticum, Rhetorem, philosophum et Theologum, in *histor. Biblioth.* f. p. 319. appellat. Defensionem *Vallae* suscepit etiam Iouius in *Elogiis vir. doct.* eumque eos modo perstrinxisse scribit, qui optimas artes inculta barbarie defoedauerint, vt iuuentus ad detergendas corruptarum litterarum sordes accenderetur. Obiit a. 1465. annos L. natus. In mortem *Vallae* nescio quis poeta sic lusit:

Nunc postquam manes defunctus Valla
petiuit

Non audet Pluto verba latina loqui.

Iupi-



Jupiter hunc coeli dignatus honore
fuiſſet,

Cenforem linguae ſed timet eſſe ſuae.

Raph. Volateranus hoſce verſiculos, lepi-
dos et facetos, in Vallam compoſuit.

Tandem Valla ſilet ſolitus qui parcere
nulli eſt,

Si quaeris quid agat? nunc quoque mor-
det humum. *)

- *) Plura harrant de Valla Bailius et Budaeus in
ditionariis, Fabricius in *hiſt. Biblioth. ſuae* P. I.
Iovius in *Elogiis*, L. XIII. Mollerus in *Hypomn.*
ad Morhof. Polyhiſt. alii. Distinguendus eſt a
Georgio Valla, qui, cum alium exoneraret, ſub-
ita morte extinctus eſt. v. Pier. Valer. *de lit-*
ter. infelic. p. 27.

XV.

THOMAS CAMPANELLA de *recta*
ratione ſtudenti, compendiolum phyſio-
logiae, Atheiſmum triumphatum, et multa
alia edidit. In quibus quia et Ariſtotelem,
ſcholasticorum deum, perſtrinxit, et Regi
Neapolitano non tantam modeſtiam et cul-
tum exhibuit, quantam debuit, perduellio-



nis reus factus, in vincula coniectus est. Vbi
 tantas misérias perpeſſus eſt, vt vix ſine
 magno animi dolore illas audire poſſimus.
 Primum enim per quinque et viginti annos
 omnem carceris ſqualorem ſuſtinuit, dein—
 de, cum per quinque et triginta horas quae—
 ſio de eo haberetur, omnes circa ſedem ve—
 nae arteriaeque tormentorum vi diſtractae,
 eam vim ſanguinis expreſſerunt tortores,
 quae ſiſti non potuit. Omnia tamen forti
 animo pertulit, et ne quidem vocem emi—
 ſit. *) Harum miſeriarum variae ab eru—
 ditis cauſae commemorantur. Alii illum
 Scholaſticos philoſophos irritaſſe, alii quae
 ſibi credita fuiſſent, temere diuulgaſſe, qui—
 dam regnum Neapolitanum hoſtibus prode—
 re voluiſſe, ſcribunt. Nullam nos tamen
 aliam cauſam harum calamitatum, quam ſcri—
 ptos ab illo libros, et *Atheiſmum Trium—*
phatum praecipue, fuiſſe arbitramur. b) De
 hoc libro *Sorberius* ita iudicat: *Etſi nihil*
mibi carius ſit tempore, cuius iacturam ſem—
per aegre tuli, oleum et operam me perdidiffe
fateor in legendo libro ineptiſſimo monachi in—
eptiſſimi, Thomae Campanellae, cui titulum
 fecit,

*facit, Atheismus Triumphatus. Farrago est
 ineptiarum, ordo nullus, tenebrae multae,
 Barbaries perpetua. Nescio enim an a Cice-
 rone intelligeretur, cum verba facit de actibus
 Peccaminosis, de Bombardis, et Archibasis,
 et Camisa sordida. Hoc unum in vaegrandi
 libro didici, ne ullum alium eius Autoris li-
 brum unquam legerem, si tempori parcere
 vellem. v. Sorberian. p. 57. Liber de recta
 ratione studendi, cuius recensionem Heu-
 mannus, V. Cl. in Actis philosoph. T. I. p.
 545. exhibet, monachis in primis displicuit.
 Sequebatur enim Campanella Bernardini
 Telefii *) sententias, ab Aristotele plane di-
 uersas, ideoque nouam religionem introdu-
 cere, et cum Turcis commercium littera-
 rium, idque Hispanis valde perniciosum ale-
 re dicebatur. In carcere, in quem a. 1599.
 detrusus est, studiis operam dedit, varios-
 que libros scripsit. Quorum praecipuus
 est liber de monarchia Hispanica. De quo
 in Conringianis p. 315. haec legimus: me-
 moriter Campanellam illum in calamus no-
 bili cuidam Italica lingua dictauisse, hunc li-
 brum per aliquod temporis spatium inter re-*



*conditos thesauros habitum, deinde à Ioh. Be-
soldo in germanicum et latinum sermonem con-
uersum fuisse. Audiamus iudicia quaedam
viro- rum doctorum de hoc Campanella =
Primum quidem Crozii, (Entretiens sur
divers sujets d' Histoire de litterat. etc. p. 380.)
C' etoit un homme d' une ambition demesurée,
et d' un esprit à tout entreprendre, ce qui
lui attira de fort mauvaises affaires, tant de
la part des Espagnols, que de ses propres com-
freres. Naudaeus ita iudicat: fuit ardentia
et portentosi ingenii vir, qui noua in omnibus
fere scientiis excogitauit. Fabricius denique
in Hist. Biblioth. P. III. p. 471. haec scribit.
Fuit philosophus acutissimus, sed et summa
eruditione ac parrhisia magnam sibi inuidiam
conflans. ^{d)}*

^{a)} v. Corn. Tolleius de infelicitate litterat. in Ana-
lect. de calamitate litterat. a Menkenio editis,
p. 445. et Ian. Nic. Erythr. in Pynacotheca.

^{b)} De hoc libro iudicant et Struuius in Act. lit-
terar. ex MSC. erutis, Fasc. II. T. I. p. 38. et
Tenzelius in colloqu. mensuris a. 1692. p. 890.

^{c)} Hic in oppugnando Aristotele multum studi-
collocavit. Edidit libros nouem de rerum na-
tura, Neap. 1586., a Clemente VIII. Pontif.
Rom. indici expurgatorio illatos. v. Ioh. Georg.
Lotteri



Lotteri. *commentarius de vita et philosophia Bernardini Telefii*, Lips. 1733. quatern.

d) Si quis plura de Campanella scire cupiat, nec lectu indigna, nec iniuncta; adeat Tob. Adami in praefat. *ad prodromum philosophiae instaurandae*, Reimannus in *Histor. litter. germ.* P. IV. p. 49. Stollum in *Histor. Biblioth. suae*, p. 334. Wolsium in *dissect. de carcere* etc. p. 17. et Bellum in *Dictionario*. Optime tamen omnium vitam Campanellae Cyprianus, Theologus primarius, a. 1722. edidit.

XVI.

HIERONYMVS VECHIETTUS AB AEGYPTO, *) Florentinus, in libro chronologico, opiniones quasdam nouas, veluti de sacra coena ^{b)} defendit, atque ea de causa ad sacrae inquisitionis tribunal delatus, libro combusto, in carcerem coniectus est, in quo annos LXXX. natus oblit. ^{c)}

*) Cognomen hoc *Vechiottum* ab itinere, quod Catholicae religionis causa per Aegyptum, non sine ingenti vitae discrimine fecerat, accepisse, scribit Ian. Nic. Erythr. in *pinacoth.* sub hoc nom. p. 196.

^{b)} Docuit Christum non azymum adhibuisse, sed panis usum instituisse, ut ex Biblioth. du Pin refert Buddeus in *Lexic. vniuers.* append. f. 912. Plura de hac controuersia vid. in S. V. etque



Magnifici Dni D. Hermanns historia de p
azy mo et fermentato.

c) vid. Buddeus l. c.

XVII

CLAVDIVS SANCTIVS, a Caspa
Sanctio, non infimae fortis Iesuita,
a Francisco Sanctio, commentarii de cau
latinae linguae auctore, distinguendus,
disputationibus Theologicis exercitativissimu
teste Bailio, fuit. (*l'un des principaux Co
troverfistes du XVI. siecle.*) Examen doctr
inae Calvinianae et Bezanæ de coena dom
ni, et commentarium ad edicta veterum
principum de licentia sectarum in Christian
religione, et alia quaedam scripsit. Qui
bus si contentus fuisset, non in tantam in
cidisset calamitatem. Cum vero in alio li
bro Henricum III. iuste interfectum esse di
xisset, in carcerem coniectus est, in que
a 1591. expiravit. Id quod ex Thuanco
Bailius in *Dictionar.* T. III. p. 2650. com
memorat.



XVIII.

HENRICVS CORNELIVS AGRIPPA,
 et a nobili genere ortus, et Medicinae, Iu-
 risprudentiae et Theologiae gnarus, libro
*de incertitudine et vanitate omnium scientia-
 rum et artium* edito, multorum in odium
 incurrit. Nam Louanienses Professores
 XLIII. errores sibi in hoc libro inuenisse
 videbantur, eosque palam proferebant, sed
 ita, vt bono Prisciano non paucos colaphos
 impingerent. Defendit se igitur *Agrippa* in
 libello, qui in operibus Lugduni editis, p. 273.
 existat. Quo facto Monachi vehementius
 exacerbati, omnem contumeliae notam fa-
 mae, nomine ac vitae *Agrippae* inurere, rem
 ad Margaretham Austriacam deferre, atque
 etiam in Caesaris aliorumque odium princi-
 pum *Agrippam* adducere ceperunt. Evoluat
 lector *Summarische Nachr. aus der Thomasi-
 schen Bibliothec. T. I. p. 188.* vbi hoc epigram-
 ma, sine dubio a monachis factum, legimus:

Inter diuos nullos non carpit Momus:
 Inter heroas monstra quaeque infectatur
 Hercules: Inter daemonas rex Erebi,
Pluto, irascitur omnibus vmbis,



Inter Philosophos ridet omnia Democritus, contra deslet cuncta Heraclitus, nescit quaeque Pyrrhon; et scire se putat omnia Aristoteles, contemnit cuncta Diogenes. Nullis hic parcat Agrippa, contemnit, scilicet, nescit, deslet, ridet, irascitur, carpit omnia, ipse Philosophus, daëmon, heros, deus, omnia.

Sed audiamus ipsum *Agrippam* de calamitatibus suis in *Epist. 35. L. VII. p. 379.* hæc dicentem: „Cum nuper edidissem declamationem illam de vanitate scientiarum atque „excellencia verbi Dei, quam in hoc ipsum „scripsi, partim, vt segniora ingenia ad defendenda bonarum litterarum studia excitarem, partim, vt monachis istis concionatoribus arguendorum in omni exercitii genere vitiorum non frigida argumenta conferrem, illi hoc beneficium meum ingrato „pensantes animo pariter omnes communem hostilitatem mihi indixerunt, iamque „passim a suggestis, a pulpitis, in publicis „concionibus, apud promiscuam plebem, „magnis vociferationibus aduersum me clamabant, irascabantur, atque nullam impietatem,



„tatem, nullam haeresin, nullum contume-
„liae probrum in me non transferebant,
„mirisque gesticulationibus, puta illis digi-
„tis, iactatis manibus, raptimque retractis,
„collis dentibus, fremendo, conspuendo,
„vicissimque scalpendo caput, et rodendo
„ungues, et calcitrando pedibus insanientes,
„nullum penitus amentiae genus omittebant,
„quo principis et populi odium iracun-
„diamque in me concitarent. „ Haftenus
Agrippa. In indice librorum prohibitorum,
concilio Tridentino subiuncto, *Agrippae*
opera inter haereticos primae classis libros
referuntur. Atque etiam Agrippa, qui se
ob artem aurum faciendo aliquoties liberta-
tem amisisse, in Ep. X. L. II. scribit, ob hunc
librum Bruxellis in carcere aliquamdiu hae-
sisse dicitur. Sunt vero varia de illo libro,
Agrippae fatali, iudicia virorum doctorum.
Audiamus primum Erasmus, in Libr. 27.
epistol. p. 1083. *Ex huius libri qualicunque*
gustu deprehendi, hominem esse ardentis ingenii,
variae lectionis, et multae memoriae, alicubi
tamen maiore copia, quam delectu, ac dictione
strenuosa, verius quam composita. In omni



genere rerum vituperat mala, laudat bona, sed sunt, qui nihil aliud sustinent, quam laudari. Cel. Buddeus et in *Isag. hist. theologic.* p. 21. in hoc libro multa quidem occurrere dicit, quae profanam et impuram viri mentem prodant, nonnulla tamen etiam rectissime verissimeque dicta, et in *Theol. moral.* P. II. c. 3. l. 3. p. 663. *Agrippam* existimat vtilis pariter ac inutiles artes scientiasque vno eodemque loco habuisse, et in vtilium tractatione, quae hominum iis abutentium aut commentis vanis eas commaculantium vitia sunt, ipsis attribuisse artibus scientiisque. Schelhornius denique in *Amoen. litter.* T. II. p. 514. *si quid iudico, inquit, inter omnia Agrippae scripta hoc praestantissimum est, et caput effert, exquisita eruditione et gravissimis contra illius aetatis errores atque vitia testimoniis refertum.* Caeterum non vbiuis *Agrippam* serio rem suam egisse arbitratur. Scripsit praeterea Agrippa libr. III. *de philosophia occulta*, ob quos in suspicionem magiae incurrit. Sed Petr. Frid. Arpe in libro *de Talismanibus et prodigiosis naturae artibus* p. 124. insigne opus appellat, eumque ex
invidia



inuidia potius et ignorantia, quam ex vero huius criminis reum pronuntiatum esse censeat. cf. *Budd. Thes. de Atheism. et superstition.* p. 703. Omnis procul dubio accusatio a characteribus magicis phrasibusque periculosis in L. IV. obuiis prouenit. Sed *Agrippam* Librum hunc pro ingenii sui foetu minime agnouisse docet Naudaeus, (*Apologie des grands Hommes*, P. II. c. 15. p. 299.) cf. Tenzelius in *Biblioth. curiosa*, T. III. p. 134. et Wierus de *praestigiis daemon.* c. 5. p. 108. Eundem *Agrippam*, canis nigri specie indutum daemonem usque ad obitum comitem habuisse, ridicule quidam tradunt, ut Paul. Iouius in *elog. doct. vir.* c. 101. Theuetus in *hystor. homin. illustr.* l. VII. p. 271. et Del Rio in *disquisit. magic.* L. II. qu. 12. n. 10. Quod tanquam commentum recte reiciunt Wierus et Naudaeus. A Christ. Thomasio, *Agrippa* vir omnium, quos sol vnquam conspexit, honestissimus dicitur in *dissert. de crimin. magiae*, ubi et ideo tot de *Agrippa* conficta esse existimat, quod Lutherum oppugnare noluerit. En iudicium ipsi consuetum! ²)



*) De hoc Agrippa cf. Bail. *diction.* sub hoc nomine, Melch. Adami in *Vitis medicorum*, p. 16. Fabric. *Hist. Biblioth. suae*, P. VI. p. 270. v. Seelen *Select. litterar.* p. 351. *Biblioth. Thomasian.* T. I. p. 183. *Fortges. Sammlungen*, a. 1726. p. 803.

XVIII.

IOSEPH. FRANCISCVS BORRI, vir fuit arrogans et portentosus. *) Infusas multas et ridiculas opiniones protulit; deiparam aliquam Deam esse, Spiritum S. in ventre Annae incarnatum fuisse, in eucharistia non Christum solum sed et Mariam contineri et adorari docuit; nec paucos in sententiam atque familiam suam traxit. Sibi vero suisque magna pericula imminere videns, fugam cepit. Citatus vero primum a. 1659. atque iterum a. 1660. ad se defendendum sententiamque audiendam, non apparuit. Quare haec de eo pronunciata fuit sententia: „Inuocato S. Nomine Iesu nos „huius supremae et vniuersalis Inquisitionis „Cardinales in causa vertente inter Petrum „Seristam principem fiscalem nostrum ex „vna parte et Ios. Fr. Burrhum inquisitum
„pro-



„processatum contumacem et excommunicatum causa fidei et errorum ex altera parte pro tribunali sedentes ex consilio et sententia patrum consultorum huius vniuersalis inquisitionis dicimus, pronunciamus, Ios. Fr. Burrhum praedictas ob causas vt haereticum puniendum esse, censuras tam generales, quam particulares incurrisse, ideoque illum omni honore et praerogatiua priuamus, foro Ecclesiastico, et matre ecclesia, cuius misericordia se indignum praebuit, expellimus, atque ad detestandum illius delictum effigiem eius Cardinali Pro gubernatori, vel ipsius locum tenenti criminaliter tradimus ad poenarum debitarum executionem. Praecipimus etiam omnia ipsius haeretica scripta comburenda esse, omnia bona mobilia et immobilia confiscanda etc. Cui sententiae a. 1661. satisfactum est d. III. Ianuar. quo effigies Borri vna cum libris a carnifice combusta fuit. Hac sententia lata in Daniam fugit, regique Friderico III., se lapidem Philosophorum inuenisse dicens, imposuit. Cuius post obitum Viennam se contulit, vbi a Legato



Apostolico vinculis constrictus, Romam missus, et in perpetuos carceres detrusus est.

- a) Appellatur un fameux Chymiste et Charlatan à Bailio in *diction.* T. I. p. 653. quicum confer. Tenzel in *colloqu. menslr.* 1692. p. 460. Schellhorn. *Amoen. litter.* T. V. p. 141. *Biblioth. Schraderiana*, N. 1169. Mad. de Gomez in *Journ. amusantes.* T. IV. p. 164.

XX.

DE IOANNE LYSERO, insano et infelici illo polygamiae defensore, docte, eleganter et copiose scripsit D. Io. Ioach. Gottlob Am-Ende vir humanissimus, et prisca nobiscum amicitia coniunctus, in *Memoria Inspectorum Portensium*, p. 18. seq. Quare lectores, plura qui scire cupiant, ad illum librum ablegabimus, et notatu dignissima inde delibabimus. Natus hic *Lyserus* a. 1631. Lipsiae, in schola prouinciali Portensi et deinde Lipsiae litteris operam dedit; tum pastor et inspector Portensis renunciatus, parum demandato muneri satisfecit: et, licet coelebs fuerit, ab omnique amore mulierum semper abhorruerit, omnes tamen *neruos intendit vt Polygamiam non modo licitam,*



tam, sed a Deo quoque praeceptam esse demonstraret. Edidit primum dialogum linguae vernacula conscriptum: *Sinceri Wabrenbergs kurzes Gespræch von der Polygamie*, deinde alium librum: *Das Koenigliche Marck aller Laenden*, tum tertium: *Theophili Alethaei discursus politicum de Polygamia*. Quem mox editio auctior secuta est, sub titulo: *Polygamia triumphans*, id est, *discursus politicus de Polygamia, auctore Theoph. Alethaeo, cum notis Athanasii Vincentii, omnibus Antipolygams, ubique locorum, terrarum, insularum, pagorum, urbium modeste et pie opposita*. Quo facto, auctoritate Principis Electoris, munere, licet intuitus, cessit. Comitibus Suecici de Koenigsmarck, cuius consilio Polygamiae defensionem suscepisse dicitur, opem imploravit: eo mortuo totam Germaniam peruagatus est; ob fraudes a Comite Hanœuensi in carcerem coniectus: Gustronio, in terra Megalopolitana, expulsus: Stada eiectus capitis periculum adiit: e Dania iussu regis decussu, munere concionatoris castrensis abrogato, et libito a carnifice combusto: in Suecia in carcerem detrusus.

et



du raisonnement. A peine avoit-il appris le latin, mais lors qu'il parloit sa langue naturelle, il expliquoit, ce qu'il savoit avec tant de grace, tant de politesse, et tant d'abondance, que la douceur et la pureté de son discours ravissoient tous ses auditeurs. Lors qu'il devoit prêcher quelque part, le peuple y accourroit, les Villes entières venoient pour l'entendre: il n'y avoit point d'Eglise assez vaste pour contenir la multitude. Quocum consentit Louius, ad a. 1542. scribens: *In tanta tum erat existimatione, ut unus optimus totius Italiae concionator haberetur, ut qui admirabili quadam cum actione tum linguae facundia auditorum animos, quocunque vellet, raperet:* Cyprian. *Pent. Hist. Eccles.* p. 94. Fabric. *Hist. Biblioth. suae*, P. V. p. 148. Chr. Gott. Hoffmanni *disert. de Senio eruditorum*, Lips. 1711. p. 34. *Vindiciae scripturae sacrae a Psuedhermenia quae passim in scriptis Patronorum Polygamias etc.* Lips. 1713. vbi et Ochinum a pontificiis ad reformatos migrasse, et deinde in Arrianum degenerasse narratur. *Alt. Erudit. Lips.* a. 1724. p. 338. vbi mentio fit libri *Ochini*, aduersus Papam lingua Anglicana, Londini impressi, et sermonum de praedestinatione: *Memoir. de litter.* T. I. p. 183.

- b) Est hic dialogus in edit. Basileensi. a. 1563. L. II. n. 3. vigesimus primus. Caeterum istos dialogos praeter polygamiam, quam defendunt, nihil ex Atheismo trahere, scribit Morhof. l. c. p. 73. Idem sentit Arnoldus, in *Histor. Haeretic.* P. II. L. 16. c. 22. §. 19. *Die Theologi gestehen, daß er ausser derselben, (der Meinung*



von der-Polygamie) *orthodox gewesen*. At longe aliter sentit Leuin. Nicol. a Mohlzen, auctor annotat. in Thom. Broune *religi. medic. sect. 19. p. 126.* qui *Ochlinum* auctorem libri de tribus impostoribus esse arbitratur.

XXII.

Tertius infelix Polygamiae patronus, SAMVEL FRIDERICVS WILLENBERGIVS, Iurium doctor, ex Academia Viadrina ad illustre Athenaeum Gedanense euocatus, scripsit libellum *de finibus polygamiae licitae*, animosque Polonorum adeo illo concitauit, vt summum regni Polonici tribunal a. 1715., habito Petricouiae senatu publico, librum a carnifice in foro comburendum, auctorem vero capitis reum indicaret. ^{a)} sententia quidem paullo seueriore, sed eiusmodi tamen, quae, quantopere Pontificii polygamiam execrentur, manifesto declarat. ^{b)} Quin et ciuitati Gedanensi, vt liber palam in ignem coniicere-tur sub centum millium aureorum multa iniunxit idem tribunal. ^{c)}

^{a)} Litteras, in quibus haec sententia pronunciatur aduersus *Willenbergium*, eiusque librum, exhibit



bet B. D. Wernsdorfius in disputat. de polygamia, p. 12.

b) Ita iudicat modo laudatus Wernsdorfius, in l. c. p. 5.

c) γ. *Nachricht wegen der Willenbergischen Controvers de Polygamia*, in *Antiq. Nou. Theol. A.* 1716. p. 341. cf. *Büchersaal*, P. I. p. 49. et *Vindiciae scripturae sacrae a Psuedhermenia*, modo laudatae, in quibus id agitur vt *Willenbergii* errores refutentur. Valde, vt facile intelligitur, hic *Willenbergius* a partibus *Lyfstr* stetit, de quo in *den Unpartheyischen Gedanken über den bisberigen Wortstreit D. Weickmanns mit D. Willenberg etc.* ἀνορύμω edito, scribitur, *Ioh. Lyferus* habe die Polygamie so wohl verfochten, daß alle seine aduersarii an ihm zuschanden worden, und er mit ihnen, als eine Katze mit der erhaschten Maus spielen koennen. v. *Cel. Am-Ende* in l. c. p. 34.

XXIII.

Musis et Apolline fauentibus natum esse PETRUM ANGELIVM BARGAEVM testatur carmen, quod de venatione, inter ipsos belli strepitus, et rei familiaris curas, viginti annorum spatio composuit. Hic primum castra secutus, deinde se mansuetioribus Musis deuouens, per primos sex menses nihil omnino capere, nullosque in litteris progressus facere potuit. Tam corruptur



ruptum erat ingenii acumen, tam extincta illa vis animi desidia et tumultu belli! Rediit vero paullo post prisca sollertia. Venit Bononiam, audit Romulum Amasaeum diligenter, totumque se Graecis et Latinis litteris dedit. Nihil vero tantopere optauit, quam ut, carminis de venatione scribendi causa, in exterarum regiones excurreret. Cuius non paullo post ipsi occasio offertur, etsi non iucunda. Scribit in quendam uxoris suae lenonem senarios, delatusque atque a Praetore capitis damnatus, lethum fuga euitat, multas terras peruagatur, et post varios casus primum a Regiensibus, deinde a Pisanis ad litteras docendas reuocatur. Quatuor constituit libros de aucupio scribere, sed vnum tantum absoluit. Rogatus igitur, quare non filum pertexat, quia, inquit, nihil cepi in venatione, atque a canibus in ipso venationis apparatu prope dilaceratus sum, nolui aucupium tentare, ne, quod reliquum est, a vulturibus et accipitribus deuoretur. ^{a)}

^{a)} vid. illius vita in *Fatti Consolari dell' Accademia Fiorentina*, da Salvino Salvini, etc. Florent. 1717.



XXIIII.

Est in Voll. II. *Bibliothecae Fratrum Polonorum* seu *Vnitariorum* disputatio inter Socinum et CHRISTIANVM FRANKEN: utrum Christus, cum non perfectissima ratione Deus sit, adoratione religiosa colendus sit, nec ne? et quae a. 1584. in aula Paulicouii quidem habita, sed a *Franken* non ex veritate, sed e lubitu descripta. Fuit hic *Franken* Gardelebiensis, Iesuita Romae, post Rector scholae Chmielnicensis in Polonia, et tandem lector Claudiopoli in Transilvania. Negavit semper et pernegavit, Christum diuinum cultum et diuinos honores habendos esse. Quae dementia eo processit, ut libros *contra Trinitatem* scriberet, qui ipsi vehementes et iustas persecutiones et typographo iacturam officinae typographicae excitauerunt. vid. *Sand. B. A.* p. 86.

XXV.

Vellem, ut, quas a natura dotes ingenii nactus erat, ad meliora conferre voluisset IO. TOLANDVS, homo, ut recte *Deylingius* in *Obs. S. P. II.* p. 109. iudicat, in
impias



impias quasuis et ἀθέαις opiniones proiectissimus, et atheorum, quos nostra aetas tulit, facile impudentissimus, teste *Buddeo, Thes. de Atheism. p. 8.* Nam et vehementer litteris prodesse, et omnibus illis calamitatibus et turbis carere potuisset, quas sibi libris suis creavit. Consilium ceperat librum scribendi, in quo Christianam religionem quam maxime perspicuam esse, neque sanae rationi contraria dicere, probare, mysteria religionis exponere, et quam conformia sint rationi, ostendere, veritatem denique Sacri codicis contra Atheos et alios defendere voluit. Prima huius libri pars, a. 1696. Londini hoc titulo, *Christianity not mysterious* edita, multorum animos in *Tolandum* incitavit. Erant enim in eo, multa parum prudenter, parum pie dicta. Recusus est hic liber eodem anno nova praefatione auctoris, et a. 1702. Londini cum *Apologia Tolandi*, et ipso inuito, addita. Hunc librum, ut Dublinum mitteret, adductus est immoderata quadam famae cupiditate. Quo cum a. 1697. profectus esset, accidit, ut a primario Theologo in concione populi refutaretur.

F. 2

tur.



tur. Quod non eo animo tulit, quo debuit. Palam male de Christiana doctrina dixit, sacerdotes irrisit, cultum Dei contempsit, atque sic vixit, vt, quicumque *Tolandi* consuetudine vteretur, niger, et impius videretur. Quare non solum Senior collegii S. Trinitatis Dublini contra *Tolandum* scripsit, eumque, vt alia taceamus, pessimum hominem et alterum Mahometam appellauit, sed etiam ipse liber, anno 1697. d. XI. Sept. iussu Parlamenti, palam a carnifice in ignem coniectus est. ^{a)} *Tolandus* vero, quem in vincula coniicere et punire voluerunt; fuga salutem quaesuit. In hoc libro multa impia esse, ipse *Tolandus* fatetur. Quod sibi ignosci posse credit, qui hunc librum annos XXV. natus scripsisset. Refutatus hic liber est a viris doctissimis, Ioh. Norrisio, Eduard. Stillingfleetto, Paynio, Beuerleio, Beckensalio, aliis. Aliis quoque libris editis: vt Ioh. Miltonis scriptis, in quibus de Θεοπνευστα N. T. dubitare videtur, nec satis caute de Carolo I. iudicat: vt T. Liuius a superstitione vindicatus: vt originibus Iudaicis, in quibus Atheos supersticiosos praefert, ^{b)} Mosen vero Spinozistam



nosistam fuisse arbitratur; ^{c)} multorum sibi odium plurimasque turbas conciliauit. ^{d)}

^{a)} v. *Gelehrte Fama*, P. VII. p. 475. *Leipzig-Gelehrte Zeitung*. 1722. p. 293.

^{b)} v. *Act. Erud. Lipsf.* 1709. p. 248. inprimis, p. 251. *Neue Bibliothec. T. III.* p. 386. *Ausführ. Ber.* p. 585.

^{c)} *Deyling. Obseru.* S. P. II. p. 4.

^{d)} Ceterum de Tolando vide. *Act. Erudit. Lipsf.* a. 1700. p. 372. a. 1719. p. 479. a. 1710. p. 477. vt et *Act. Erud. Germanico sermon. scr.* T. II. p. 607. *Budd. Thes. de Atheism. Journ. d. Scau.* 1709. Apr. p. 88. *the life of Monsr. John. Toland*, Lond. 1722.

XXVI.

SAMVEL SORBIERIVS primum Lute-
tiae medicae rei operam dedit, deinde
ad Batauos abiit, mox redux in Galliam et
inde post annum ad Batauos reuertens, Ley-
dae substitit, variaque ibi edidit, vt *Discursum*
Scepticum de Chylo, et *Politicam Hobbesii a se*
versam. Dein iterum in Galliam rediens,
Reformatam commutauit religionem cum
Pontificia, magno pretio accepto, multas
regiones peruagatus est, et, in Angliam cum
abiisset, edidit istius itineris descriptionem.



Quo factum est, ut in urbem Nannetum expelleretur, unde tamen reuocatus fuit non multo post. Causam exilii non desunt qui regi Daniae tribuant, quem apud regem Galliae questum esse dicunt, *Sorbierium de Vlesfeldio* comite nimis libere in illo libro scripsisse. Obiit a. 1670. ^{a)})

^{a)}) Vitam *Sorbierii G. L. Colomyez* scripsit, et *Sorberianis* praefixit.

XXVII.

VBERTVS FOLIETA, Genuensis, ut ingenio et eruditione litteris politioribus, praesertim latinis, maximum decus attulit, ita scribendi licentia procures patriae urbis grauitur offendit, et in primis propter duo libros, *de nobilium et plebeiarum familiarum distinctione*, lingua populari, in patriae salutem optima mente conscriptos, perduellionis damnatus, in exilium eiectus est, quod patienter tulit, in eoque mortuus est. ^{a)})

^{a)}) vid. vita *Folietae* a B. *Moshemio* scripta, et suauissimo sermone conscripto libro *de usu et praestantia linguae Latin.* praemissa, ubi *Mirneus, Teissier, Thuanus*, alii, laudantur.



XXVIII.

BARTHOLOMAEVM PLATINAM ob litteras nimium vehementes, et acerbas, in carcerem coniectum esse, et Fabricius in *Histor. Biblioth. suae*, P. II. p. 488. et scriptores vitarum doctorum Italorum (*Giornale de letterati d' Italia*) T. XIII. p. 416. commemorant. Quibus de litteris prope omnes, qui de vita *Platinae* exposuerunt, tacent. Caspar. Sagittarius autem in *Hist. Eccles. T. I. c. XXV. §. X.* copiose rem enarrat. „Post Pii mortem, dicit, a Paulo II. loco motus est, et bonis omnibus spoliatus, non alio nomine, quam quod apud Pium in honore fuisset. Aegre admodum id tulit *Platina*, et palatium continuis viginti diebus obsidens, cum ad Pontificis colloquium neutiquammitteretur, missa epistola ad reges et principes dilapsurum minabatur, eosque adhortaturum, ut concilium ipsi indicerent, in quo gestorum rationem reddere cogeretur. *Platinae* ferociam carcere durissimo et compedibus castigavit Paulus. Ipsum audiamus *Platinam* de calamitatibus suis in vita *Pauli II.* misere querentem. *Reuinctus eram, inquit, pedibus.*



pedibus, et quidem grauissimis media hieme, sine foco, celsa in turri ac ventis omnibus exposita coarceor mensibus quatuor. Trithemius *de scriptoribus Eccles.* p. 377. hæc refert: „Multas a Papa Paulo II. calamitates sustinuit, adeo, vt bonis omnibus et dignitate spoliatus, post equulei suspensionem in carcerem crudelissime detrusus, vsque ad mortem ipsius Pauli detentus sit, a Sixto IV. mox liberatus. „

Nomen si quis proprium illius scire cupiat, *Sacbum* appellatum esse, narrant. *Platina* vero ideo nominatur, quoniam in pago terrae Cremonensis, olim *Platina*, hodieque *Piadenna* dicto, natus fuit. v. *Anon. vit. Luc. Holstenii* p. 10. Inclauit nomen *Platinae Historia de vitis Pontificum Romanorum*, Colon. 1610. edita. Hunc librum, qui a Christo vsque ad Paulum II. h. e. ad a. 1471. romanor. Pontif. vitas enarrat, ornauit annotationibus suis *Onuphrius Panuinius*, qui et supplementa vsque ad Pium V. i. e. a. 1572. addidit. Perrexuit deinde eam historiam *Antonius Cicarella*, vsque ad Paulum V. i. e. a. 1602. pontificum imaginibus adiectis. Primum hæc historia



istoria exscripta est typis Venetiis, a. 1479. fol. teste Bailio, in T. III. *dition.* p. 2453. Varia vero variorum de hoc libro sunt iudicia. Robertus quidem *Chreygthon* Platinam auctorem ficcum et strigosum appellat, saepe verborum, saepe sensus, multoties rerum experientia, nonnunquam integritate destitutum. Et quod magis miremur, nunquam lapsus est grauius, quam in Eugenii vita, sub cuius temporibus floruit. Sannazarius vero in historiam Platinae hosce versiculos composuit,

Ingenia et mores vitasque obitusque nota-
tasse

Pontificum, argutae lex fuit historiae.
Tu tamen hinc laetae tractas pulmento
culinae,

Hoc Platina est ipsos pascere ponti-
fices.

Flacius illum inter testes veritatis refert, et in Catalog. p. m. 1909. sic laudat: „Etsi Platina turpiter et impudenter papis adulatus sit, tamen nimia ipsorum turpitudine et malitia coactus aliquando etiam subindicat Babylo-
niae meretricis nefanda scelera. — In pon-
tificibus



tificibus post millesimum annum subinde re-
 petit, omnem pietatem et sanctitatem a pa-
 pis ad caesares migrasse. „ Praeter hanc Ro-
 manorum Pontificum historiam alia quae-
 dam scripsit Platina, quae a Fabricio, l. c.
 p. 425. commemorantur. De fati illius et
 secundis et aduersis v. Bailii *diction.* T. III.
 l. v. *Platina*, Struu. in l. c. T. I. Fasc. IV. p. 3.
 Auctorem der *Württembergischen Nebenstun-*
den P. II. p. 105. Georg. Ern. Walchius in *ob-*
seru. de societate abbreviatorum Romanorum,
 cuius directorem *Platinam* constituit, in *T.*
I. Misc. Lips. p. 144. *Halleruordium* pluribus
 in *biblioth. curios.* p. 29. eius fata enarrasse
 scribit. Verum si Halleruordium euoluas
 ne verbum quidem de Platinae fati inue-
 nies, nisi hoc vnum, se in Syntagmate de
 Cl. *Bibliothecariis* plura esse allaturum. Tan-
 dem *Platinam* a. 1481. peste extinctum esse
 scimus, quam multos nobis eruditos, vt
 Martinum Opitium, Eob. Hessum, Io. Thom.
 Freygiu, Ioh. Rosinu, Hermol. Barba-
 rum, Corn. Iansenium, Poggiu, Buxtor-
 fium sen. complures alios diuersis tempori-
 bus rapuisse recordamur.



XXIX.

BALTHASAR BEKKERVS, Theologus Reformatus, et antistes Amstelodamenſis, edito libro famoſo, *de betoverde Weereld* etc., *mundus fascinatus*, ^a) adeo hominum animos concitauit, vt Senatus Eccleſiaſticus hunc librum tribus ſacerdotibus et duobus ſenioribus examinandum traderet. Quo facto Synedrium non ſolum librum condemnauit, ſed etiam *Bekkerum*, in errore perſeuerantem, a munere ſacro, euchariftiae uſu, atque adeo ex membrorum eccleſiae Reformatae numero excluſit. Quantopere hic liber Batauorum animos allexerit, ſtudiumque accenderit, ex eo colligi poteſt, quod MMM exempla duorum menſium ſpatio diuendita ſunt. Age uero afferamus quaedam virorum doctorem de hoc libro iudicia. Optime collectores *Aſtor. Erudit. Lipſienſ.* a. 1692. p. 27. iudicant, tanta audacia hunc librum ſcripturae innumera loca peruertere, ac, ubi primae hypotheſes probandae eſſent, probationibus deſtitui, vt paucos neminem, paullo reuerentius ſcripturas ſacras habentem, nec ad



rationis occaecatae in spiritualibus dictamen
 eas refingentem, fore putent, qui ab eo in
 suam se pertrahi sententiam passurus sit.
Melchior Leydekkerus, vir doctus, se nihil in-
 uenisse, inquit, quod Mineruam sapiat, ubi-
 que repetitam ex Hobbesio aliisque Liberti-
 nis recoctam crambem, conuitia in ortho-
 doxos fratres, ac perpetuam ignorantiam
 Theologiae veteris et hodiernae de miracu-
 lis, atque argumentorum ex iis pro religio-
 nis veritate desumendorum. v. *Act. Erudit.*
 a. 1692. p. 522. Quid vero *Christ. Thomafius*
 de hoc libro sentit? Primum in *dissertat. ad*
Poiret. p. 38. *virum*, inquit, *doctissimum, et*
inculpatae, quamdiu vixit, vitae, principis
Philosophiae, quam excoluit, in deuia abreptum
esse, et cum abusum, h. e. superstitionem et ni-
miam credulitatem taxare debuisset, maluisse
rem omnem auferre. Deinde dissertationem
 de crimine magiae a *Ioh. Reichio* sub praesi-
 dio *Thomafii* defensam legenti, illius mens
 obscura esse non potest. *Braehmius*, e fa-
 milia *Thomafii*, in disput. de fallacibus indi-
 ciis magiae, de *Bekkero* haec scribit: *nullus*
dubito, quin auctor suusque sim alicui, Bek-
keri



*i mundum fascinatum diligenter euoluere; i ea intentione, vt cum ipso praecipitanter is in alterum extremum impingat, et nem magiam explodat, sed vt dubiis in illo o formatis vtatur ad doctorum placita et rta, tum et historias de Magis eo cautius et iori examine perpendenda. etc. Nescio tan, quid Rabo in mentem venerit, qui hunc tum opus illustre, et sapientiae et eruditionis plenum appellat. v. *Act. Erudit.* T. II. ppl. p. 162. Quanto melius olim iudicatus, qui, vt Theologus Ultraiectinus, *S. de ies* in libro, *de Satan in sin Weesen*, commorat, dixit: *Dit boeck sal in een paer ienden meer quaedse gedaen hebben, als al de edikanten in twintigh jaren met al haer ediken sullen kunnen verbeeteren*, h. e. liber intra duorum mensium spatium plus lorum excitabit, quam omnes sacerdotes inti annis prohibere possunt. Caeterum ne librum infantis chartacei nomine insitum, coniugi suae nitidissimis versibus irimaque laude refertis Bekkerus dicauit, orum initium affert *Dan. Fridr. Ianus in de fatis dedicationum librorum* p. 50. cf. B. Grap.*



B. Grap. in *Syst. Contr.* T. II. p. 80. munus ei abrogatum esset, aduersarii *Be* in numismate diabolum habitu sacerdotum vestitum, asino insidentem, tropaeum dextra tenentem proponebant, eoque diabolum in synodo huius rei causa coactum esse, *Bekkerum* vero superatum esse iniebant, v. *Schaupl. der gelehrten Welt.* p. 403. Aliam in honorem *Bekkeri* comonetam exhibet Tenzelius in *comenstr.* a. 1692. mens. decembr. Prima facies *Bekkerum* veste sacerdotali amictus altera Herculem cum claua proponit verbis additis. *Opus virtutis veritatis triumphat.* ^{b)}

^{a)} Si quis plura de hoc libro cognoscere et iudicia variorum legere, euoluat *Act. E. Lips.* a. 1714. p. 444. *Gundling. Obs.* T. I. p. 78. Baile, *lett. chois.* p. 359. R. differt. *de eo an dentur spectra*, *Lips.* 1703. *Grapii differt. de tentatione Euae et Christi* Meuschenii *Postilla Mystic.* p. 290. *Vnsch Nachricht.* a. 1702. p. 205. a. 1708. p. a. 1721. p. 1082. *Act. Philosoph.* P. IX. p. Budd. *Thes. de Atheism.* p. 278. *Acta E. vernaculo sermone scripta*, T. III. p. 866. Kettneri *differt. de Spinoza et Bekkero*, a. *Journal des Scav.* a. 1707. Jul. p. 45. (



Miscell. Predigten p. 369. lit. b. vbi auctores plures laudantur, et summa libri quasi in compendio exhibetur. Eidem Bekkero editionem *catechismi* fatalem fuisse, legimus in *aufrichtigen und unpartbeyisch. Gedancken über die Journale*, P. II. p. 133. Nam cum, in praefatione praecipue, quae in catechisationibus sibi minus probarentur, perstrinxisset, Maresium sibi infestum reddidit, qui auctoritate, qua multum valuit, effecit, vt libri *Bekkeriani*, vsus campanarum sonitu palam interdiceretur.

- b) De fatiis, turbis, et vita *Bekkeri* copiose expouunt Lilienthal. in *select. Historic. et litter. Obs.* II. p. 17. *Guil. Henr. Beckher in lib. de controuersis praecipuis* Balthas. Bekkero, *Theol. Batauo quondam motis, ob librum* etc. Regiom. ac Lips. 1721. et Tenzelius in *colloqu. menstr.* 1692. p. 109. seq.

XXX.

MICHAEL WIEDEMANN, primum diaconus Suidnicensis in Silesia, deinde sacrorum Stolbergenfium praefectus, a. 1689. adhuc iuuenis in libro, *historische poëtische Gefangenschafften* ^{a)} inscripto, contra Iesuitas et Clericos Romanos paullo liberius multa dixerat. Annis XIV. interiectis, cum *Wiedemannus* omni dexteritate sacerdotio fungeretur, praeter omnem spem et opinio-



nem hunc librum, quem multi ne recordari quidem poterant, e puluere et obliuione in lucem proferunt pontificii, famosum et doctrinae catholicae contrarium esse clamant, et ad curiam lauerensem supremam deferunt. Quae auctoritate caesarea munita, auctorem in vincula coniicit. Qua de causa varii iique satis vehementes motus coorti sunt. Aduersarii quidem *Wiedemanno* turpe exilium, et libro ignem minantur. Diuina vero prouidentia accidit, vt vir pius et probus honeste ex carcere emissus eo die, quo ipsi munus Suidnicense abrogatum est, ab Illustri Comite Stollbergensi, ad maius obeundum munus, vocaretur. Natus est obscuro loco pago *Gersdorf*, in agro Görlicensi a. 1659. a parentibus rusticis. ^{b)} ^{c)}

^{a)} Singulae huius libri partes singulis mensibus Lipsiae prodierunt. In his non magis excellentiam artis, quam rerum varietatem et copiam, praecipue in commentariis annexis, mirificam esse, censet Neumeisterus, in libr. *de poetis Germanicis*, p. 111.

^{b)} De rusticis eruditione claris Schroederus a. 1707. Ienae libellum scripsit. Pertinent huc *Marthias Cutenius*, Rect. scholae Neobrandenburgensis, qui, cum frumentum in horreo tere-



ret, fortuito iuuenum cantu ad studia inuitabatur, Petr. Montmaür, (*Journ. d. Scav.* 1716. P. I. p. 376.) Nicol. Schmidt, (*Struui. Act. litter. ex MSC. Fasc. I.* p. 188.) Ludouicus Carée (*Act. Erudit.* 1715. p. 347.) Henric. Bebelius, Rudolph. Agricola, (*Reimanni Einleitung in die Histor. der Gel.* P. III. p. 327.) et vt multos alios taceamus, Iohan. Vlischiüs, ὁ κύριος ἐν ἀγίοις, olim scholae Afranae Rector, quem mihi ipsi narrare memini, se iuuenem, cum propter paupertatem pecudes pasceret, in campo libros legisse.

- c) cf. *Hallensis Bibliothec.* S. XII. p. 181. et *Funccii Biographia Gorlicensium* p. 154. qui libros a *Wiedemanno* scriptos p. 156. enarrat. Quae in libello, ipsi fatali, scripta fuerint exponit Auctor Anonym. *der aufgefundenen Briefe* T. III. p. 167. vbi omnia fusius commemorantur. Deplorant hunc casum Auctores *der unschuldigen Nachrichten*, 1702. p. 614. et decretum lauerensē de captiuitate proponunt.

XXXI.

Prodiit a. 1644. Hafniae libellus, hoc titulo insignitus: *Dania ad exteros de perfidia Suecorum*, de quo in Io. Deckheri *coniecturis de scriptis adespotis*, p. m. 28. relatum legimus; Suecos palam professos esse, hunc libellum THEODORVM REINKINGIVM scripsisse; ideo hunc per longum temporis
spatium
 F 2



spatium in carcere latuisse, eaque inde conditione esse emissum, vt vel capite plecteretur, vel libellum deuoraret; hoc elegisse *Reinkingium*, et mira astutia libellum in pulmentum conuersum, comedisse. Addit vero Deckherus, neque scribendi genus *Reinkingium* referre, neque magnum illius animum, vt historiolae fidem habeamus, permittere. Atque etiam Placcius in *theatr. anonym.* p. 225. *Gundaeum Rosenkranzium*, consiliarium aulae Danicae, libelli auctorem esse, commemorat. ^{a)})

^{a)}) cf. Iac. Fr. Reimanni *Versuch einer Einleitung in die histor. litterar.* P. III. p. 396.

XXXII.

DE IO. TENNHARTO quid sentiendum sit, nemo, nisi in historia ecclesiastica hospes sit, ignorabit. Hic tenui genere a. 1662. natus, artem tonsoriam et capillamentariam didicit, ciuibz Noribergensibus adscriptus est; semper visiones, somnia et colloquia, quae cum Deo instituisset, in ore habuit; sibi a Deo scribae munus oblatum esse, gloriatus est; et, quae scriberet, sibi a Deo



Deo esse dicta, aliis persuadere voluit. Sed cum ad sacerdotes libellum quendam scriberet, (*Worte Gottes, oder Tractätlein an den so genannten geistlichen Stand,*) eumque scriptum a. 1708. Senatui reipubl. Noribergensis traderet, in carcerem datus est. Vnde, cum exiisset, hunc librum cum aliis, quos sibi a Deo esse dictatos putabat, typis excubendos curavit. Inde ab a. 1714. iterum Noribergae in custodiam missus est, ex quo a. 1715. abundi veniam nactus fuit. Obiit in itinere a. 1720. Casselae. ^a)

- ^a) De vita sua ipse *Tennbartus* exposuit, et colloquia praecipue cum Deo, atque visiones commemorat. cf. *Herstellung des Kirchenfriedens in den Land-Gemeinden Ulmischen Gebiets.* a. 1713. *Vnschuldige Nachricht.* a. 1710. p. 549. p. 740. a. 1723. p. 439. a. 1726. p. 133. a. 1727. p. 771. Quam noxii sint errores *Tennharti* et quantopere sibi ab his cauere debeant homines, docet Langius, in *dem Vnterrichte von unmittelbaren Offenbarungen.* a. 1715. edit.

XXXIII.

Scriptit CONRAD. SAMVEL SCHVZFLEISCHIVS, communis Germaniae magister, et immortalis vir gloria, adscito
F 3 Sack-



Sarckmasii nomine fatali , ^a) *iudicia de nouissimis iurisprudentiae ciuilibus Scriptoribus.* Dictio in his est elegans , tersa , et ad veterum scriptorum imitationem composita , sed multo sale conspersa. Quare , cum viros quosdam nobiles , vt Herm. Conringium , Boeclerum , Samuel. Pufendorfium , Phil. Iac. Spenerum , Samuel. Rachelium , Georg. Hornium , alios ^b) perstrinxisset , ex ciuium Academicorum numero exclusus , et Vitemberga eiectus , Lipsiae , Berolini et aliis in locis latuit , donec in illa ipsa , ex qua iussus fuerat exire , Academia professoris munus obtinuit. ^c)

^a) Hoc ipsum verbum adhibitum legitur in programme Academ. Vitemberg. contra Schurzleischium scripto , quod habetur in Theod. Crus. *Actis Sarckmasian.* n. XIII. p. 269.

^b) v. *Nou. libror. rarior. collect. Fasc. II.* Halae, 1709. cf. Cel. *Baumeisteri* , viri elegantis doctrinae , et amici nostri suauissimi comment. *de insigniorum nonnullorum Satyricorum fati funestoque vitae exitu* , eleganter scripta. Sect. II.

^c) Inter eruditos coelibes recte nostrum refert Irenae. Carpentarius *in centuria erudit. coelib.* p. 54. Ipse vero profitebatur , se non ex contemptu coniugii a vitae focia abstinere , sed quia legibus his vitam suam circumscribere nollet , *fatetur.* Bibliotheca illius locupletissima , neque



que solum plurimis Latinorum Graecorumque auctorum libris, sed multis quoque, manu doctorum virorum ad marginem illustratis, ornata, in bibliothecam ducis Vinariensis transiit. cf. Cel. Gesneri *Tractat. de Bibliotheca ducali Vinariensi, praesertim qua fuit Schurtzfleischiana*. Vinar. 1723. Omnibus, qui de vita viri summi exposuerunt, palmam praeripit Cel. *Bergerus*, v. *dissert. Academ.* p. 89. Ex quo fonte omnes deinde suos hortulos irrigauerunt. v. *Act. Erudit. Lipsf.* 1708. p. 481. *Nou. litter. Germ.* 1708. p. 349. *Clarmundus*, alii. Praesagia clarorum virorum de *Schurtzfleischio* collegit Ioach. Mantzelius in *lib. de praesag. erudit. de erudit.* §. 37. E quibus memoranda videtur potissimum vox illa Ioh. Victoris, Cancellarii aulae Waldeccensis: Pater tuus niues spargit, meritisque venerationem aetatis addit, in te magnum Boxhornium Salmasiumque destinat, et erudito orbi pollicetur.

XXXIV.

GEORGIVS BVCHANANVS, in agro quodam regni Scotiae a. 1506. natus, diem suum obiit Edinburgi, a. 1582. d. 28. Septembr. Perstrinxit egregius hic Poeta iussu Iacobi, regis, monachos e familia Francisci, carmine, quod *Syluam Franciscanorum* inscripsit. Quare variis modis ab iis vexatus, et in monasterium, seu carcerem potius, detru-



detrusus est. E quo nisi custodibus dormientibus, per fenestram aufugisset, vix capitis euitasset periculum. Ille, qui a. 1643. *memoires of the Family of the Stuarts* edidit, *Buchananum* grauitè reprehendit, quod et animo et scriptis Mariam, reginam, nefarie læsisset, eundemque narrat iam morti proximum a Deo petiisse, tantillum vt sibi temporis concederetur, quo crimen in maiestatem commissum, palinodia expiare, animique turbas sedare posset. conf. *Act. Erudit. Lips.* a. 1685. p. 23. Praeter Historiam Scotiae elegantissimam, carminum Dauidis paraphrasin edidit, quam certatim et vno ore docti viri laudant. ^{a)} Dauidis vero pietatem, si Sandaeno et Bidermanno, Iesuitis, fides habenda, vita minime expressit. *Buchananum* per annos XXX. ne orationem quidem dominicam recitasse, nobis persuadere cupiunt. ^{b)} Sed quis est, horum qui hominum calumniandi libidinem nesciat? ^{c)}

^{a)} De paraphrasi psalmorum erudite agit Ioh. Gottl. Krausius in *der Bücherhistorie* P. I. p. 58. vbi varia doctorum hominum iudicia affert. Nouam illius et accuratam editionem Abbas de Lestang Parisiis edidit.

^{b)} v. May-



- ^{b)} v. Mayeri *betendes Kind Gottes*, p. 6.
- ^{a)} Opera *Buchanani* in vnum volumen redacta in Scotia prodierunt, v. *Journ. litter.* T. IV. p. 217. et *Ephemer. Parisienses* 1716. P. II. p. 430. ubi Roberti Friarni Epistola de editione editorum et ineditorum *Buchanani* librorum occurrit. Aliam editionem Thomas Rudimannus curavit, cuius mentionem faciunt *memoriae Trevoltiensis*, mens. Febr. N. II. Caeterum de *Buchanano* vid. Popè-Blount in *cens. celebr. auctor.* p. 462. Bail. *diction.* sub hoc nomine, Wolf. in *diff. de carcere crudit. musco*, §. IX. p. 15. Charmund, s. Rudiger in *vita Buchanani*, quae inuenitur in P. III. *vit. clar. viror.* p. 75.

XXXV.

Non semel IOANNES SELDENVS, vir magni ingenii et industriae, iniquitatem fortunae expertus est. Cum a. 1621. in senatu regni, de periculo religionis liberius dixisset, Regi Angliae se adeo inuisum reddidit, vt Rob. Ducae, Decurioni Londinensi, in custodiam traderetur, in qua quinque septimanas commoratus fuit. Dissoluto a Rege Parlamento, anno 1629. cum aliis quibusdam, qui non ab aulae partibus erant, in turrim Londinensem, et deinde in ergastulum piraticum detrusus est. E quo, sine



eiusdem anni emittebatur quidem, mox tamen iterum in vincula coniiciebatur, quae, detecta innocentia, ipsi detrahuntur, et pro iniuriis perlatis M M M M M librae a. 1647. ex publico aerario persoluantur. Idem *Seldenus* edito libro de *Decimis*, quas iure diuino niti negauit, magnas turbas concitauit, clerumque in se adeo excitauit, vt palam palinodiam canere cogeretur. ^{a)})

^{a)}) Vita Seldeni praefixa est editioni illius operum, a Dau. Wilkins Londini a. 1726. curatae, vbi vid. p. 6. 8. 9. 26-29. cf. *Stollii Bibliothec.* p. 380. sequ.

XXXVI.

Paulus Sarpius, qui sub nomine PETRI SVAVIS POLANI diu latuit, ex ordine seruorum, et inde *Seruita* quoque dictus, natione Italus, vir eruditionis admirandae, exquisitissimi iudicii, indefatigabilis industriae, modestiae denique et integritatis vix aequiparandae, ^{a)}) libris quibusdam contra Pauli V. pontificis arrogantiam, ad defendenda Venetorum iura, scriptis, aulae papali adeo infestus est factus, vt non solum pro-



proscriptionis, siue, vt vocant, excommunicationis poena afficeretur, sed eiusdem quoque aulae machinationibus, a quinque sicariis, cum vesperi ad monasterium suum rediret, inuasus, multisque vñneribus faucibus pro mortuo relinqueretur, aggressoribus in aedes nuntii Apostolici, et inde Romanam fugientibus. ^{b)} ^{c)}

^{a)} Hoc elogium cum multis aliis habet Pope-Blount *tr. Censur. celebr. Aut.* p. 608.

^{b)} Diligenter et vñre de excommunicationis indole exposuit, accurateque docuit, pontifici Romano, suae vtilitatis causa, alios proscribendi, ius et potestatem nullam esse. v. *Vnschuld. Nachricht.* a. 1720. p. 92.

^{c)} v. Thuan. Lib. 137. *Histor. et Vita Pauli Seruatae a Patre Fulgentio scripta Histor. Concil. Trident.* praemissa est. cf. etiam Morhof. *Polyb.* T. I. L. I. c. 21. p. 221.

XXXVII.

EDMUNDVS RICHERIVS, ^{a)} Presbyter Lingensis, itemque Doctor Sorbonicus et Vniuersitatis Parisiensis Syndicus, etiam inter infelices auctores referendus est. Scripsit ille libellum *de Ecclesiastica et Politica potestate*, quo Pontificem Romanum vehementer



menter offendit, multumque sibi molestiae
 creauit. Etenim cum in Collegio Cardina-
 lis Monachi esset, immissis a duce Esperno-
 nio satellitibus, vi exinde raptus et carceri
 inclusus est, ex quo tandem, amicis et Aca-
 demia Parisiensi intercedentibus, caussaque
 coram senatu bene dicta, dimissus est. Cum
 vero postea, a P. Iosepho Capucino ad pran-
 dium vocatus, in aedes illius veniret, prae-
 sente Notario Apostolico vt retractaret,
 strictis pugionibus adductus est. Hoc prae-
 mium laboris studiiue tulit, vir ille, cui, vt
 ipse dicere solebat, in medio regno, cuius
 iura strenue tuebatur, velut exuli vitendum
 erat, cuique, ne sibi vis ab aduersariis infer-
 retur, collegio pedem efferre non licebat.
 In anno mortis definiendo non consentiunt
 scriptores. Philippus Mornaeus in *mysterio*
iniquitatis ad an. 1612. commemorat, *Riche-*
rium propter hanc fati iniquitatem, ingenti
 terrore percussum, biduo post an. 1633.
 obiisse: auctor vero Anonymus, qui an.
 1723. *memoires Chronologiques et Dogmatiques*
ad imitationem Tillemontii, edidit, hoc ne-
 gat, eumque an. 1631. defunctum esse docet.

Iudi-



judicium de libro isto *Richerio* tam fatali, qui
gere cupit, adeat *Noua litteraria* an. 1720.
l. 18. p. 140. ^{b)})

^{a)}) Goldnerus in *bibliotheca αὐτοδιδάκτων Richer-*
rium nostrum inter αὐτοδιδάκτας refert, eum-
que magno πολυμαθείας ardore ad literarum
studia, sine duce, annos viginti natum, se con-
tulisse, commemorat. Idem ille *Richerius* edi-
dit *historiam Conciliorum generalium*, quae in
Actis Erud. Lips. 1683. p. 494. sqq. recense-
tur. *Vindicias* quoque *doctrinae maiorum scho-*
lae Parisiensis adornauit; nec non *obstetricem*
animorum, quem librum Adamus Rechenberg
an. 1695. denuo publici iuris fecit; et in prae-
fatione de vita *Richerii* exposuit. Plura de vita,
fatis et scriptis huius viri inueniuntur in *Ephemer-*
idibus Parisiens. 1716. P. I. p. 256. sqq.

^{b)}) Verba haec sunt: *Dieses Werck kann denen*
Catholischen Geistlichen, sonderlich in Franck-
reich, sehr gute Dienste thun, indem sie die
Meynungen ihrer Kirche besser, als in irgend ei-
nem andern Buche, darinnen finden, und es wird
dienen das Andencken derselben, aller Bemühungen,
die man sich gegeben und noch giebt, dasselbe zu
unterdrücken, ungeacht, zu verewigen. Die pro-
testirenden Theologi können auch viel daraus ler-
nen, und die Waffen daraus nehmen, sich wieder
die Verfechter des Römischen Hofes zu verthei-
digen.



XXXVIII.

NICOLAUS FRANCUS, ^{a)} poeta Italus ingenio amoeno et celeri, sed satyrico, praeditus, et teste Colero in *Anthol* p. 152. magna Etruscae, Latinae et Graecae linguae peritia instructus fuit. ^{b)} Varia in aulam Romanam scripsit, largius aceto perfusa, quam Pontifex perferre poterat, ut *Philenen Satyram*, et *Pasquillum*, cui verba Iohannis: *verbum caro factum erat*, fuerant inserta. Quibus sibi magnum odium conflavit, vltimumque supplicium perpeffus est. De quo non vna est doctorum hominum opinio. Colerus in l. c. p. 156. *Observandum hic operae pretium ducimus, scribit, dignum hunc senem nequaquam capite damnatum fuisse a P. Pio V. contumeliosa ob verba in ipsum effusa, ut fere omnes hallucinati autumant, sed famosos ob libellos, quos in Pium IV. viventem ac mortuum effutierat. Cum enim Francus Priapeia explanare coepisset, eiusdem Pii IV. iussu non solum vetita ei fuit, verum etiam combusta coepta explanatio. Hinc ingenti in Pontificem flagrans ira, plurima in ipsum voce ac scripto profudit conuitia. Pro his nullam tunc*

tem



Temporis poenam luit, quia valido Cardinalis Moroni patrocinio fretus. Pontifice vero sancto, adeo in mortuum acuit calamus, ac famosos euomuit libellos, ut nullum fuerit conuicti genus, quod in illum non expuerit. Huius rei gratia, Pio V. iubente, morte damnatus fuit. Sunt, qui Francum, fracto crure ad Pasquinum, statuam, cui libelli famosi solent affigi, suspensum fuisse dicunt. ^{c)} Magliabechus in epistola ad familiarem se ab oculari teste accepisse scribit, Francum tempore notis, atro firmate loco supplicii vestito, morte punitum fuisse. In Carpentariis, quae Parisiis an. 1714. prodierunt, p. 53. legitur, Francum iussu Pii V. non quod Paulum IV. conuictis lacerasset, sed priuatum ob odium (*par une haine particuliere lui chercha querelle assez mal à propos*) e patibulo suspensum esse.

^{a)} Distinguendus est a Daniele Franco, auctore libri de indicibus librorum prohibitorum v. Bailii *Nouvelles*, 1685. P. II. p. 786.

^{b)} cf. Tollius *de infelic. litterat.* p. 430. et Bernhard. in *der curieusen Historie der Gelehrten* p. 847.

^{c)} v. Schelhornii *Amoenit. litter.* T. VIII. p. 502.



XXXIX.

DE TRAIANO BOCCALINO varia sunt hominum iudicia. I. Fabricius illum virum acri, sed tumido atque inflato ingenio, ad iocandum cum aliquo maledicto facetum, omnique elegantia doctrinae excultum fuisse, atque ad morem Satyricorum aliorum vitia notasse, propria vero non animaduertisse existimat. Eundem Kochius in *diff. de Satyra e rep. litterar, eliminanda*, §. II. *Tom. II. Misc. Lipsiens.* p. 599. eleganti a natura ingenio praeditum, ea praesertim arte excelluisse scribit, quae in Rebus publicis et gubernandis ciuitatibus versetur. Plura dabit Pope-Blount *cens. celebr. auctor.* 651. Scripsit vero librum, qui titulo *Lapidis Lydii politici*, *Italice, pietra del paragone politico*, innotuit. ^a In hoc regis Hispaniarum non tantas esse vires ac opes, demonstrauit, quantas putarent homines, easque, si quis alius rex recte adgrediatur, facile labefactari infringique posse, monuit. Quod, quomodo optime fieri posset, ostendisse etiam fertur. *Quare Venetiis*, vbi se maxime tutum fore sperabat, a quatuor validissimis hominibus correptus,



reptus, in lectum coniectus, et sacculis, arena refertis, sic contusus est, vt paullo post expiraret. ^{b)}) Scripsit idem *Boccalinus Relationes ex Parnasso*, in quibus multorum vitam perstrinxit, atque ideo Italiae Lucianus appellatus fuit. Plurimi *Boccalinum* imitari voluerunt, inter quos maxime Pallauicinus eminet, qui ad illum proxime accedit. Idem institutum a. 1710. Nicolaus Amenta est aggressus, qui Neapoli *de Rapporti di Parnasso* edidit. Ad *Boccalini* vero elegantiam perspicuitatem, sales et facetias hic accedere non potuit. vid. *Nouell. litter.* a. 1716. p. 233. Tacitum etiam eruditis notis ornauit, de quibus Cel. Morhofius T. III. *polybist.* L. 2. p. m. 17.: *Olim tanquam νεμήλιον seruabatur in eruditorum Bibliothecis, nunc a Blauio editus est*, commentarius iste, qui e Bibliotheca Gudiana illum accepit. ^{c)})

- ^{a)}) Prodiit hic libellus Cosmopoli, 1652. et recusus Cosmopoli, re autem vera Berolini, sumtibus Nicolai, Bibliopolae, a. 1726. Latine ab Ernest. Ioh. Creutzio redditus prodiit Amstelod. apud Elzeuir. 1640. germanice vna cum *Relationibus ex Parnasso*, Francof. 1654. Recensetur autem a Struio in *Biblioth. philos.* c. 4. §. 17. et a Carl. Arndio in *Biblioth. politico-bera*



berald. select. Class. II. gener. Class. X. special. §. 5. n. 4. p. 360. cf. Ian. Nic. Erythr. in pinacoth. III. n. LIX. p. 767. Eundem Cardinalibus Caietano et Borgeſio tribui, docet Stollus in introd. in hiſtor. erudit. P. I. c. 5. §. 70. et Arndius l. c. p. 361. Sed Boccalinum verum eſſe auctorem luculenter demonſtrat Vigneul-Marville Melang. d' hiſtoir. et de litterat. T. I. p. 10. Sub nomine hoc Vigneul-Marville later e Bonauenturam d' Argonne monet Bailius, (lett. p. 666. et 708.) et Heumannus in Actis philoſoph. P. II. p. 362.

^{b)} cf. Bailli diction. P. I. p. 620. Mencken. Analect. de calamit. litterat. p. 444. Fabric. Hiſtor. Biblioth. ſuae, P. III. p. 489. Morhoſius in l. c. p. 80. hanc calamitatem ipſi ob Relationes accidiſſe commemorat. Obiter hic narrandum, Gallum haud incelebrem, *le Noble*, ob librum Gallicum, (*piere de touche politique*) ſingulis ſuperioris ſeculi menſibus emiſſum ad requiſitionem legati Luſitani in carcerem ideo fuiſſe coniectum, quod non honorifice ſatis regem tractauerit. v. Placc. in theatr. anonym. et pſeud. c. IX. n. 2467. f. 611.

^{c)} Marquardus Gudius ex peregrinatione multos codices manu exaratos, aliaque doctorem virorum monumenta nondum edita ſecum attulit, et illis bibliothecam ſuam, omnis generis libris inſtructam, ſic auxit, vt priuatorum fortem longe excederet, et regiam prope fortunam adaequaret. v. Morboſ. Polyb. T. I. L. I. c. 25. Act. Erudit. Lipſ. a. 1697. p. 139.



XL.

ROGERIUS DE BUSSY RABUTIN,
a. 1668. natus, in Iesuitarum collegium
traditus, tanta auiditate atque ingenii celeri-
tate litteras humanitatis hausit, vt vndecimo
anno aetatis dignus iudicaretur, cui philoso-
phia traderetur. Annos XVI. natus castra
sequi coepit, rebus in Lotharingia gestis in-
terfuit, et deinde ad litterarum studia se
recepit. Octo vero mensibus peractis ite-
rum militiae nomen dedit, variaque fata ex-
pertus est. Bis fuit in custodiam datus. Pri-
mum quidem a. 1641. in suspitionem venit,
parum in praelio se fortiter rem gessisse,
suisque partibus minime satisfecisse, atque
ideo carcere multatus est. A. 1660. vero
in libello quodam ^{a)}) amores nobilium foe-
minarum descripsit. Quare primum aula
discedere iussus, deinde exilio affectus, tan-
dem in custodiam datus est, vbi praeclara
quaedam scribendi nactus fuit otium. ^{b)})
Librum illum, ipsi fatalem, argutum et ele-
gantem quidem, sed nimis aculeatum appel-
lat Huetius in *Comment. de rebus ad ipsum*
pertinent. L. V. p. 129. Scripsit etiam com-
mentario



mentarios de rebus suis, in quo ipse se magnifice laudat. Ingenio fuit valde iocoso, lepido et faceto.

^a) *Histoire amoureuse des Gaules, à Cologne a. 1708. par le Comte de Buffy.*

^b) v. *les Memoires de Roger de Rabutin Comte de Buffi*, Paris. 1697. 12. Cel. Menckenii *diff. de comment. histor. quos Galli memoires vocant*, n. 45. p. 37. Wolf. *de carc. erud. mus.* p. 43. Menckenii *diff. de Viris militia aequae ac scriptis illustribus*, p. 20. Lips. 1708. Ob alium librum, *les amours du palais Royal* ad regem eum ab inimicis delatum fuisse, ex Morerio narrat Budd. in *Lexic. hist. univ. s. v. Rabutin.*

XLI.

IOANNI LUFFTIO, typographo, bibliopolae, atque consuli Vitebergensi admodum fatalis fuit Bibliorum editio. Audiamus ea de re Andream Riuinum in *Ludis secularibus ob inuentam in Germania callographiam*, (libro raro nec vbiuis obuius) p. 9. sic dicentem: *Ioh. Lufft*, qui primus Biblia germana Lutheri procuderat, eam ob causam quotannis a Pontifice ipso die viridium inscriptus papyro in ignem coniectus perhibetur cum imprecationibus et diris vitatis.



usitatis. En tibi exemplum, quod quousque odium et superstitio progrediatur, demonstrat! Gretserus illum, qui Biblia Lutherana flammis tradat Ephesiis comparat, qui libros curiosarum artium Vulcano corrigendos tradiderint, et P. Eisenhuth Lutheranorum Biblia rogo putauit digniora esse ipsis lasciuis Ouidii carminibus; quod haec mores tantum, illa fidem quoque corrumpant. vid. Schelhorn. *Amoen. Litter.* T. VIII. p. 478. At ne quis forte putet pontificios in versionem modo Lutheri tantopere inuectos esse, monebimus Godofred. Hanenberg, ordini Iesuitico adscriptum, in libro Sileffilebis, 1724. edito Biblia in lingua, ut aiunt, authentica scripta, culpasse, et ecclesiae testimoniis postposuisse, atque etiam Eccium, Deum nunquam Bibliorum editionem iussisse demonstrare voluisse. v. *Fortges. Saml.* 1724. p. 22. Quid vero de Hasio dicamus, qui scripturam sacram expressum diaboli verbum appellat, nisi sensu ecclesiae intelligatur? *) Quae cum ita sint, nemini mirum, videri debet, Pontificem ob vernaculam Bibliorum versionem adeo in Lufftium



exarsisse. Addit vero, modo laudatus Riui-
nus, *Lufftium* has diras risisse, et eo die ple-
rumque se hilarius gessisse, his additis : ego
hodie vehementer Romae in flamma defuda-
bo, proinde largiorem potum assumam, et
illam restinguam necesse est. ^{b)}

^{a)} vid. *Christl. Evangel. Jubelpredigten auf das erste Luther. Jubelf.* geb. durch vier Doctor. und Profess. Theolog. zu Wittenberg. p. 274. cf. *Langenmack Histor. Catechet.* P. I. p. 393.

^{b)} Vitam, laudes et fata *Lufftii* Theologus Altor-
sensis celeb. Georg. Gustau. Zeltnerus a. 1727.
edidit, et *Lufftio* primam biblicorum Lutheri
editionem tribuit, p. 47. sed, quantum memini,
huius fati mentionem nullam fecit. Plura de
Lufftio dabit *Steph. Mattaire* in *Annal. Typo-*
graphicis, et Cl. *Schoepflinus* in *Vindic. Typo-*
graph.

XLII.

FERRANTES PALLAVICINVS, Pla-
centinus, Canonicus Regularis, seu Au-
gustini congregationis Lateranensis, ob va-
rias Satyras, ^{a)} in quibus Vrbanum VIII.
Pontificem, totamque Barberinorum gen-
tem perstrinxit, a simulato tandem amico,
Carolo Morfu, Gallo, proditus, Auenione in
ferali



ferali pegmate capitis supplicium subiit, ^{b)} et tale fatum expertus est, quale ei Loredanus in epistola ^{c)} quadam praedixit.

^{a)} Tales sunt *il corriero squaligato, il diuortio celeste, la baccinata*, quae continentur in operibus illius selectis, edit. in II. part. in Villa franca, 1673.

^{b)} Narratur triste hoc fatum in Vita *Pallauicini*, Italice scripta, et tam citatis operibus praefixa, quam versioni *diuortii coelestis*, a. 1696. Amstelod. editae.

^{c)} Verba notatu digna habet Stollus in *Introduct. in bister. erudit. Part. I. c. V. p. 242.*

XLIII.

Exstat STATII BVSCHERI *Cryptopapismus nouae Theologiae Helmstadiensis*, licet neque loci, neque anni, neque typographi nomine addito. ^{a)} In hoc libro accusat auctor Helmstadienses Theologos nouitatum in doctrina de S. Scriptura, de iustificatione et bonis operibus, de peccato originis, de christiana ecclesia, de potestate Papae Romani, de coena domini et sacrificio missae, aliorumque errorum contra Corpus doctrinae Iulium, in cuius verba iurassent, commissorum. Fuit tum Buscherus Hano-



uerae sacerdos ad aedes S. Aegidii, atque his ad senatum ecclesiasticum citatur, vt causam diceret. Primum vero imbecillitatem atque aegritudinem corporis simulans, non paruit, et deinde clandestina fuga se cum suis proripuit. Dedit ad Senatum Hanoueranum litteras, in quibus se libenter causam suam acturum esse profitetur, si legitimus et incorruptus adsit iudex. Dicitur paullo post fugam obiisse, etsi vbi et quomodo mortuus sit, ignoramus. ^{b)}

^{a)} Impressus hic liber dicitur Hamburgi apud Tobiam Gundermannum, a. 1639. vid. Placcius de *Pseud.* p. 498.

^{b)} De Buschero atque hoc libro v. *Vnschuldige Nachr.* a. 1716. p. 991. et Crenii *Animadu. Philol.* P. XIII. p. 198.

XLIV.

Tres libros, quantum nos quidem scimus, scripsit IEREMIAS FELBINGER, Briega Silesius. *Prodromum demonstrationis* ex libris V. T. quod solus pater Domini nostri Iesu Christi sit vnus Deus: quod solus homo Iesus sit Christus et filius Dei, et quod *Spiritus S.* sit virtus Dei, anno 1654. porro demon-



demonstrationes Christianas pro eodem argumento, et quod per fidem iustificati teneantur vitam suam instituere secundum praecepta Dei et mandata Christi, e libris N. T. depromptas an. 1653. et denique *Epistolam ad Christianos*, vnum altissimum Deum, patrem Domini et Saluatoris nostri I. C. secundum sacras scripturas V. et N. T. recte agnoscentes, Amstelod. 1672. Secutus est primo castra Suecorum, sed e militia redux scholam Coslinensem in Pomerania regendam suscepit. Quemadmodum vero in castris multa grauiā perpeſſus erat, ita neque in hoc munere constantem fortunae fauorem expertus est. Recepit enim atque defendit in prioribus duobus libris dogmata Vnitariorum, atque hac de causa an. 1653. munere exutus fuit. Contulit se quidem Helmſtadium, sed quoniam ibi libros suos Studiosis legendos praeſtavit, ante ſolis occaſum vrbe decedere iuſſus eſt. Hinc Amſtelodamum abiit atque iuuentute instituenda et erroribus typographicis corrigendis, aegre vitam tolerauit. Obiit 1689. natus annos LXXIII. *)



*) Vid. *Benshemii Holländischer Kirchen- und Schulstaat*; *Arnoldi hist. eccles.* P. II. p. 564. et *Sandii bibliothec. Antitrinit.* p. 157. nec non eiusdem *Catalogus Scriptorum Socinianorum*, (fistens appendic. II. propylaei *Hist. Eccles. Christianae* Seuerini Walth. Slüteri p. 285. 286.) ex quo plura eius scripta eiusdem argumenti cognoscere licet. Conferatur etiam *Fabricius in Hist. Bibliothecae suae* P. V. p. 52. et *Relationes Innocuae* s. *Vnschuld. Nachr.* a. 1705. p. 589.

XLV.

CORNELIVS, Gallus, iam senex scripserat carmen, hoc quod titulo innotuit, *l' occasion perduë et recouvrée*, lascium et impudicum. Quo facto Cancellarius *Sequierius Cornelium* adcersit, grauiter obiurgat, et certo die vna secum coram Confessionario peccata expiare iubet. Fatetur *Cornelius* P. Paulino, se versus lasciuos composuisse, atque hac poena afficitur, vt primum librum Thomae a Kempis, *de imitatione Christi*, in Gallicos versus conuertat. Quod tam feliciter ei successit, vt et precibus Reginae aliorumque adductus secundum librum, et morbo afflictus tertium quoque transferret. *)

*) vid. *Carpentarian.* p. 284.



XLVI.

IOH. S. GIOVANNI CINELLI, diu Florentiae Medicinam docuit, magnamque varijs libris gloriam nactus est. E quibus memorari prae aliis meretur *Bibliotheca volans*, quam in certas sectiones diuisit, quantum quarta Auctori multas molestias attulit. ^{a)} Ibi enim controuersias inter Rammazinum et Monegliam vehementiori stilo descripsit, seu notauit potius. Quo factum est, vt et haec sectio a carnifice palam combureretur, et *Cinelli*, per XCIII. dies carceri inclusus, in exilium eiiceretur. Qui casus tantum abfuit, vt satyricum *Cinelli* ingenium frangeret, vt ille potius omnis ordinis homines perfringeret, sibi que infestos redderet. Natus annos LXX. a. 1706., aut ex aliorum opinione, a. 1705. diem obiit in castello Lauretano. Bibliothecam volantem Sancassani continuauit, et sub ficto *Philoponis* nomine, ad finem perduxit. ^{b)}

^{a)} Primordia et fata huius Bibliothecae enarrant *Ephemerid. Parisiens.* T. VII. p. 164. *Cinellum* Bibliothecam hanc ex consilio Magliabechii scripsisse, eamque libellos et schedas rariores continere, notat Morhofius in *Polyb.* T. I. L. I. c. XVII



c. XVIII. p. m. 232. cf. *Act. Erud. Lips.* 1688.

p. 345.

b) *Vitam Cinelli* edidit Paulus Gagliardi. - v. *Neu-
uell. litter.* 1737. p. 636. cf. Iul. Negri *hi-
stor. scriptor. Florentinor.* p. 277.

XLVII.

DE ANTONIO VENETIANO pauca sunt, quae dicenda habeamus, eaque ex *Anton. Mongitorii Bibliotheca Sicula* excerpta p. 73. Vir fuit eleganti ingenio praeditus, lepidus, in sermone multas facetias proferens, sed ob libellos satyricos saepius in carcerem detrusus. Captus est a piratis, Algeriis seruiit, et a. 1578. a Senatu Panormitano, soluto pretio, redemptus fuit. Denique ob libellum in Proregem scriptum, cuius auctor Antonius noster dicebatur, Panormii in vincula coniectus est. Vbi, cum tormentarius pulvis, ibi reconditus, nescio quo casu, accenderetur, a. 1593. vt ipse praedixerat, *) miserrime periit. Venatianum hunc non omittere debuit Dau. Theodof. Lehmannus, in libello *de casibus Poetarum Tragicis*, vel *fatis eorum aduersis*, valde iucundo, et Viteberg. a. 1714. scripto.

*) Plu.



^{a)} Plurimos eruditos, vt Stoeslerum, Rohrmannum, Dudithium, Ern. Stockmannum, Vaninum, alios sibi mortem praedixisse constat. vid. M. Dan. Frid. Iani dissertat. *de eruditis sibi mortem praesagientibus*, in *Miscell. Lips.* T. II. p. 635.

XLVIII.

FELIX MALLEOLVS, Germ. *Hämmerlein*, circiter a. 1434. vixit, et inter alia *processum iudicarium coram Deo habitum*, inter *Nobiles et Thuricenses ex una*, et *Switenses partibus ex altera*, cum *sententia definitiva et eius executione*, edidit. ^{a)} Qui liber multo sale perspersus, animos multorum in *Malleolum* incitauit. Quorum ira accidit, vt in carcerem mitteretur, et in vrbe Zurchensi in monasterio Franciscanorum teneretur captiuus. Quod fatum tantum abfuit, vt *Malleoli* ingenii vim atque vigorem extingueret, vt ad varia scribenda illum impelleret. Quo anno carcere emissus fuerit, non satis constat. Nos quidem parum certi de *Malleoli* vita habemus, et quae iam in medium protulimus, doctissimo Auctori *Thesauri Historiae Helueticae* debemus. Catalogum
libr



librorum *Malleoli* exhibent *Nova litterari*
Lips. a. 1736. N. 64. p. 564.

a) Hic venit nobis in mentem *Iacobi Ayzeri Pro*
cessus iuris, de quo quid sentiendum sit, lecto
 res iudicent. Expugnauit Christus gehennam
 et damnatos liberat. Lucifer Christum accu-
 sat. Belial Syndicus constituitur. cum notario
 et duobus testibus Deum adit. Salomoni, vt
 de re cognoscat, imperatur. In ius vocatur
 Christus. qui, quoniam multis negotiis distri-
 ctus est, suas partes Mosi mandat. Moses ne
 in ius veniat, a Iudaeis impeditur. Belial ve-
 nit, et Christus vt damnetur, postulat. Ne-
 gat Salomo, *quod tota dies citato cedat Gloss. in*
S. omnis stipulatio. Ex his facile de reliquis iu-
 dicari potest. Quod si vero quis elegantius
 quidquam scire cupiat, legat quæ Racinus, vir
 politissimi ingenii, de Bartholo disputat. (*His-*
toire de l' Acad. des Inscript. etc. T. X. n. XIV.)
 Hic enim ingenio suo tantum indulgit, vt dia-
 bolum cum Maria iure agentem, fingeret. Ve-
 nit diabolus ad tribunal Christi, et, an qui-
 piam humanum genus defendere velit? inter-
 rogat. Maria se defensionem illam suscipere
 velle profitetur. Negat diabolus. esse illam
 matrem iudicis, et mulierem coram iudicio ni-
 hil agere debere. Quod argumentis ex Dige-
 stis et Codice petitis comprobare conatur. Dia-
 bolum, quoniam generis humani post Adami la-
 psu dominus fuisset, vt cautio fiat, postulat.
Spoliatus, ait, *antea restituendus*, et praescriptio-
 nem appellat. Negat Maria. Quod vi aut clam



et ex leg. III. §. ult. Dig. de acquirenda possessione malignum possessorem praescriptionis ope nihil sibi acquirere posse docet. Sed haec hactenus. Nobis tamen homines hi magis miserandi, quam irridendi videntur.

XLIX.

MICHAEL SERVETVS, Hispanus, Villanouae in Arragonia natus est, qui, uti animum nouitatis ^{a)} cupidum habuit et linguae Arabicae addiscendae gratia, viginti annos natus, in Africam abiit, ita reuersus ex itinere variis libris, insolitis prauisque opinionibus refertis, in Gallia editis, cum de *Trinitatis erroribus*, ^{b)} tum maxime de *Restitutione Christianismi*, eam sibi calamitatem creauit, ut primum Viennae in custodiam daretur, deinde, postquam ipse sibi fuga consuluerat, effigies et libri comburerentur, denique Geneuae, consilio Caluini, antea amicissimi, mox infestissimi ^{c)} iterum vinculis constrictus, viuus rogo impositus, et, libro de *Restitutione Christianismi*, femori alligato, flammis exustus, miserrime periret. ^{d)}

^{a)} Ita de eo iudicat Moshemius in historia vitae Michaelis Serueti, Helmstadii, a. 1727. edita.



b) De libris Serueti vid. *Aët. Erud.* a. 1710. p. 781. *memoir. de litterat.* T. I. p. 29. Schelh. *Amoen. litter.* T. II p. 348. *Biblioth. Bremens.* A. I. p. 739. *Vnſchuld. Nachricht.* a. 1710. p. 157. *N. Zeitung.* a. 1721. p. 506. Cyprian. *Catal. MSC. Biblioth. Goth.* p. 109. *Seelen Se-lect. litterar.* p. 52. et p. 68. *Aët. Erudit.* 1719. p. 391. Moshem. in l. c. p. 29. et p. 162. Scherz. *Syſt.* p. 66. qui eum, Deum hermaphroditum vocasse, scribit.

c) De odio hoc Caluini passim vid. Moshem. p. 42. p. 45. 98. 156. *Bibl. Angl.* T. III. p. 222. et *Aët. Erudit.* a. 1694. p. 163.

d) De morte Serueti praeter Moshemium vid. Cyprian. *Pent. disp. eccles.* p. 90. *Vnſchuld. Nach-richt.* a. 1726. p. 657. et *Acta Erud.* a. 1714. p. 63. vbi Bailius hoc supplicium non probasse dicitur. Caeterum vita Serueti copiose et diligenter scripta vid. in *Bibl. Angl.* T. II. et *Ge-lehrt. Fam.* P. 24. p. 872. *Antiqu. Nou. Theol.* a. 1717. p. 241. Arnoldus in *haereſeol.* L XVI. c. 33. non modo Seruetum excusat, sed etiam verum et solidum Christianismi fundamentum ei adſcribit, eo nomine reprehensus ac refuta-tus a Theologo Primario, Cypriano, in *lib. de motibus Socinianorum*, c. II.

L.

IOANNES FISCHERVS, primum Do-ctor et Cancellarius Vniuerſitatis Canta-brigiensis, deinde Episcopus Roſſensis, multum apud Henricum VIII. regem Angliae, quen



quem olim docuerat, auctoritate et gratia
ruit. Sed cum diuortium et expulsionem
reginae laudare nolle, atque etiam palam
in *) libris improbare, tantum in regis
odium incidit, ut primum in carcerem de-
tusus, mox d. XXII. Iul. 1535. securi per-
iret. Tres linguas calluit, et iure suo
doctis illius tempestatis viris annumeratur.
Lutherum illiusque doctrinam maximo
odio habuit, et *Affertionis Lutheri de variis
doctrinis papisticis confutationem*, edidit.
Supplicium magno animo pertulit, omnibus,
qui machinati erant, bona precatus.
Fuit Paulus III. captiuo pileum cardinali-
um. Sententiam vero ut mutaret *Fische-*
rus, iramque regis leniret, tantum abfuit, ut
magis etiam illam accenderet. Cum ad
supplicium duceretur, *pedes*, exclamauit,
*facite officium vestrum, breuis vobis adhuc est
metienda via.* Tum carmen, *Te Deum
laudamus*, canens, fortiter vltima exspe-
ctauit. b)

*) De libro fatali, quem contra diuortium regis
scripsit vid. Nicol. Sanderus *de origin. et pro-*
gress. Schismatis Anglicani. L. I. p. 83.



- b) De *Fischno* vid. Bellarminus *de scriptor. Eccles.* p. 252. du Pin *Biblioth. Eccles.* T. XIV. p. 145. *Fortges. Sammlungen*, a. 1724. p. 851.

LI.

NICOLAUS DRABICIVS, ex Moravia ortus a patre, qui in vrbe Strasnitz consul fuit, inter fanaticos seculi XVII. valde eminet. A partibus fratrum Bohemorum fuit, et per aliquot annos munere sacro functus est, quod a pontificibus a. 1628. ipsi abrogabatur. Proficiscitur deinde ad Hungaros, se ad ducem Ragozy confert, et, otio diffuens, nescio quas reuelationes, omniumque Iudaeorum atque profanorum hominum conuersionem in ore habet. Quoniam vero pleraque sua vaticinia aduersus domum Austriacam profert, (iussu enim Ferdinandi II. Imper. expulsus fuit) pessima quaeque illi praedicat, et in libro, *Lux in tenebris*, multa non toleranda scripsit, porro etiam atque etiam commonefactus, ineptiis abstinere noluit, sed nouam reuelationum suarum editionem parat, illaque Christo regi regum, dicere meditatur, iussu Imperatoris a. 1671. d. XVI. Inl. Presburgi manu capiteque truncatus est,



corpore vna cum libro modo nominato, rogo imposito, et flammis sub patibulo absumto. ^{a)} Io. Amos Comenius reuelationes *Drabricianas* collegit, multorumque ideo odium et inimicitias expertus est. Id quod ipse fatetur in editione germanica *Vnius Necessarii*, ^{b)} p. 461. Frid. Adolph. Lampe, Theologus Reformatus non contemnendus, in *Hist. Ecclesiae Reformat. in Hungaria et Transylvan. Drabricium* hunc e familia Lutheranorum fuisse scribit. In quo nobis errare videtur. Constat enim Fanaticum hunc primum ecclesiae Reformatae addictum, tum a pontificiis deceptum, eorum sacra amplectum esse. Hi enim veniam homini et vitam promittunt, miserumque diu vana spe laetant. Cum vero iam in eo esset, ut poenas daret *Drabicius*, admonet Iesuitas, et ut promissis starent, flagitat. Illi se non temporalem, ut aiunt, sed aeternam vitam in animo habuisse, et hanc se illi conseruasse dicunt. v. *Fortgesetzte Sammlungen* a. 1728. p. 1099. ^{c)}

^{a)} v. Reinh. Dieter. Volgt *dissert. II. de haeretici, misera morte extinctis*, §. 46. p. 63.



- b) *Commenii Vnum Necessarium* cum notis et additamentis Ahasu, Fritschii Francofurti prodit. Scripsit hunc librum annos LXXVII. natus, et a. 1668. *viam lucis vestigatam et vestigandam* edidit, ubi subtilem Chiliasmum fouer. Priuatum sibi cum numine commercium esse gloriabatur, *Drabicium*, Felgenhauerum, alios, sequebatur, et Burignoniam maxime coluit. cf. Feustkenii *Gynaec. Haeretic. Fanatic.* p. 241.
- c) De Drabicio vid. Bailius in *diction.* T. I. p. 1066. Stockmann. *Elucid. Haeresum* p. 196. Alethophili *Sendschreiben an Herrn M. R. O. von neuen Propbeten.* Cölln. 1712. p. 57.

LII.

THOMAS WOOLSTON, Londini a. 1733. diem suum obiit. Vir fuit multarum rerum cognitione instructus, sacrae vero scripturae, praesertim ubi miracula Christi commemorat, omnem fidem et auctoritatem derogauit. Scripsit 1705. libellum, quem *The old Apology* inscripsit. In quo illud potissimum sibi propositum habet, vt, litterali plane reiecta, allegoricam sacrorum librorum interpretationem defendat. Litteralem igitur qui rationem sequantur Apostatas, et in alio libro, *Free Gifts to the Clergy*, Anti-Christi ministros appellat. Idem verò, cum a. C.



a. C. 1726. in disputationibus de miraculis, (*discourses on the miracles*) omnino miracula facta esse negaret, allegorica vero ratione explicandos esse doceret, qui illa commemorarent, scriptores sacros, atque etiam aliquaedam in Christianam doctrinam euomet, tulit praemium stultitiae et improbitatis. Nam Collegio Sidneyensi eiectus primum, in carcerem detrusus est. E quo, cum post anni spatium emitteretur, multam C. librarum Sterlingicarum homini irrogarunt ei, qui cognoscendi potestatem habuerunt. Vitam tamen honestam eundem gessisse, virtutem adamasse, et iniurias sibi illatas aequo animo tulisse, aiunt. Cuius memorabile exemplum narratur. Muliercula quaedam, *Woolstono* in agro obuiam facta, quo tandem modo, nequissimum tu filicernium, clamat, crucem, furcam, et patibulum adhuc euitasti? Cui *Woolstonus*, quid quaeso optima? respondet, quo ego te offendere potui, quam ne vidi quidem vnquam? Tum nonne tu, pessime, in Seruatorem nostrum impetum fecisti? vetula inquit, Libros tuos perniciosissimos, quam auide Iudaei exceperunt



et, quae tu subministraſti, in nos tela emiſerunt! Complures operam ſuam et ſtudium ad *Woolſtoni* errores refutandos contulerunt. E quibus nobis nominandi videntur prae reliquis, Io. Rayus, Pierre, Stebbinus, Epiſcopus de S. Daud, de S. Malbridge, et eruditiffimus Sherlokius, cuius librum in Gallicum ſermonem tranſtulit Moinius, et Hagae hoc titulo exſcribendum curauit, *les Temoins de la reſurrection de Jeſus Chriſt examinés et jugés*. De vita hominis expoſuit Anonymus in libro, *The life of M. Woolſton*, qui tamen caute legendus. Conſulat lector *No-uellas litterarias*, a. 1733. p. 721. ſeq. et *Acta Erudit. Lipſ.* 1733. p. 523. De allegorica vero interpretatione ſacrae ſcripturae ſi quis cognoscere cupiat, legat velim *Ioh. Aug. Erneſti* libellum *de Origine interpretationis librorum S. S. Grammaticae auctore*, Lipſ. a. C. 1756. editum, qui, vt omnia viri doctiſſimi, nobisque amiciffimi, copioſe et eleganter ſcriptus eſt.

Praecipuas theſes heterodoxas examinauit et caſtigauit b. Chr. Gottl. Ioecher in repetita diſp. *de Woolſtonii paralogismis in doct. de miraculis Chriſti* Lipſ. 1730. et ſqq.



LIII.

MATTHAEVS PALMERIVS, ^{a)} vir prompta et copiosa eruditione instructus primis Friderici III. temporibus floruit, concilio Florentino interfuit, et variis modis ingenium et doctrinam testatus est. Edidit *libros IV. de Bello Pisano, et chronicon Prosperi* continuauit. Quibus vtinam libris acquieuisset! Sed scripsit quoque carmen *de ciuitate vitae*, in quo animam, hac terrestri labe seiunctam, et corporis vinculis exutam, multa et varia loca ^{b)} peragrarere, et tunc demum ad beatorum in coelo concilium peruenire docuit. Librum idem de Angelis scripsit, in quo falsas de his spiritibus opinioniones quasdam proposuit. Quas cum ipse reuocare nollet, igne combustus est, vt testatur Vossius *de hist. Gr. et Lat. L. III. c. 7. p. 179.* Sunt tamen, qui Palmerium hunc splendido funere elatum, et librum *de ciuitate vitae* pectori impositum esse scribant. ^{c)}

^{a)} *Matthaeus* hic distinguendus est a *Iacobo Palmerio*, cuius honorificam mentionem facit *Huetius in comment. de reb. ad eum pertinent. L. I. p. 70.* Hic ad eruditos milites pertinet, acerrimosque



mosque calculi dolores litterarum studiis leniit. De hoc *Palmerio* exponit *Stollus* in *den Nachricht. von seiner Biblioth.* P. III. p. 211. cf. *vitas virorum Clarissim.* quae *Vratislaviae* prodierunt. p. 186.

b) Ad Manichaeorum errorem, atque etiam quorundam ethnicorum Philosophorum sententiam, qui animas circa sepulchra vagari credebant, haec opinio accedere videtur. cf. *Zornii Biblioth. Exeg. antiqu.* p. 606. *Saurin Discours über die Bibel*, P. I. p. 846.

c) vid. quae *Fabricius* ex *Leibnitii scriptor. rer. Brunsv.* T. X. p. 424. in *Historia Biblioth. fide*, P. II. p. 485. monuit.

LIV.

IO. MICHAEL BRUTVS seculo XVI. floruit, variisque libris inclaruit. a) Praestantissimum illius ingenii opus *Historiam Florentinam* esse non falso existimant viri docti. Hanc *Cl. Schelhornius* inter libros publica auctoritate suppressos refert, in *Amoenit. Litter.* T. II. p. 346. sic loquens: *Admodum raram esse nemo facile ignorat Io. Mich. Brutus historiam Florentinam Lugduni a. 1562. in 4. excusam, ex ea nimirum ratione, quod duces Florentini quotquot nancisci potuerunt, eius exempla coem curauerint.* Magna enim ani-



mi fiducia, quotiescunque offertur occasio, auctor eorum partes tuetur, qui ut reipublicae libertatem sartam tectamque seruarent, omnem mouerunt lapidem, atque ita summo nisu Mediceae prosapiae moliminibus obstiterunt. Insertus hic liber est rarissimus *Tesaurus Antiquitat. et Historiar. Italiae* Tom. VIII. a. 1723. edito. Brutus vero, quoniam se hoc libro inuisum compluribus reddidit, ut infidias principum euitaret, totam per Europam vagatus est omnesque miseras pertulit. ^{b)} Quod exilium eodem animo pertulisse dicitur, quo M. Brutus, Iulii Caesaris ficarius, qui ad Ciceronem haec scripsit: *An tu Romae habitare id putas incolumem esse? res non locus oportet praestet illud mihi.* Magna vero vox et Romano digna!

^{a)} De hoc Bruto memini *Iob. Guil. Bergerum*, cuius solum nomen elogium est, in praelectionibus suis, sic dicere: Quia Machiauellus etiam conscripsit de rebus Florentinis octo libros, multi opinati sunt, vnum esse Brutum et Machiauellum; Brutum esse tantum nomen personatum. Sed falluntur. nam verum est nomen. Agunt quidem de eodem argumento, et VIII. vtriusque sunt libri, sed plane dissimili ratione scribendi. Machiauellus scripsit Italice, Brutus Latine.



Latine, et eleganter admodum. Plane videtur nitorem aliquem sequi excultum, ad elegantiam Iulii Caesaris, sed interpretatio Machiaelli est barbara saepe. quare cauendum de illo errore, et aliter sentiendum. Vtrumque tamen reddit historia inuisum.

- b) Audiamus auctores *Astor. Erudit.* vernaculo sermone conscriptorum, P. XCV. p. 767. *Weil Brutus in dieser Schrift die Wahrheit allzu derb gesagt, und denen Großen zu Florenz nicht satt-sam geschmeichelt, so mag dieses wohl die Ursache seyn, warum er sein Vaterland verlassen, und die übrige Lebenszeit bey Hunger und Kummer als ein Exulant fast in gantz Europa herumwal-len müssen.*

LV.

PETRUM ARETINUM ob libros satyricos, in quibus, quaecunque summi viri et principes, vel dicerent, vel facerent, perstrinxit, vulgo *flagellum principum* appellant. Ipse vero in corpore fustes et flagella nimium expertus est. Freherus enim illum, principum quorundam Italorum iussu, fustibus ad mortem usque caesum esse, commemorat. Scripsit etiam, teste Bailio in *Diction.* T. I. p. 328. librum quendam nefarium, quem a caprarum lasciuia et libidine *capricium* inscripsit. Alia, quae ex peruerso

Aretini



Aretini ingenio profecta sunt, ex Genselii litteris in Atrio nouo librorum (*Neuer Bücher-saal*) P. XVII. p. 324. afferuntur. Vbi etiam quatuor libros *de humanitate s. incarnatione Christi* scripsisse dicitur. In quibus de conceptione Mariae, beatæ virginis, impie loquitur, et illam a Spiritu S. in auem transformato, grauidam fuisse dicit. Sunt qui ab hoc *Aretino* librum *de Tribus impostoribus* scriptum esse contendunt. Verum et Monachus (*Msr. le Monnoi*) in eleganti libro, nunquam eiusmodi libellum fuisse, satis demonstrasse nobis videtur, et Grotius iam ante Aretinum natum de hoc libro rumores disseminatos fuisse scribit. Nos liberum cuique iudicium relinquimus, et hoc vnum addimus, *Aretinum* a multis regibus ac nobilibus viris dona accepisse, vt aliis parceret, alios acerbe perstringeret. Alii tamen, vt iam monuimus, proteruiam hominis fustibus coercuerunt. v. Tenzelii *Biblioth. curios.* T. I. p. 491. Tandem homo, qui omnia irridebat, omniumque risum captabat, si Laurentio Politiano fides habenda, risu exspirauit. Hic enim in dialogo de
risu



rifu, p. 78. *infandas obscœnitates*, inquit, *cum de meretricibus, sororibus suis, audiret, ex risu sellam in qua sedebat, euertisse, occiputque vehementer grauiusque ad terram afflixisse, ut illico nequissime interiret, aiunt.* Ludouic. Morerus hosce in eum versiculos scriptos esse testatur,

Condit *Aretini* cineres lapis iste sepultos,
Mortales atro qui sale perfricuit.

Intactus Deus est illi, causamque rogatus
Hanc dedit, ille, inquit, non mihi notus
erat.

Quos tamen versus suppositos esse censet
Baillius, qui in *Aretinum* verba Horatii, e
L. II. ep. I.

- vertere modum formidine fustis

Ad bene dicendum delectandumque re-
dacti.

optime conuenire arbitratur. Nam post
verbera animum ad sacros labores, et para-
phrasin carminum poenitentialium Dauidis
adiiecisse dicitur. Est de hoc elegans in
Menagianis carmen.



Si ce livre unit le destin
De David et de l'Aretin,
Dans leur merveilleuse science,
Lecteur n'en sois pas empêché,
Qui paraphrase le peché
Paraphrase la penitence.

Homo fuit acuto ingenio praeditus, sed nullius frugi, et in omne voluptatum genus effusus. cf. Freherus in *theatr.* Spizelius de *litter. infelic.* Bailius in *diction.* f. v. *Aretinus.* v. Seelen in *Select. litter.* p. 389.

LVI.

NICOLAUS BECKMANNVS, Heida apud Dithmarsos oriundus, in Lundinensi Scanorum Academia Antecessor, quoniam acerrimo erga virum summum, Sam. Pufendorfium, odio incensus, ^{a)} *indicem nouitatum quorundam* in opere Pufendorfiano de I. N. et G. notatarum, a Iosua Schwarzio, Lundinensi itidem Theologo, suppresso tamen nomine editum, quibusdam in locis interpolauerat, et contra mandatum regium, *Giesae Hassorum* typis excudendum curauerat



uerat, munere priuatus et exilio punitus, tandem, desperatis rebus, adductus fuit nequitiae, vt repudiatis Lutheranorum sacris, ad pontificios se conferret. Qua quidem animi leuitate, et famae et salutis aeternae periculum adiit.

- *) Apparet hoc non solum ex horrendis, quas fecit, minationibus, cum se Pufendorffium, nisi se missum faceret, μέσως et ἀμέσως, etiam cum dispendio salutis suae aeternae aggressurum fore, eadem, qua Pufendorffium ad certamen prouocauit, epistola scripsit, sed etiam ex nefario facinore, cum affinem suum, vt Pufendorffium cum vxore et liberis trucidaret, subornauit. v. Pufendorff. *epist. ad amicos super famoso Beckmanni libello*. p. 97. in *Erid. Scandic.* et in *specimin. Controuers. ex quibus* citat Ioh. Frid. Ludouic. *delineat. bist. iur. nat.* §. I. p. 88.

LVII.

HIERONYMVS MAGIVS, Italus, historiarum, mathematicum, aliarumque scientiarum peritissimus, a Venetis Famagustae iudex constitutus, et hac vrbe a Turcis occupata, captiuus in urbem Constantinopolim adductus, duos libros, admodum praestantes, alterum *de equuleo*, alterum *de tintinnabulis*,



nabulis, sine omni fere subsidio, in carcere composuit, eosque oratoribus, Caesareo et Gallico, ad Portam Ottomannicam, dedicavit, sed infelici prorsus fato. ^{a)} Cum enim legati illi gratum declaraturi animum, summa ope niterentur, ut captivum e carcere liberarent, tantum abfuit, ut voti fierent compotes, ut potius mortem ipsi accelerarent. Re enim intellecta, carceris praefectus *Magium*, cum ad oratorem Caesareum iret, reduci statimque in carcere strangulari iussit. ^{b)}

^{a)} Libros hos recenset Io. Christ. Wolfius in *diff. de carcere erudit. mus.* p. 36.

^{b)} v. Vincent. Parauicin. in *Singular. de viris eruditione claris*, n. XV. p. 6. cf. Bail. *diction.* sub hys nom. Teissier in *eloges de Savans.* T. I. p. 355.

LVIII.

IONAS SCHLICHTINGIUS a BVCOWIETS, varia scripsit, quae inserta sunt Volum. V. *bibliothecae Fratrum Polonorum*, ut *Commentarium in Euangelium Ioannis*, in *epistolas ad Romanos*, ad *Timotheum*, ad *Titum*, ad *Philemonem*, aliosque sacri codicis libros.



broſ. In epiſtola ſive praeſatione praeſixa Lubienicius de vita et morte *Schlichtingii* exponit, atque praeter alia ſcribit, illum maxima veneratione coluiſſe Grotium, eiusque ſententias ſaepe numero ſecutum eſſe. Fuit noſter Eques Polonus, et ſacerdos primum Racouientis, deinde Luclauicienſis, at ob editam *Fidei Chriſtianae confeſſionem*, patria eiectus, obiit in Marchia Brandenburgica a. 1661. Magnifico ornatur elogio a Fratribus Polonis in epiſtola ad Senatum Claudiopolitanum, ſequē illius prudentiam et dexteritatem in adminiſtrandis eccleſiae negotiis compertam habere dicunt. conf. praeter Lubieniecium Arnold. *H. E. P. II.* p. 562. et Sand. *B. A.* p. 126.

LIX.

HERMANNVS DEVSINGIVS vitam priuatam muneri publico praetulit, variaque ſcripſit, quorum catalogum cum vita ſua Theodoro Haſaeo miſit, qui illum *Biblioth. Bremeniſi, Claſſ. V.* p. 936. inferendum curauit. Inclaruit praecipue *demonſtrationibus Allegoriae hiftoricis*, ſ. hiftoriis allegoricis
V. et N



V. et N. Test., quibus tres dissertationes de mysterio S. S. Triados addidit. *) In quibus de Trinitate sic disputat: „Quemadmodum anima hominis ad imaginem Dei Trini condita, constat tribus distinctis facultatibus, intellectu, iudicio et voluntate, quae tres facultates vnam constituunt animam, ita essentiam Dei contineri hâc tribus subsistentiis, intellectu, cui propria sit conscientia et praescientia, iudicio, cui propria sit sapientia et veritas, et voluntate, cui competat potentia et charitas, eisque infinitis, quae tres subsistentiae vnam Dei essentiam absoluant. „ Haec omnia, an. 1690. ἀνωρύρας quidem euulgavit *Deusingius*, sed diu latere non potuit, vehementerque animos hominum in se concitavit. Audiamus ipsum *Deusingium*. „Foedissima in *Deusingium* coorta tempestas est, et non secus ac si omnia pariter elementa in eum conspirarent, quae non ante desaeuire desiit, quam ei sacris esset interdictum, vsque dum, quod in publicum emiserat, publice reclamasset, quanquam sine vlla erroris demonstratione. „ v. Bibl. Bremens. C. V. p. 933. Proposuit sibi idem *Deusingius*

I



gius allegorice Sacr. Scripturam explicare, sed non melius ei hoc consilium successit, quam omnibus, hanc qui viam eandem iniuerunt. A. 1722., natus annos 68., obiit. v. *Fort. ges. Saml.* a. 1722. p. 1022.

- *) Liber hic suppresso nomine a. 1690. primum prodiit, deinde auctus et illustratus sub Autoris nomine a. 1701. Franequerae lucem vidit. cf. *Act. Erudit.* a. 1702. p. 392. *Vnschuld. Nachr.* a. 1710. p. 606.

LX.

GABRIEL ACOSTA *) Lusitanus, a parentibus pontificiis, iisque a Iudaeis ortis, natus, et a. XXV. aetatis Iudaeorum sacra amplexus, contra immortalitatem animi ^{b)} scripsit. Quo Iudaeorum animos adeo exacerbauit, ut per annos XIV. eiectus, tandem signis poenitentiae editis, et plagis XXXIX. acceptis, in societatem reciperetur. Scripsit idem *Exemplar vitae humanae*, quod post triste ipsius fatum ex Simonii schedis a Philippo Limborchio editum et *Amico Colloquio cum erudito Iudaeo* additum est. In quo praeter alia haec leguntur: „Scio aduersarios meos, et nomen meum



meum coram indocta plebe dilanient, solitos esse dicere, hic nullam habet religionem, Iudaeus non est, non Christianus, non Mahometanus. Vide prius, Phariseae, quid dicas. Coecus enim es, et licet malitia abundes, tamen sicut coecus impingis. „ Vitam hominis impiam non potuit non tristissimus exitus sequi. Inimicum enim quendam ianuam praeter-
euntem cum frustra globulo plumbeo emisso enecare tentasset, eodem telo a. 1640. se interfecit. °)

°) De hoc *Acosta* confer. Wolfius in *Biblioth. Hebr.* P. I. p. 131. Molleri *Homonymoscop.* p. 784. Baili *Diction.* T. I. p. 68. Reiman. *Einleit. in die Histor. der Theolog.* p. 615. Tenzel *Monatl. Unterred.* 1698. p. 815. Ioh. Fabric. *Histor. Biblioth.* f. P. III. p. 400.

°) Liber de immortalitate animi, illi qui tam fatalis fuit, Hispanica lingua scriptus Amstelodami hoc titulo editus est: *Examen Traditionum pharisaicarum cum lege scripta contra animorum immortalitatem.* Hunc medicus quidam suastu Iudaeorum palam refutavit.

°) Pertinet igitur *Acosta* ad eruditos *αυτοχθόνους*, de quibus plura scripsit b. Kochius vir doctiss. cuius, in munere successor, cineres veneror, in *Miscell. Lipsiens.* T. II. p. 832. cf. *Act. Erudit. Lips.* 1688. p. 222. 1714. p. 447. 1716. p. 321. Cyprian. *dissert. Eccles.* pent. p. 93.



*Miscell. Lipsf. T. VI. p. 46. Journ. des Sçav.
1705. p. 86. et cl. Heumannus in lib. de civi-
tate Philosophorum, Ienae 1703.*

LXI.

IVLIVM CAESAREM VANINVM,
Taurisano Neapolitanum ^{a)}) ridiculum
fuisse hominem vel ex eo intelligitur, quod
nomen *Lucilii*, a patre acceptum, cum *Iulii*
Caesaris nomine commutavit. Quod alii
ideo fecisse dicunt, vt securius delitescere
posset: alii eum insolenti gloriae aviditate
adductum idem cum Romani imperii con-
ditore nomen habere voluisse, non sine ri-
tione contendunt. Romae et Patauii ope-
ram litteris dedit, vbi Petro Pomponatio
praeceptore usus est, quicum tamen in con-
temnenda Aristotelis Philosophia non con-
uenit, quem admiratus est adeo, vt illum,
*Philosophorum deum, humanae sapientiae di-
ctatorem, et sapientum pontificem maximum*
appellaret. Cum praecipuas Europae par-
tes peragrasset, Lugduni in Gallia substitit,
ibique a. 1615. ^{b)}) *Amphitheatrum aeternae*
providentiae divinae magicum Christiano-Phy-
sicum, nec non Astrologo-Catholicum edidit,
sequenti



sequenti anno cum censura et privilegio regis recusum, ^{c)} quod postea primam illi Atheismi suspensionem conflavit. Hanc vero multum auxit libro *de admirandis naturae reginae deaeque mortalium arcanis*, edito a. 1616. profanisque de Deo sermonibus plane confirmavit. ^{d)} Coniectus igitur ab Inquisitoribus Tolosanis in carcerem, et rogo impositus a. 1619. animam efflavit. ^{e)}

^{a)} Taurisanum patriam suam *nobilissimam et velut in orbis annulo gemmam* ipse appellat Vaninus *de arcan. Nat. Dial. LVI. p. 424:*

^{b)} In hoc libro non solum diuinam providentiam, sed et animae nostrae immortalitatem magno conatu, nouoque et accuratiori modo in speciem defendit, recte tamen id agit, ut refutando doceat, et languida oppugnatione contrariam opinionem legentibus persuadeat, taciturnumque cum Atheis consensum haud obscure prodat. Qui emunctioris paullo naris sunt, haec facile animaduertunt, neque a scelerato homine sibi imponi patiuntur. Non ex vno alteroque loco, ubi pie et sobrie loqui videtur, diiudicandus est, sed ex integris diligenterque examinatis scriptis, maxime vero ex blasphemis, quae morti proximus effutiit, verbis Vanini de Deo sententia melius intelligi potest. Mitius autem, quam par est, de Amphitheatro Vanini iudicat Morhofius, qui sanum illud vocat, in quo subtiliter de animi immortalitate disputet.



disputet. Polyb. T. I. p. 79. Rectius Neumanus hoc libro inquit, quum se aduersus Epicureos et Stoicos maxime pugnaturum in fronte promitteret, frigida tamen et imbecilli defensione bonae causae id egit, vt multo animosiores reddiderit aduersarios, et vel ipsammet *πανοπλιαν* Christianam ludibrio exposuerit, v. diff. de *Christ. Stoic.* p. 21. cf. de hoc libro diff. Ioh. Gottl. Lucii de *cohabit. et conglorificat. fidel. c. Christ.* p. 25. *Nou. litter.* 1709. p. 39. *Journ. des Scav.* a. 1718. P. I. p. 689. *Act. Erudit.* a. 1709. p. 260. 1713. p. 173. Park. *diff. I. de Deo*, p. 77. Dorn. *Biblioth. Theol. Critic.* p. 507. Voetii *disput. Select.* P. I. p. 134. de la Croze *Entretiens* p. 356. vbi plurima, quae ad vitam et mortem Vanini pertinent, commemorantur.

*) Inde Spenerus coniicit, virus libri tam occultum esse, vt etiam Theologos fugerit, *Consil. Theol. Posth.* P. I. p. 13.

a) In hoc libro demonstrare voluit, naturam, siue totum hoc vniuersum, omnium Deum esse. Licet enim lectoribus persuadere cupiat, se omnes fere Europae regiones ideo peragrassse, vt atheos omnes, vbicunque eos inuenire potuerit, debellaret, fucum tamen iis facit, ac maiori semper pondere hostium veritatis argumenta relata fulcit, quam suam ipsius ad ea relationem. Vbique suos quidem cum Atheis congressus memorat, et quanquam eorum rationes copiose et diligenter semper recitat, ea tamen est hominis impij modestia, vt, licet illos semper ad silentium redegerit, quibus tamen
argy



argumentis id praestiterit, ipse fileat. cf. Samuel. Parck. docti viri dissert. egregia *de Deo et providentia diuina*. p. 265.

- c) leg. Grammondus testis classicus, qui omni negotio interfuit, et in *Hist. Gall. Lib. III. p. 212. scribit*: Vidi ego in custodia, vidi in patibulo, videram antequam subiret vincula: flagitiosus in libertate et voluptatum avidus sectator, in carcere catholicus: in extremis omni philosophiae praesidio destitutus amens moritur. cf. Scherz. *System.* p. 125. *Act. Erudit.* a. 1709. Mens. Ian. Ioh. Gottl. Olearii dissertat. duae, *de vita, fatis, scriptis et opinionibus I. C. Vanini Ien.* 1708. edit. et Io. Maur. Schrammii, libell. singularis *de vita et scriptis famosi Athei I. C. Vanini, Custrin.* 1709. editus. Atheismi suspicione eum liberare conantur Arnoldus, antiquum obtinens, in *Haeresiol.* L. XVI. c. 6. et anonymus, quem Arpium esse dicunt, quique hanc historiam pluribus se persecuturum esse promisit, in *Apolog. pro I. C. Vanino*, 1712. edit. qui Grammondi aliorumque scriptorum coaeuorum testimonia non nisi coniecturis et negationibus eludunt, quos confutauit *Croze* in l. c.

LXII.

IO. MARIANA, Iesuitarum ordini adscriptus, maximo alias vir ingenio, ^{a)} variis libris, *historia* maxime *Hispanica* inclaruit. Editio vero libro *de mutatione monetarum*, in quo, vt Bernardinus Giraldus Pataui.



Patauinus scribit, fraudes et imposturae ministrorum regionum monetas publicas adulterantium detegebantur, oscitatio et dormitatio Philippi III. regis Catholici perstringebatur, ingentia denique damna in Hispania vniuersa exoritura praenunciabantur, ^{b)} tantam regis indignationem excitauit, vt in carcerem coniiceretur. ^{c)} Quam poenam potius ob librum *de Rege ac Regis institutione* merebatur. ^{d)}

^{a)} Hoc ipsi elogium tribuit Pope-Blount in *Cens. Cel. Auctor f. 614*. Hispanorum Liuius dicitur a Crenio in *Tom. II. method.* p. 189. ex quo habet Arnd. in *Biblioth. politico-herald.* vbi Conringii iudicium affertur, cf. *Act. Erudit. Lips.* a. 1735. p. 342. et Bailius, (*lett. chois.* p. 499.)

^{b)} v. *Schauplatz der gelehr. Welt*, P. IV. p. 337.

^{c)} v. Bail. in diction. sub *hoc nom.* et Nicol. Antonii *Bibliothec. scriptor. Hispanicor.* T. I. p. 560.

^{d)} Ita iudicat Bail. in l. c. in isto libro doctrinam illam pestilentissimam Iesuitarum, Marianam vulgo, ab auctore sic dictam, de rege tyranno et haeretico, vel aperta vi, vel clandestinis consiliis, interficiendo proposuit, (v. *Act. Erudit.* a. 1731. p. 344.) qui Toleti, a. 1598. cum superiorum approbatione et regis privilegio prodit. Sed a. 1610. post parricidium Henrici



rici IV. regis Galliae, iussu curiae Parisiensis ante fores templi Cathedralis a carnifice exustus est. cf. *Thuan. continuat.* L. III. p. 86. Foedas doctrinas in isto libro propositas commemorat etiam Conring. *de Regn. Hispan.* cit. a Pope-Blount l. c. Refutatur a Georg. Horn. in *dissert. histor. et politic. XVIII. de Tyrannide*, p. 124.

LXIII.

Fuisse ISAACVM PEIRERIVM, Burdigallensem Gallum, Praeadamitarum caput, constat. Hic, cum Bruxellis principi Condeo ab epistolis esset, a. 1655. exercitationem super Epist. ad Rom. V. 12. 14. et Systema Theologicum ex Praeadamitarum hypothese, ^{a)} tecto licet nomine, edidit, in quibus probare conatur, Iudaeorum originem ab Adamo descendentium, esse maxime diuersam ab ethnicorum origine, ex Praeadamitis oriundorum. Qui libri a. 1656. a carnifice palam sunt combusti, et auctor, in vincula coniectus, ^{b)} ^{c)} ope heri sui libertatem hac lege recuperavit, vt sententiam pariter ac religionem mutaret. Itaque Romam profectus ab Alexandro VII. Pontifice supples veniam erroris petit, et libro edito *consilii sui rationem reddidit, errorem suum*



felicem praedicans, quia hac occasione ad ecclesiam Romanam esset adductus. Reliquum vitae tempus Parisiis inter fratres congregationis Oratorii contriuit, suamque opinionem usque ad mortem clam defendit. ^{d)})

- ^{a)}) De auctore Praeadamitarum et eius refutatione auctores plerosque omnes recenset Cel. Fabricius in *Cod. Pseudepigr. V. T.* p. 51. Integros tit. libror. Peirerii extr. Grapius in *System. N. Contr. T. II.* p. 100. Olearius in *Synops. Contr.* p. 808. v. *Vnschuld. Nachricht.* a. 1703. p. 825. ubi exercitatio recensetur. Omnis vero conatus hoc fundamento nititur, quasi in Cap. III. Genes. alia creatio hominum, quam in C. I. commemoraretur. Ab Heumanno in dissert. de *de fato uxoris Lotbi* p. 26. Peirerius *histrionici cerebri homuncio* appellatur. Eundem Ioh. Fechtius in dissert. de *Praeadamitismi recens incrustati examine* p. 8. *contemptorem omnis religionis, vel Naturalistam vel Atheistam* vocat, ubi plura de erroribus Peirerii afferuntur. Quomodo factum sit, ut hunc errorem defenderet, narrat *Quenstedt Syst. P. I.* p. 514. Fabric. *Hist. Biblioth. suae, P. V.* p. 258. et *Act. Erud. Suppl. T. III.* p. 388. Igni libro damnato, cum a Menagio de exemplo communicando appellaretur, dixisse fertur: *Parue, nec inuideo, sine me liber ibis in ignem* v. *Suit. de Menagian.* p. 39. et *Naudean.* p. 86. singularia de Peirerio dabunt *Act. Erudit.* a. 1737. p. 370. et Reiman



Hist. Litter. Antediluv. S. 2. p. 93. Schelhorn. Amoen. T. 8. p. 388.

b) c) Ipse *Peirerius* in epist. ad Philotim. p. 27. scribit: *inauspicato die Mens. Februar. 1656. irrumpunt in cubiculum meum, agmine et impetu facto, triginta homines armati, et extractum cubiculo et domo rapiunt per plateas, et per longos ciuitatis anfractus, sublimem raptum intrudunt in carcerem.*

d) v. Spizel. in *infel. litter.* p. 828. Bail. *diction.* sub hoc nomin. *Kriegius* in *differt. de bamarti-genia*, Ien. a. 1707. in qua et p. 60. errores *Peirerii* recenset et refutat, eumque ex animo retractasse religionemque mutasse negat. p. 73.

LXIV.

VIRGILIUS, episcopus Salisburgensis, ab alio *Virgilio*, libri de inuentoribus rerum auctore, probe distinguendus, in libro quodam Antipodes esse affirmauerat. Quod quidem *Zachariam*, II. Pontif. Roman. impulit, vt ad *Vtilonem*, Bauariae regem, sic scriberet: *Virgilium a templo dei et ecclesia depellito, sacerdotio in Concilio abdicatione, si illam peruersam doctrinam fuerit confessus.* Acerba vero vox! Romani quidem summa ope nituntur, vt pontificem
defen



defendant. Nam et Baronius, et Iosephus Mezgerus *in historia Salisburgensi* p. 192. *Virgilium* alios homines a nobis diuerfos in alio mundo viuere docuisse, atque adeo nouam, inauditam, et Christianae doctrinae valde periculosam opinionem protulisse, dicunt. Auctores vero *diarii Triuoltiensis*, (a. 1708. Ian. p. 130. et Febr. p. 299.) *Virgilium* a Zacharia damnatum esse, negant, inter Antipodes Mathematicos et Physicos distinguunt, (hanc enim per distinctiones se expediundi viam ineunt vulgo homines, si omnem aliam defendendi rei rationem praecisam esse vident,) *Virgiliumque* non illos sed hos docuisse aiunt. Alias etiam putant non iniuria illum a Pontifice condemnatum fuisse. Cuius tamen, opinamur, cogitanti, quam inuisae semper fuerint Romanis nouae opiniones, quid de tota re sentiendum sit, facile apparebit. *)

*) v. Voetii *disput. select.* T. I. p. 645. Auentin. in *Annal. Boior. L. III. Bibl. Hallens.* T. III. p. 136.



LXV.

Dicitur a multis BARTHOLOMAEVS CARANZA, Episcopus Toletanus, ob Catechismum, qui, a. 1558. Hispanico sermone conscriptus, Antuerpiae hoc titulo prodiit: *Commentarios etc. sobre et Catechismo Christiano diuididos en quatro partes las quales contienen fodo loque professamos en el sancto baptismo, como se vera en la plana siguiente dirigidos al serenissimo Roy de España*, et quem Gregorius XIII. a. 1576. in indicem librorum prohibitorum retulit, hunc igitur ob librum in carcerem detrusus ibi per annos XVII. delituisse dicitur. Tandem a Gregorio hac poena affectus est, vt articulos quosdam eiuraret, et per annos V. munere exueretur. Quod eum opinor non aegre tulisse, quoniam singulis mensibus M. aureos numos ad vitam tolerandam accepit. v. *Vnschuldig. Nachricht.* a. 1713. p. 30. Sunt tamen, qui aliter sentiant. Varrillasius quidem, in *historia reuolutionum Europae ob religionem*, Philippum II. Hispaniae regem, per id tempus, quo Caranza in carcere fuisset, opimis Archiepiscopatus



reditibus ad haereticos in Belgio opprimendos usum esse, eorumque summam non multum ab octo Millionibus abfuisse commemorat, atque hanc veram omnis infortunii causam esse arbitratur. In scriptoribus vero ordinis praedicatorum recensitis, (T. II. p. 242.) aliae causae afferuntur; ne Toletanus episcopus magis apud regem, quam reliqui gratia valeret, quod ditissimo amplissimoque Hispaniae beneficio potitus sit, et summi Inquisitoris munus ambierit, inde aemulationem, invidiam, et odium esse ortum, nullumque insidiarum prius, quam depresso *Caranza* fuisse finem. Quorum sententia verior sit, acutiores iudicent! Vtraque certe pars magnis se auctoritatibus tuctur.

LXVI.

SAMUEL CLARKIUS, alias vir magno et acuto ingenio, atque gustu elegantiae venustatisque priscae praeditus, a. 1712. in lucem emisit huncce librum: *The Scriptures Doctrine of the Trinity.* *) In quo praecipuos de Trinitate errores assert; esse
vnam



nam tantum personam, quae pro Deo ha-
enda sit, nempe patrem, cuius essentia aliis
um personis communicari nequeat; filium
se personam diuersae essentiae diuinae, cui
nil praeter independentiam desit; Spiri-
um sanctum neque Deum appellandum ne-
que adorandum esse, vt alia taceamus. Qua-
non solum Ioh. Eduardus, Will. Lomme-
us et Eduard. Wells contra *Clarkium* scri-
pserunt, eumque confutarunt, sed ipse *Clar-*
kius muneribus, quae adhuc gesserat, a. 1714,
re diu in Parlamento agitata, exutus est. ^{b)}

^{a)} De hoc libro vid. Pfaff. *Hist. litter.* P. I. p. 256.
Journal. litter. T. IV. p. 210. T. I. p. 264.
Vnschuld. Nachr. a. 1713. p. 237.

^{b)} De vita Clarkii vid. *Vnschuld. Nachr.* 1714,
p. 839. *Büchersf.* T. 4. p. 69. et Whistonius in
commentariis historicis de vita Clarkii. cf. etiam
Act. Brudit. a. 1731. p. 363.

LXVII.

PETRVS GIANNONIVS. Tomis IV.
regni Neapolitani historiam complexus
est. Maximas vero cum hoc libro sibi ini-
cicias conflasset, Venetias se contulit,
verans fore, vt ibi saluus et incolumis viue-



ret. Quae spes illum vehementer fefellit. Acerbissimi enim aduersarii, atque etiam praepotentes, eo tandem rem deduxerunt, vt *Giannoni* e republica Veneta eiiceretur. Milanum deinde, et demum Geneuam se recepit. In qua vrbe cum se tutum satis arbitraretur, animum ad Tomum V. scribendum, atque adeo inchoatum opus perficiendum, adiecit. Duobus vero mensibus interiectis a nobili quodam viro, magnam qui amicitiam simulabat, in praedium, in finibus Sabaudiae situm, inuitatur. Quo cum venisset, regis Sabaudiae iussu in vincula coniectus Romam captiuus ducitur. v. *Relat. Nou. litterar. Lipsiens.* a. 1736. p. 369. Meliori fortuna dignus videtur hic vir collectoribus *Actor. Eruditor. Lipsiensium*, qui probum animi candorem, fidem incorruptam, et strenuam veritatis confectionem ipsi tribuunt. v. *l. c. a.* 1732. p. 458.

LXVIII.

MICHAEL MOLINOS, distinguendus a *Molino*, Iesuita Hispanico, ex familia Pelagianorum, dux quidem et auctor
 Quiet



Quietistarum, sed teste Ioh. Andr. Schmidio, *in decade dissert. histor. Theolog.* p. 134. prudens fuit vir, moresque ad omnem honestatem composuit. Edidit a. 1685. *manuductionem spiritualem*, qui liber ex Italico translatus in Latinum sermonem vna cum alio *de quotidiana communione* a. 1687. exscriptus est, atque, hoc titulo innotuit; *Manuductio spiritualis, extricans animam, eamque per viam interiorum ad acquirendam contemplationis perfectionem, dimittemque internae pacis thesaurum deducens*. Prodiit vero in publicum commendationibus Martini Ybanez, Archiepiscopi Regii Calabriae, Francisci Mariae de Bononia, Generalis ordinis S. Francisci, aliorumque Romanae ecclesiae Theologorum munitus. Hic liber *Molino* fores ad amicitiam et fauorem cum Estraei, Cardinalis, tum ipsius Pontificis patefecit. Adeunt non multo post tribunal inquisitionis patres e Societate Iesu cum Dominicani, quorum commodis valde exitiosus hic liber videbatur, et, vt *Molini* de libro accurate et diligenter cognoscant iudices, postulant. *Molinus* optime suam causam agit,



librum ab aduersariorum calumniis defendit, et, vt iterum, a tribunali inquisitionis comprobatus, edatur, efficit. Aduersarii, quorum furor non sopitus; sed magis accensus est, *Molino* Iudaismum, Mahumedanismum, et nescio quem Ismum, crimini dant; nihil efficiunt, suae vero societati magnum imminere discrimen vident. Adeunt igitur Christianissimi Regis confessorem, patrem *de la Chaise*, rem exponunt, opem ab illo petunt. Hic, vt magna auctoritate, et summa gratia regis floret, tandem efficit, vt ad Estraeum, cardinalem, mandata mittantur, in quibus rex se aegre ferre testatur, quod doctrinam, quam e suo regno penitus extirpare cupiat, Pontifex in suis aedibus inualescere patiatur, immo de *Molino* vt diligentius cognoscatur, imperat. Praefert Estraeus regis voluntatem priuatae amicitiae. *Molinus* a. 1684. in ius rapitur, a. 1687. iudicium, quod iudices inquisitionis tulerant de illo, promulgatur. Ducitur *Molinus* veste sacerdotis nitidissima indutus hilari vultu ad templum Mineruae. Ibi vinctus manibusque cereum tenens imperterrito et
forti



forti animo sententiam, quam duo monachi alta voce pronunciabant, audit. Articulus LXVIII. eiurare cogitur, et in perpetuum carcerem detruditur. Carceris squalorem generoso animo perfert, se in fecesum nunc suum abire ait, et sacerdotem, vna ambulanti, ita alloquitur: *Vale mi pater, videbimus nos iterum die iudicii, et tunc manifestum fiet, a cuius partibus, mea an vestra, veritas steterit.* v. Bailii Nouvell. de la Republ. des lettres, 1687. P. II. p. 1342. Tale iudicium de *Molino* tulisse Pontificem non valde mirum videri debet. Nam, quae scripserat, non poterant non pontificiae religionis fundamenta euertere. ^a) In carcere usque ad a. 1696. vixit, quo demum liberatus, sententiam mutasse dicitur. A multis hic *Molinus* maximis laudibus ornatur. Nos in iudicio Sonntagii acquiescimus: *Ostendimus quietem animae et pacem interiorem a Molino confictam, vocari posse ens rationis, quod tantum est obiectiue in Intellectu. Cumque adeo istud otium mentis ipsi etiam poenitentiae officiat, et hominem motibus contritionis et fidei superiorem fieri posse supponat, id-*



circo malo potius, quam bono spiritu istud pro-
uenisse opinor. v. illius vocabul. pseudo-mysti-
cum, p. 52. b)

a) vid. Camp. Vitringae *Typus theolog. practicae*,
Franequ. 1716. cognouit hoc quoque auctor
collectaneorum de Quietismo, (*Recueil de di-*
verses pieces concernant le Quietisme.) cf. *Acta*
Eruditor. a. 1687. p. 429.

b) Plura de Molino dabunt, Burnetius in *epistol.*
I. de praesenti statu Italiae, Col. 1688. Ioh.
Wolfg. Jaegerus in *exam. Quietism.* Tubing.
1715. Ioh. Frid. Mayer. *dissert. de Quietista-*
rum persecutionibus, Hamburg. 1688. Thomä-
sius in *den freymüthigen Gedanken*, p. 1109.

LXIX.

CASPAR PEVCERVS medicinae in
Academia Vitebergensi doctor, post
editos aliquot libros theologicos, a) in qui-
bus Calvinismum incrustare studuit, et va-
ria rerum nouarum molimina, b) Rochlitzii,
Cizae, et Lipsiae denique in carcere per de-
cem annos retentus fuit, c) auctoritate, feli-
cite et gratia excidit, qua apud Augustum,
principem electorem plurimum valuit, d)
suoque exemplo docuit, aduersa plerumque
fata eos experiri, qui negotiis, ab officio
alienis,



alienis, maxime ad religionem pertinentibus, sese immisceant. *) Tandem a. 1556. Ioachimo Ernesto, principe Anhaltino, cuius filiam Agnetam Hedwigam Augustus eo anno in matrimonium ducebat, carcere dimissus est.

a) Tales fuisse ex multorum suspicione Catechesin Vitembergensem, librum, cui inscriptio fuit *Сексѣтуа*, Germ. *Grundfeste*, scribit Adami in *vit. Medicor.* p. 379. cf. Freher. in *theatr. clar. vir.* f. 1312.

b) Quantopere nifus sit, vt in scholam Portensem catechesis Vitebergensis introduceretur, et quantum illam Balduſio, Reſtori, commenda-uerit, denique quam friuole primum rem nega-uerit, deinde manum abiurauerit propriam, docet Celſ. *Am-Ende in memor. Inſpector. Portenſ.* p. 35. Quare et *der Calviniſten Drommelſchläger* appellatur in *Secret.* T. I. p. 463. cf. *Vnſchuld. Nachr.* a. 1729. p. 622.

c) v. Wolfii diſput. de carcer. erudit. muſ. p. 41. et hiſtoria carceris Peuceri, quam ipſe compoſuit. cf. *Aſt. Erudit.* T. VI. *Suppl.* p. 41. et *Aſt. Erudit.* vernaculo ſermone ſcript. T. V. p. 851.

d) Quanta apud Electorem gratia florauerit, copioſe exponunt Adami et Freherus, in l. c. quorum ille, fortuna Peuceri nihil ſplendidius viſum, nec felicitati illius quicquam deſuiſſe ſcribit. p. 378.



- e) Sic probe iudicat Reinhard in *animadu. ad Politic. Lips. f. Theatr. prud. elegant.* L. III. c. 5. n. 11. p. 789. vbi Augustus dixisse fertur. *Peucerus solle seiner Arzeney warten, und das Harn-Glas besehen, und der Theologischen Sachen müssig gehen.*

LXX.

POLYCARPVS LYSERVS, magni nominis, nec minoris doctrinae Theologus, primus omnium in Saxonia d. 26. Iun. a. 1577. Formulae Concordiae subscripsit, quem deinde non Theologi tantum Vitebergenses sed reliqui quoque sacerdotes secuti sunt. Insignis hic et nunquam satis laudandus Theologus rogatu Nobilium in ducatu Ascaniae, a. 1590. sententiam de Exorcismo in libro hoc titulo edito: *Bedencken von Abschaffung des Exorcismi*, a. 1591. proposuit, et defendit. Quo de libro Cel. Langemack in *P. II. histor. Catechet. c. IV.* haec memoriae prodidit: *Es machte aber dis Bedencken dem guten Lysero nicht wenig Sorge und Verdruss, massen der Fürst von Anhalt deswegen im folgenden 1591. Jahr d. 20. Febr. an den Rath nach Braunschweig schrieb,*
und



und sich über den Superintendenten beschwehrete, deswegen die Crypto-Calvinisten, deren nicht wenige auch in dieser Stadt waren, als der Syndicus D. Marcus, ihm hefftig zusetzten. Atque etiam beat. Gleichius in P. II. Annal. Ecclesiast. p. 545. Crypto-caluinianos huic libro alium opposuisse commemorat, et in Examine Examinis Pieriani, p. 180. legimus, in tabernis cereuisiariis horum asselas Theologum traduxisse. Immotus vero Lyserus perstitit, famamque sequenti libello defendit: Rettung der Ehren und Unschuld D. Polyc. Leyfers, Churf. Sächsf. Hoffpredigers, welchen die verummneten, verkapten und unbenannte des D. Nic. Crells Freunde des Aufruhr, turbatae pacis publicae, und anderen Unfugs, iedoch (Gottlob!) mit Unwarheit, und höchster Ungebühr beschuldiget haben. Leipz. 1608. Quem librum, non vbiuis obuium Tenzelius Bibliothecae Curiosae a. 1705. p. 682. totum inferuit, dignum, qui ab omnibus legatur. Manes beati viri Bailius, vt erat hominis ingenium, grauiter laesit. Qui non tantum falsa multa attulit, sed inique saepius de viro pio et docto iudicauit. Sed
K A *sulce*



suscepit proavi sui defensionem Polyc. Lyserus in praefat. *praelection. Lyseri senioris in prophetas minores*, editi a. 1709. cf. Gleichius, in l. c. et Zeibichius in lib. *de Theologis ad tempus commodatis*, p. 63. et Cel. *Am-Ende in Memor. Inspector. Portensf.* p. 19. (o).

LXXI.

IORDANVS BRVNVS, monachis dominicanis adscriptus, *multum ille et terris iactatus et alto*, totamque Europam peruagatus, Parisiis, Londini, et alibi litteras docuit. De innumerabilibus, immenso, et insignurabili, *s. de vniuerso et mundis* a. 1591. libros octo edidit, in quibus plures esse mundos demonstrare, Deum vero in Circulum et in puncta conuertere voluit. Idem, vt alios febriculosi hominis libros taceamus, de *bestia triumphante* scripsit. In quo non tantum in Romanorum scelera acerrime inuehitur, sed cultum Dei etiam, omnemque de Deo doctrinam maximis conuiciis proscindit. Quid enim esse dicamus, quod *Mosen* magicae artis ope miracula fecisse, *sacros vero libros* mera esse somnia scripsit? Qui



Quid quod in Christum saepius suae improbitatis virus euomuit, cuius imaginem, cum a. 1600. d. IX. Febr. Romae igne comburetur, toruo vultu primum adspexisse, deinde abiecisse dicitur. Vtrum diabolum peculiari oratione laudauerit, vt Spizelius et Keckermannus narrant, et an hoc monachorum commentum sit, alii iudicent. Mirati vero fumus saepe ac vehementer, quid sit, quod doctissimus *Heumannus* hominem, qui, teste Buddeo, (in *thes. de Atheism. et superstit.* c. 1. p. 114.) absona multa et blasphema adstruxit, in *Act. Philos.* P. III. p. 504. multo studio defendat, inter martyres Christianos, et testes veritatis referat, immo, quod magis mirandum, virum sanctum in P. IX. p. 390. appellat. Operae pretium erit verba viri clarissimi adscribere: *Ich bedaure billig, dass dieser heilige Mann von denen Protestanten selbst aus Unvorsichtigkeit in den Catalogum Atheorum gebracht worden, da er doch in den Catalogum martyrum gehöret; und ietzt mit allen denen, die um der Lehre Christi willen ihr Leben gelassen haben, der ewigen Herrlichkeit genießet.* Veremur profecto, ne amor quida



quidam nimius sui ingenii, et noua proferendi cupiditas longius virum de bonis literis optime meritum abripuerit, quam fieri debebat. Nos quidem vltima certe verba nunquam posuiffemus. Tolandum autem ab Heumanno non dissentire nemini mirum videbitur, qui ingenium hominis nouerit. Quare ea, quae Scioppius ad Ritterhusium de vita, libris, et fatis Brunii scripsit, tanquam calumnias et mendacia reiicit. vid. *collect. oper. eiusd.* Londini, a. 1726. editam. Propius accedunt ad veritatis similitudinem Crozius, (*entretiens sur divers sujets.* p. 294. 314. 325.) et Struuius in *Actis litter. ex MSC. erutis*, Fasc. V. T. I. p. 64. cf. Bailius in *dition. Critic.* s. verb. *Brunus*.

LXXII.

VRBANVS GRANDIERIVS, Parochus et Canonicus Laudunensis, posteaquam libelli cuiusdam aduersus Richellium auctor fuerat delatus, in tantum viri nobilissimi odium incidit, vt magiae falso accusatus vna cum scriptis et characteribus magicis, ipsi suppositis, itemque cum libro,
manu



manu exarato, *contra coelibatum clericorum*,
igni concremandus traderetur. ^{a)})

- ^{a)}) Liber hic fuit *La cordonniere de Loudun*. v.
histoire des diables des Loudun, Amstelod. a.
1693. in 12. cuius conuersio Germanica pro-
diit Halae, a. 1704. cf. Bail. *diction. Il etoit*
bel homme, agreable dans la conversation, propre
en ses habits et en sa personne, ce qui le fit sup-
ponner, d'etre aimé des femmes et de les aimer.
Cum rogum ascenderet, magno fufurro musca
caput illius circumuolitauit. Quare monachus,
qui forte audiuerat, esse Beelzebub in lingua
Hebraica regem muscarum, Diabolum adesse di-
xit, animamque *Grandierii* secum auferre velle,

LXXIII.

ROBERTO STEPHANO, viro et in-
genio, et doctrina et arte typographi-
ca insigni, idem prope, quod *Io. Lufftio*,
contigit. Nam cum Sacram Scripturam
sic edidisset, vt simul textum Hebraeum,
versionem graecam, et latinam exhiberet,
atque etiam notas quasdam adderet, quas, li-
cet titulus Francisci Vatabli nomen prae se
ferat, Stephani esse ex Vatabli praelectioni-
bus auctas, Arnoldus Bootius in indice anim-
aduersionum sacrarum obseruat, tantam sibi
inui-



inuidiam parauit, vt solum mutare, et Geneuam abire cogeretur. Absens vero flammis Lutetiae traditus esse fertur. ^{a)} Quod tamen parum curauit. Notum est enim, dixisse *Stephanum*, se non magis riguisse, quam cum Parisiis exustulatus esset. Commorabatur enim eo tempore in niuosis Auerniae montibus. ^{b)}

^{a)} Idem fatum expertus est Lutherus, si Bernardo Luxenburgensi monacho fides habenda. Hic in *L. V. catalog. haetic.* Paris. a. 1624. edit. erecta fuit, inquit, machina: ab una parte depictus fuit Martinus in habitu monachi, ab altera parte fuit scriptum in tabellis: Martini Lutheri Haeresiarchae doctrina haeretica declarata, et reprobata, et passim libri eius fuerunt affixi. cf. Struuii dissert. de executione in effigie, et Ioh. Christ. Lefchke de suppliciis imaginariis.

^{b)} Tollius in libr. de infelicitate litterat. p. 482, in *Analect. Mencken. de calamitat. litterator.* hoc Henrico Stephano ob Apologiam pro Herodoto accidisse narrat. Ex quo etiam recenset *Para-uicin.* c. 1. p. 140. vbi de Henrico dubitare dicitur Ameloueenius. Neutri Stephanorum hoc contigisse demonstrare conatur, Ioh. Adam. Bernhard in der curieuseu Historie der Gelehrte. L. III. f. V. c. 7. p. 422. Vtrique hoc contigisse, existimat Clarm. f. Rudigerus in vitis Stephanorum, quae habentur in part. VIII. n. VI. et VII. Greg. Michaelis in notis ad Gassarelli Curio!



Curios. inaudit. N. 20. p. 110. Robertum ob Apologiam Herodoteam talia perpeffum effe fcribit. Quem refutat Mich. Maittaire in *Historia Stephanqr.* T. I. cf. *Memoir. de litterature,* T. I. p. 40. Robertum Stephanum a Tollo improuide confufum effe cum Henrico, afferit quoque auctor *Historiae Stephanorum, Londini,* a. 1709. edit. Indeffum Roberti de bonis literis bene merendi ftudium laudat Fabricius in *Biblioth. Graeca* Vol. XIII. p. 614. qui et Stephanorum Genealogiam et ftirpem p. 615. exhibet. Quod etiam Maittaire fecerat, cf. *Act. Erud. Lipf.* T. V. Suppl. p. 505. De Stephani huius vita, praeter viros modo laudatos, confulantur, Theod. Ianf. ab Almelouen in differt. epiftolic. ad Graevium *de vitis Stephanorum,* Amftelod a. 1683. *Journal. litter.* T. VII. p. 61. et Korthold. *de variis fcript. editionibus.* p. 388.

LXXIV.

GERHARD IOANNES VOSSIUS inter alia ingenii monimenta *Historiam Pelagianam* ^{a)} edidit, quae, primum feperatim edita, etiam in operibus iunctim editis, Tom. VI. p. 543. occurrit. Hac doctorum maximas laudes et commune reip. eruditae praeconium accepit. Iacobus quidem Sirmondus, vir doctus, nullam controuerfiam *hoc feculo* maiori iudicio magisque ex vero tracta.



tractatam esse fatetur, quam Pelagianam in hoc libro. Ioh. Christoph. Dornius in *Lib. III. Biblioth. Theolog. Critic.* c. 8. p. 473. existimat, *Vossium* in hoc argumenti genere non solum glaciem aliis fregisse, sed et ceteros, qui eum secuti, longis superasse intervallis, Hugo vero Grotius historiam hanc ab omnibus magni aestimatam esse Parisiis testatur. *Epist. LIII.* Nihilominus tamen historia haec Pelagiana *Vossio* admodum fatalis extitit, multorumque animos concitavit, quo factum est, ut MM thaleris mulctaretur. v. *Epistol.* ^{b)} ipsius a. 1690. Londini in fol. editas. Huc enim illa in *Epist. XXIV.* spectant: *Neque enim satis videtur multis, si mea a facultate Theologica approbentur prius, quam edantur, sed malunt in totum me scriptione eiusmodi abstinere, idque ne plus auctoritatis accedat operi historiae meae, quod aeternae obliuioni sepultum vellent.* In laudando *Vossio* multi Eruditi certamen quasi susceperunt. A Prettenio enim magnum eruditionis lumen, ^{c)} a Bockelman-
no ^{d)} vir in historia philosophica versatissimus, a Carpzouio accuratissimus Criticus,
appel-



pellatur. ^e) A Sagittario ^f) vero ob morationem et pacis studium valde laudatur. bibliothecam habuit splendidissimam, et XIVM thaleris aestimata. v. *Sorberiana*, 229. Multorum praeterea liberorum, et his Dyonisii ^g) et Isaaci ^h) Vossiorum at pater, quos ex iteratis nuptiis suscepit. Quare Grotius saepe per iocum dixit, se dubitare, scriberetne accuratius an gigneret licius? Vberiora de *Vossio* illiusque fatis d. in Reimanni *hystor. litter. German.* L. II. act. III. p. 298. Fabric. *hystor. biblioth. suae*, II. p. 214. Tenzelii *colloqu. mensr.* a. 1690. p. 60. et Wittenii *memor. philosophor.* P. II. p. 96.

^e) Plures auctores, qui historiam pelagianam considerunt laudat Dornius in *hystor. Theol. Critic.* P. I. p. 472. quicum confer. Ioh. Frickii *Zosimum in Clemente XI. redituum*, c. I. p. 3. et I. Iac. Hottingeri *Fata doctrinae de praedestinat. et gratia dei*. L. I. c. I.

^b) Epistolas Vossii hinc inde sparsas et in variis bibliothecis latentes magno studio Paulus Colomaeus collegit, et a. 1690. Londini in fol. edidit, v. *Act. Erudit.* a. 1690. p. 575. et Tenzelii *colloqu. mensr.* a. 1690. p. 609. Caetera Vossii opera in Tom. VI. Amstelodami in fol. sunt edita, v. *Act. Erudit.* a. 1703. p. 145.

^c) *de siglis et notis antiqu.* p. 43.

a) *disp.*



d) *disp. I. de Salomon. a Scepticism. vindic. contra obferu. Halenf. §. 7.*

e) *dissertat. Academ. p. 1369.*

f) *praefat. in Harmon. Passion. Christ.*

g) de Dionysio praemature fato litteris erepto v. Fabric. *Histor. Bibl. suae*, P. V. p. 339. et Stollii *Biblioth.* P. III. p. 285.

h) Isaäcus famoso Beuerlando famulo vsus est, et multam in suspicionem venit, librum *de peccato originis* a se conscriptum esse. v. Tentzel. l. c. a. 1693. p. 169. Inter libros illius eminet dissertat. de LXX Interpretibus, de oraculis Sibyllinis, et Commentarius in Catullum. Bibliothecam illius splendidam et copiosam suae inseruit Academia Leydensis. cf. Bailius *lett. chois.* p. 307. et *Act. Erud. german.* T. III. p. 58.

LXXV.

Legitur a multis atque in deliciis habetur liber ab HENRICO MVLLERO, professore Rostockienfi, hoc sub titulo editus *Geistliche Erquickstunden*. Est enim non magis pie, quam eleganter scriptus. Quare magna eius erat et praeclara fama, obque eam in eo erat, vt Hamburgi illi munus sacrum deferretur. Sed, cum in alio libro, *Apostolische Schlusskette*, Dom. X. p. Trin. p. m. 271. his verbis vsus esset: *auch hat die heutige Christenheit vier stumme Kirchenge-*



trzen, denen sie nachgebet, den Tauffstein, Predigtstuhl, Beichtstuhl, Altar, ^{a)} in suspicionem, nescio quam, incidit, atque eo munere exclusus est. Quare etiam ad multos Theologos scripsit, ut, quid sentirent, dicerent, postulavit, eorumque iudicia, libro, supra laudato, adiunxit. ^{b)}

^{a)} Ipsa haec verba, si recte examines, minime sunt damnanda, quanquam Kuhlmannus, homo mente captus, inde probare posse sibi visus est, *Mullerum* cum *Boehmio* amice conspirare. Contra quae defenditur in diss. Ioh. Adam. Calonis de *historia Iac. Boehmii*, Vitemb. 1707. c. 4. §. 10. et in diss. b. Wernsdorfii de *Fanaticis Silesiorum*, Vitemb. a. 1713. §. 28.

^{b)} v. Neumeisteri *Geistliche Bibliothec*, p. 615. Elogium viri pii dabit Engelschall *heil. Betrachtung*. P. III. p. 512. Vehementer errat Grenius, qui in P. XVI. *animaduers. philolog. et histor.* p. 78. scribit, illum pabulo inimicorum nostrorum corrumpendum fuisse facile, si quis obtulisset modo.

LXXVI.

LUDOVICVS ELIAS DUPINIVS, doctor Sorbonnicus, historiae ecclesiasticae diligentissimus investigator et felicissimus, in libro de antiqua Ecclesiae disciplina
liber.



libertatem Gallicanae ecclesiae maximopere defendit. Quo Pontificiis adeo infestus est factus, vt tandem, muneribus suis priuatus, in exilium pelleretur. ^{a)})

^{a)}) De hoc *Dupin* Cel. Schurzfleischius in colleg. litter. a. 1701. habito, ita iudicauit. „Vim ingenii praestantiamque iudicii, nec minorem industriam testatam fecit, praesertim in historia eccles. vbi opera eius egregia fuit, pretiumque inuenit, adeo, vt ab ipsismet Gallis Natali Alexandro praeretur. Ecclesiae coetum vniuersae et Romanae ingenue distinxit, ac de Pontificis potestate nimia detraxit rationibus et argumentis, ex diuino Codice Patrumque suffragio desumptis. Claues Petro datas concedit, non tanquam vni homini, sed tanquam totius ecclesiae personam sustinenti. Quo fundamento substructo, Pontificis Romani auctoritas est certis finibus circumscripta, nec potestas ciuilis pontificum censuris obnoxia, neque vlla ratione ab imperio Sacro dependens, aut quoquo modo ei deuincta atque innexa. Ita concidit monarchia pontificis, pro qua propugnarunt tantopere Pontificii scriptores, legendae sunt eam in rem dissertationes *de antiqua ecclesiae disciplina*. Multa eius lectio variaque doctrina cernitur etiam in *Noua Bibliotheca Auctorum Ecclesiasticorum*, quae viri diligentiam probat, interdum nomina eorum praeterit, quos par fuerat laudare. Ordo ceteroquin modusque scribendi perspicuus et facilis est, quo auctor is vtitur, multa tamen vulgaria admiscet, Graece doctus,



sed infra Critices acumen. De vita sua ipse Dupinius exposuit in *Nou. Bibliothec. Scripturum ecclesiast.* T. XIX. cf. *Deutsche Act. Erud.* T. VII. p. 600. de *Nouvell. Bibliotheque* iudicat Dornius in *Biblioth. Theol. Critic.* p. 37. 110. Fabric. *Hist. Bibl. f.* P. IV. p. 4. *Act. Erudit.* a. 1693. p. 77. et Pfaffii *bist. litt.* P. I. p. 50.

LXXVII.

IO. CHRISTOPH. RÜDIGER, alias *Clarmundus*, vitis clarissimorum in re literaria virorum scriptis, innotuit. In his de fatis et libris illorum exponit, multaque non iniucunda lectu profert, licet grauissimis subinde erroribus commissis. Enarrauit vero in Parte IX. harum vitarum *Samuel. Bened. Carpzouii*, alterius seculi nostri Chrysostomi, vitam. Vbi cum p. 157. 163 - 170. multa scriberet indigna tanti Theologi fama et honoribus, et silentio quae regi debebant, inique hoc tulerunt filii cognatique *Carpzouii*, et rem ad senatum Ecclesiasticum supremum detulerunt. Mandauit deinde Princeps Augustissimus beato Loeschero, ut primum *Rudigerum* verbis castigaret, tum, ut in sequenti libro retractaret priora, suis verbis, praeciperet. *) Tandem Rudigerus ob
libro



libros, parum caute scriptos, et vitam dissolutam Dresdae in custodiam datus est, et paullo post ibi exspiravit. De laboribus *Rudigeri* iudicia in vtramque partem attulit, *der Unpartbeyische Bibliothekar* P. VIII. p. 718. Sinistre et acerte hominem tangit Casp. Bonifacius in epist. *de vita et scriptis Adolphi Clarmundi* T. I. *Bibl. Halens.* p. 563.

2) Exemplum mandati regii affertur in *der gelehrten Fama*, P. II. p. 681. mentionem etiam huius rei facit beat. Gleichius in *vit. Carpzou.* in P. II. *Annal. Eccles.* p. 546. Age, ipsa adscribamus verba. *Was der unter dem Nahmen Adolphi Clarmundi verborgne M. Rudiger im VI. Theil seiner so gekannten vitarum clarorum virorum* p. 137. edit. Witteb. 1708. 8. *hat von seinem Leben, und sonderlich seinem Abschied aus diesem Jännerthal ohne Verstand und Bedacht hingeschrieben, befindet sich in der Warheit nicht also, maassen ich ja so viel Jahre neben ihm im Amte gestanden, ihn in seiner Kranckheit taeglich besucht, und auch noch bey seinem Ende zugegen gewesen, da er unter meinem und der Umstehenden Gebeth und ertheilten Seegen verschieden. Daher auch, weil man sich darüber beschwehret, gedachter M. Rudiger zur Rede gesetzt, und dem Superintendenten und Rath allhier vom buchlöbbl. Ober-Consistorio befohlen worden, dem Menschen darüber nachdrückliche Vorhaltung zu thun, und sein Vnternehmen gebührend zu strafen.*



LXXVIII.

NICODEMVS FRISCHLINVS, vir acutissimi ingenii, tot tantaque aduersa fata expertus est, vt pauci sint, quibuscum conferri possit. Hic annos XXI. natus, in Professorum numerum adscitus, Tubingae ad poetas, aliosque veteres scriptores explicandos se contulit, multum quoque studii in Philosophiae et Matheos scientia posuit, nemo vt esset, quin viri diligentiam ingeniumque admiraretur. Sed cum oratione quadam *de laudibus vitae rusticae* edita equites grauitur offendisset, maximasque sibi molestias creasset, inde abiit, et Laubachum in Carniola sitam discedit: mox caritate patriae reductus, Tubingae, vbi antea doctuerat, reiiicitur, tandem Brunsvigam abit, scholaeque gubernandae prouinciam suscipit. Neque vero hic diu manere potuit, sed, venia impetrata, in viciniam excurrit. Aliquamdiu Vitebergae substitit, et priuatim doctrinae suae copiam fecit, tum in Hassiam discessit, et Marburgum diuertit, vbi non minus ingenii amoenitatem testatus est. Marburgo, vbi emergendi locus non erat,



erat Spiram, et inde Moguntiam abiit, *intensus scriptis publice edendis*. Quoniam autem sumtus, ad hoc negotium necessarios ferre non potuit, subsidia a duce Wurtembergico petiit, ab spe frustratus *carmine, paulo acerbius scripto*, fortunam suam deplo-
rauit. Quae res induxit aulae procures, vt *Frischlinum* in patriam reuocarent, suam-
que sortem ferre docerent. Datus est igitur in custodiam, vt dedisceret licentiam, modestiam vero disceret maximum esse do-
cti hominis ornamentum. Inde cum se fuga proripere et fune e muro demittere vellet, saxi impulsus et misere laceratus de-
cidit, et animam efflauit vir libertatis suae immodicus atque intemperans, nec urbane iocari solitus, cum facetias saepe in acerbita-
tem verteret, *) quibus et in Carniola et Suenia ordinem equestrem vehementer of-
fendit, et Crusio, praeceptori, indignam retulit gratiam, cuius aetati meritisque omni-
no parcere debebat.

*) Sic iudicat Schurzfleischius in Collegio MSCro de scriptorib. sec. XVI. Ceterum de fatiis Frischlini vid. Wolf. in diss. de carc. etc. p. 26. §. 16. Tenzel. in colloqu. mensr. a. 1690. p. 876.
Memoi



Memoir. de Litterat. T. I. p. 118. *Act. Erudit.* a. 1690. p. 109. et qui diligentissime omnia commemorat Carol. Henric. Langius in *vita Frischlini.* cf. *Act. Erudit.* vernac. sermone scripta, T. X. p. 845.

LXXIX.

Nec praetermittendus est ADRIANVS BEVERLANDVS, Ictus Batauus. Hic edidit varia eaque famosissima scripta, in his pestilentissimum *de peccato Originis* librum, in quo peccatum istud a protoplastis commissum a sensu sacri codicis alieno, modo turpissimoque explicauit. ^a) At, quamquam in Belgio scriptoribus aequae atque typographis quidlibet audendi potestas est, *Beuerlandi* tamen impietatem tam aegre tulit magistratus, vt non solum scripta eius publice per carnificem comburerentur, verum ipse etiam *Beuerlandus* in exilium mitteretur. Duriora his sine dubio expertus esset, nisi librum, quem *de prostibulis veterum* composuerat, vnus e cognatis ipsius, flammis tradidisset. Calamitates vero, quibus afficiebatur, *Beuerlandum* tandem a lasciuis scriptis reuocarunt, atque, vt Palindiam



diam caneret, impulerunt, teste quidem Schellhornio T. III. *Amoen. liter.* p. 169. cuius verba adscribere non pigebit. *Carcer, mulctae irrogatio, variae aduersitates et salubres aliorum admonitiones hominem tandem ad saniozem redegere mentem, eoque perduxerunt, ut non solum quae lasciuus scripserat summopere detestatus in cineres verteret, sed publice etiam palinodiam caneret, in lucem emissa de fornicatione cauenda admonitione.* At in hoc ipso libello non nisi spurcissimum et lasciuum scribendi genus emendare et nequiores sensum deprecari videtur, cum tamen argumentum omne pessimum sit atque impurum. Melius sane fecisset, si, quam explicationem peccati originis scripserat, eam retractasset, melioremque et diuinis scriptis magis consentaneam dedisset. Plura de titulo eiusdem item dedicationem vel potius praefationem ad inimicos ^{b)} habet Tenzelius in *Colloquiis mensuris*. Iuuat adscribere iudicium de *Beuerlando*, qui tandem mente captus obiit, quod auctor Apologiae pro Iul. Caes. Vanino p. 89. his verbis tulit: Mellitum os, quem Aphrodisaeum et Veneris



is pupillam dixeris. Is, si tam vere, quam
elegantè scripsisset, vnus loco omnium
oret. ^{c)})

^{a)}) vid. auctores, qui eum refutarunt a B. Grapio
T. II. p. 148. *syft. nouiff. Controu.* laudati Sen-
tentia Beuerlandi in compendio exhibetur et
refutatur in *Antiqu. nou. anni* 1706. p. 26. fqq.

^{b)}) Christ. Thomafius *Ephemerides* fuas etiam ini-
micis, Siegfr. Benzenius *defenfonem Mafii* Tho-
mafio, quem inimicum putabat, Sociniani *Ca-
techifmum Racouienfem* Theologis Vitebergen-
fibus dedicarunt. Sed Fr. Petr. Tackius in
*comment. hift. et Liter. de dedicationibus libro-
rum* p. 44. hanc confuetudinem reprehenfione
potius, quam imitatione, dignam iudicat.

^{c)}) Vberiora de Beuerlando dabunt praeter fcri-
ptores laudatos, Ioh. Gottfr. Buchner in *fche-
diafm. de vitiorum inter erudit. occurrent. fcri-
ptoribus* Sect. II. §. 11. in not. p. 146. Gottfr.
Arnoldus in *der Kirchen - und Ketzer - Hiftorie*
P. II. L. XVII. Benthemius in *dem Hollandifchen*
Kirchen - und Schulen - Staat. P. II. c. IV. §. 120.

LXXX.

Satis fatales, fi fabula vera, extitere 10-
ANNI MILTONO *defenfiones pro po-
pulo Anglicano* contra Salmafium fufceptae.
Nam Woodus in T. I. *Fast. Oxon.* eum ita
a Deo punitum effe arbitratur, vt vix pri-



ma defensione absoluta vnum, et secunda in publicum emissa, alterum quoque oculum amitteret. Hoc quidem constat, *Miltonum* coecum fuisse, ideoque idem cum Homero, quem strenue, an etiam feliciter? imitatus est, fatum ex aliquorum sententia habuisse.

LXXXI.

FRANCISCUS HOTTOMANNVS, Ictus clarissimus, vt verbis Thuani ad a. 1590. vtamur, et totius antiquitatis scientissimus, multa ingenii sui reliquit monimenta, quibus in aeternum victurum nomen per vniuersum orbem obtinet. Eminent prae reliquis commentarius in orationes Ciceronis, in Institutiones, et Observationes Iuris Romani, quae plenae copiosa et accurata eruditione, atque in quibus, quod ad emendationes attinet, ipsum Cuiacium, at quantum virum! superat. Quibus nollem Antitribonianum addidisset: verum hoc nomine iam Marano poenas dedit. Idem cum in alio libro, cui titulus: *Fulmen Brutum Sixti V. veteres Sanctorum historias lepide exagitar*, apertum vitae discrimen adiit. Excessi



cessit igitur Gallia, sibi quæ ipse poenam exilii imposuit, multas per regiones vagatus. ^{a)})

- ^{a)}) Nihil attinet plura de viro hoc docto dicere. Cf. Thuanum, l. c. Teisser in *Addit. ad Elog. Thuan.* P. II. p. 213. et *vit. Hottomanni* a Doschio Opp. eius, a. 1700. edit. præfixam.

LXXXII.

AONIVS PALEARIVS meliori fortuna dignus fuit. Elegantissimæ eruditionis copia instructus, felicissima imitatione, in oratione Ciceronem, in versibus Lucretium expressit. Equidem nunquam illius scripta legi, quin valde delectarer, suavisissimaque voluptate recrearer. Habuit hic magnas cum stupore et malitia monachorum contentiones. Hos offendit maxime liber illius *de meritis mortis Christi*: hi impie illum dixisse clamauerunt: Inquisitionem sicam esse districtam in Litteratos: hi nostrum res sacras eleganti oratione describere aegre tulerunt. Magna vero crimina et horrenda! Sed quid multa? *Palearius* iussu Pii V. a. 1566. Romæ vivus comburitur. ^{a)})



^{a)} vid. Thuan. l. 39. Cren. *Animadu.* P. II. p. 18. seq. Morhof. in *Polyb.* P. I. p. 284. et Halbauerum in nou. edit. *Opp. Palear.*

LXXXIII.

Prodiit a. 1728. vernaculo sermone sequens liber: CHRISTIANI MELODII, *Ph. Tb. et IC. influxus veritatum diuinarum in voluntatem et totam vitam hominis.* Verus auctor huius libri est M. ADAM BERND, sacerdos ad templum D. Petri Lipsiensis. Cur vero nomen *Melodii* sibi tribuerit, ipse in curriculo vitae commemorat, p. 176. Nempe per Anagramma ex verbo *Melodius* elicitor nomen *Odelmuis*, qui notam illam dissertationem *de reliquiis sacramenti in causis matrimonialibus* a. 1704. *de distinctione legum Mosaicarum in morales, forenses et ceremoniales, de diaconissis primitiuae ecclesiae* et alias scripsit dissertationes, quibus se tanquam germanum Thomasi discipulum ostendit. Huic igitur, scribit, ille liber vt tribueretur, cupiuisse se quidem, sed citius opinione se oppressum fuisse. Si quid *Bern dius* in hoc libro tradiderit, accurate scire cupias.



cupias, euoluas S. V. Walchii *Controuers. religionum*, P. III. p. 537. vsque ad 591. vbi argumentum libri diligenter excerptum exhibetur. Inde intelliges, nihil aliud sibi proposuisse auctorem, quam vt Indifferentissimum defenderet et librum pontificiis acceptissimum ederet. Primum enim quid de eo dicamus, quod ethnicos, licet Christum omnino ignorantes, tamen saluari posse scribit? Quod ad diuersas tres religiones apud Christianos attinet, nullam essentialem differentiam inter eas intercedere docet. Pontificiae religioni plures prae Lutherana et Calviniana praerogatiuas tribuit, eiusque dogmata multo solidius et dilucidius demonstrata esse putat. Tandem toto e libro summum odium erga Lutheranos Theologos apparet, in quos passim inuehitur, et valde contemptim de viris magnis loquitur. Non aliter igitur fieri potuit, quam vt hic improbus liber omnibus bonis maxime displiceret, et a multis, vt Loeschero, Buddeo, Deylingio, Wernsdorfio, Loebero, Theologis primariis refutaretur. Ipse etiam *Berndius* poenas suae temeritatis dedit, et



et munere exutus fuit, venditione libri prohibita.

vid. plura in *Unsch. Nachr.* 1728. p. 993. 1729. p. 496. 1731. p. 386. 1732. p. 113. et imprimis modo laudatum Walchii libro, cuius maximam partem refutatio et expositio Bernardianarum nugarum occupat.

LXXXIV.

Natus fuit ADOLPHVS HELT a. 1592. Stadae, atque ibidem in collegium sacerdotum cooptatus. Dedit initio illud operam, vt ad exemplum Io. Arndii de imitatione Christi, de regeneratione, de confessione peccatorum, de poenitentia diceret, atque auditores ad veram pietatem et vitam Christiano homine dignam amplectendam inflammaret. Nescio vero, quomodo postea acciderit, vt a spiritu Ezechielis et Ioannis mysterium M. annorum, quibus pii sint regnum accepturi, sibi reuelatum esse crederet. Inde sermone vernaculo a. 1649. *Apo-calyptin prophetae Ezechielis* edidit, in quo libro principia Chiliastarum tradidit. Scripsit etiam *nouum Catechismum*, quem caluinismi semina atque doctrinam fouere et

com-



complecti dixerunt. Inde munere suo abire iussus Altonae diem obiit. Est denique alius *Heltii liber de Chronologia Apostolica*, a. 1646. editus. ^{a)})

^{a)}) vid. ipse Heltus h. l. p. 532. 633. et Arnold. P. III. 123.

LXXXV.

Nondum lugere desiere Musae praematuram mortem CHRISTIANI WOLFFII, viri ad ornandum seculum ornandamque patriam nati, probe perspicientes detrimentum, quod tristi hoc casu litterae ceperunt. Sed quid attinet plura de laudibus viri dicere, cuius solum nomen elogium est? aut quid opus est copiosius de vita illius disserere, quam, viri clarissimi, *Carol. Guntherus Ludouici, Gottschedius et Baumeisterus* ^{a)}) diligenter et accurate exposuerunt? Nos illud tantum paucis attingemus, quod ad instituti nostri rationem pertinet. Vehementer vir doctus Theologorum quorundam Hallensium animos oratione *de Philosophia Sinarum* commouerat, et cum alios, tum *Ioach. Langium* in primis sibi infestum reddi-



reddiderat. Neque prius tamen concepta
atque inclusa pectore iracundiae vis erupit;
quam noster *cogitationes rationales de deo,
anima et mundo*, prima vice Halae a. 1719. et
deinde cum additamentis a. 1722. excusas,
edidit. Nam, vt de pluribus scriptis contra
Wolffium diuulgatis nihil dicamus, ^{b)} variis
artibus, accusationibus, calumniis eo res
tandem perducta est, vt die VII. Ian. a. 1723.
noster a potentissimo Borussorum Rege in-
tra XLVIII. horarum spatium, laquei poena
proposita, Hala discedere iuberetur. Quo
facto se Marburgum contulit; vnde tandem
magnis honoribus Halam reductus est.

^{a)} Cum in peculiari libello, tum in Elogio Wolff.
Act. Erud. Lipsf. a. 1759. inserto. cf. *Histoire
d'un Voyag. liter.* p. 8. *Unschuld. Nachricht.*
1728. p. 897. inprimis euoluatur Cl. Gott-
schedii Elogium Wolffii, in quo adiunctis variis
epistolis omnia copiosissime narrantur.

^{b)} De controuersiiis Wolffianis vid. praeter Cl.
Ludouici, *Unsch. Nachr.* a. 1725. p. 402. 983.
et 988. *Acta Erud. Germ.* T. XI. p. 517. *Act.
Erud. Lipsf.* a. 1726. p. 451. Io. Alb. Fabricii
*delectus argumentor. et syllabus scriptorum pro
ueritate rel. Christ.* a. 1725. p. 2. *Antiquo-Nova
Theolog.* a. 1724. p. 130. seq. et complures alii.



LXXXVI.

Etsi CAESARIS BARONII *Annales Ecclesiastici*, non exigua illi quidem industria conscripti et multis variae doctrinae copiis referti, sed animum parum a partium studio liberum atque monarchiae pontificiae stabiliendae nimis intentum non obscure prodentes, atque etiam multis historicis et chronologicis erroribus deformati, ^{a)} etsi igitur illi magnam auctori suo laudem atque multos honores comparauerunt, *tomus XI* tamen contrarium plane fatum expertus est. Nam *Baronius* longam in hoc tomo disputationem *de Monarchia Siciliae* proposuit, eamque non regi Hispaniae sed pontifici Romano vindicare studuit. Quo facto rex Philippus III. adeo exacerbatus fuit, ut a. 1610. edicto cauere, ne quis suorum vel emeret vel legeret hunc tomo, magnis minis adiunctis. ^{b)} Proscriptus igitur quasi fuit hic tomo, atque etiam duo bibliopolae, parum regio edicto obtemperantes, in seruilem remigum ordinem detrusi sunt. Fortasse tamen *Baronius* hoc non valde ad animum reuocauit: certe non



grauē damnum hoc edicto accepit. Verum grauiora subsecuta sunt. Sperabat enim *Baronius*, fore, vt post mortem Clementis VIII pontificia dignitate ornaretur. Quoniam autem Clemente extincto atque noua electione instituta legatus Hispanicus nomine regis, *Baronium* hac electione exclusit, spes ea irrita fuit. ^{c)}

a) Laudantur passim hi Annales, passim vituperantur: nos medium tenemus: vid. Casaub. *Prolegom. ad Exercit. Baron. Aët. Erud.* a. 1697. p. 306. sequ. Schurzfleisch. *Epist.* p. 732. sequ. Sagittar. in *Introd. in Hist. Eccles.* c. 14. §. 9. Frid. Spanhem. *Dub. Euang.* P. II. p. 47. et alios passim.

b) vid. apud Goldastum, *de Roman. Monarch.* T. III.

c) vid. Hornbekius in *Sacr. Miscellan.* l. I. c. I. et Gramond. *Hist. Gallie.* l. I.

LXXXVII.

Elegantissimam scripsit IUSTVS LIPSIVS Satyram contra ambitionem et imperitiam quorundam, qui se Criticos dicunt. „*Hoc scripto*, scribit Scaliger ad Scipionem Gentilem, *) *non puto abbinē mille quingentis annis festiuus aliud prodissē. Dignus profecto foetus patre suo, qui vix*
maior



maior XXV. annorum aequauit vel potius superauit gloriam superiorum omnium ingeniorum. „ Sed fuerunt multi, qui se lepidissimo hoc libello perstringi atque irrideri putarent, ideoque Lipsio molestias afferre studerent. Valde horum conatibus fauere videbantur verba paullo imprudentius a Lipsio posita: *Qui isti cum lauru? inquam ego. Illine? ait Duza, poetae sunt nupero foetu. Cur autem coronati? inquit. an vicerunt agonem Capitolinum? Non, ait, sed hodie ita mos valet, ut non Phoebus sed Imperator faciat vates, corona et anulo donet, inter equites scribat, imo inter comites. Hem! inquam, scilicet ad Caesaris in Laberio exemplum.* Etsi vero haec verba probe defendi possunt, atque etiam a Lipsio ^{b)} bene defensa sunt, qui se nihil aliud exprimere voluisse testatur, quam quod est in prouerbio: *Multos Thyrsiferos, paucos est cernere Bacchos*, non caruerunt tamen omni inuidia. Imperatorem enim aduersarii concitare conati illum maiestatis postulauerunt, atque ius Imperatoris in laurea poetarum minui dixerunt. Inde accidit, ut prope fatalis fuisset hic liber Li-



psio nisi turbellae hae sopitae fuissent atque extinctae,

a) *Epist. Gudian.* p. 356.

b) vid. praeter alia loca *epist. Lippi ad Monanum*, in Cent. II. ep. 98. et Cent. II. ep. 83. cf. *Reim. Introd.* P. V. p. 87. Schellhorn. *Amoenit. Lit.* T. V. p. 48. Heum. *Act. Philos.* P. IV. p. 747. Aubert. *Miraeus in Elog. Belg.* p. 137. Pope. *Blount* p. 840. Zeumer in *Vit. Philos. Ienens.* 24. Tenzels *Unterr.* 1696. p. 471, etc.

LXXXVIII.

Magno animorum ardore magnaue vehementia certatum est inter IO. GVIL. PETERSENIUM Chiliaftam illum notiffimum et illius aduerfarios, quorum ingens fuit numerus. Nos nunc non plura de re dicemus, quae non ad instituti nostri rationem pertinet. Neque multa dicemus de vita illius, quam ipse descripsit. ²⁾ Paucis attingemus molestias, quas sibi scriptis suis creauit. Ornatus igitur fuit *Peterfenius*, post varia munera quae in variis locis gesserat, munere Superintendentis Luneburgensis. Variis in scriptis tradidit et defendit sententiam illam de millenario Christi in terris regno, quae multorum animos valde commouit.



mouit. Excitauit potissimum odium plurimorum libro: *Ἀποκατάστασις πάντων*, die *Wiederbringung aller Dinge*, in *Pamphilia*, A. 1700. in quo hoc agit, vt ostendat, malum et peccatum, tanquam non radicem habentia sed in tempore nata, aliquando omni ex parte sublatum, et creaturas Dei atque ex eiusdem voluntate viuentes post certum in diuina oeconomia definitum spatium a peccato, omni sceleris contagione et poena huius a restitutore omnium rerum Iesu Christo liberatum iri. Quid multa? Munere *Peterfenius* remotus fuit, et inde priuatam vitam delegit. ^{b)} Obiit d. 31. Ian. a. 1727.

^{a)} Vitam suam edidit a. 1717. quae in *biblioth. Teutonica* atque etiam in *Nona* T. VII. p. 731. recensetur.

^{b)} Varia sunt variorum de eo iudicia: appellatur a Fechtio in *Philocal. nouae prophetissae* (scil. Asseburgicae) *aduocatus, recentissimorum deliriorum primus et princeps architectus*: a Niehenkio in *Comp. error. Piet. communis Chiliastarum aduocatus, qui stipendio quasi conductus eorum causam suscepit defendendam*: a Schelgwigio in *Synops. Supplem.* p. 236. *Papias nostri temporis*. Plura vid. apud Spener. in *Consil. Theol.* P. I. p. 8. *Fenst. Gynec. haeret. fanat.* p. 458. et 482. *Thomaf. freym. Gedank.* p. 835-54-58

Unschl



Unschuld. Nachr. 1711. p. 432. 1713. p. 1087.
1702. p. 124. 1708. p. 355. et passim. *Ad.*
Erud. 2. 1732. p. 379. v. Seelen *Miscell.* P. L.
p. 44.

LXXXIX.

Non ultimum, sed primum locum merebantur *Considerationes morales in Novum Testamentum*, iam anno 1671. Lutetiae Parisiorum a PASCHASIO QVESNELLIO, presbytero congregationis oratorii, editae, et cum archiepiscopi Parisiensis ^a) aliorumque episcoporum ^b) censura et approbatione saepius recusae, qui liber, Iesuitarum odio, ab anno 1710. tantas apud Pontificios peperit dissensiones, ut non solum omnis Gallia, sed uniuersa propemodum, ecclesia dissociari videretur. Librum Clemens XI. pontifex romanus, d. VI. Sept. anno 1713. Constitutione papali damnauit. Ipse QVESNELLIVS abiit 1703. Bruxellas, ubi, instinctu Iesuitarum, in carcerem coniciebatur. Liberatus deinceps, opera Iansenistarum, quorum partes susceperat, concessit Amstelodamum, ibique anno 1719. aetatis 86. decessit, accersito prius Notario apostolico et testibus, quibus declarauit solenni-



ter, se in cōmunionē ecclesiae decedere, ut ea, quae a Curia Romana reiecta sint, etiam nunc profiteatur. ^c)

a) Archiepiscopi Parisiensis Appellatio contra Constitutionem Pontificis R. prodijt Halae cum versione Gallica et Notis D. Heineccii, anno 1718. recusa.

b) Etiam *Du Piu* eas approbauerat, sed anno 1714. die V. Martii in Sorbonnae conuentu propria manu scriptam reuocationem actis inferbat, dicens: Quoniam liber ille nuper damnatus est a summo pontifice, ab episcopis Gallicanis et eminentiss. Cardinale de Noailles, qui et ipse approbationem a se huic libro datam retractauit, etiam a me datam reuoco. *Vid. Memoire sur l' affaire de la Sorbonne, pour les Sicurs Charton, Senieur de Sorbonne, et consors, Parisiis 1716. p. 16.* Provocationes et Declarationes aduersus Constitutionem integra Collegia politica, ecclesiastica et monastica deinceps publicarunt, quales anno 1719. tribus Tomis in 8. coniunctim editae sunt sub titulo: *le Cris de la foi*, i. e. Clamor fidei, siue Collectio diuersorum testimoniorum a compluribus Facultatibus, Capitulis, Curiis et Societatibus Ecclesiasticis et Regularibus de Constitutione Vnigenitus redditorem. Conf. Acta publica Constitutionis Vnigenitus a D. Pfaffio, Tubingae edita, anno 1721. Leg. etiam eiusd. Histor. litter. P. I. p. 123.

c) Conf. *Alt. Erudit.* 1705, p. 421. et 426. *der beschäftigte Secretarius*, Tom. IV. p. 527. *Engelsballii* Praeiuiciā fidei P. II. p. 89. N. Zei-
tungen



saugen L. 1719. p. 785. sqq. Doctrinam *Quesn.* examinarunt in variis Dissertat. D. *Chladenius*, *Schroërus*, *Ienichen*, aliique. Quod etiam *Quesnellio Editio Oper. Leonis M.* fatalis fuerit, vid. in *Fabric. Bibliotheca Graeca*, Vol. VI. p. 385. et in *Io. Andr. Grammaticii* Praefat. Edit. Germanicae N. T. *Quesnellii*, §. 8.

XC.

Misere periit **HIERON. SAVONAROLA**, Ferrariensis et ordinis praedicatorum focus. Scripsit *Commentationem de Mahometanorum secta; triumphum Crucis, suae de fidei Christianae veritate Libros IV. de Simplicitate vitae Christianae Libr. V.* et alia, quae recenset Wharton in Appendice ad *Cassii H. L.* p. 110. In his libris maior pietas magisque animus a partium studiis liber, nec ulli rei adeo, quam verae Christi doctrinae promouendae, intentus eluxit, quam illius focii aequo animo ferre potuerunt. Tantam etiam consecutus est sanctitatis opinionem, ut Florentini ciues eum tanquam de coelo delapsum suspicerent, eum cum deo loqui crederent, ab eo se futurorum euentuum rationem audire posse putarent, *nec nisi ex eius voluntate rempublicam ad-*
mini-



ministrari vellent. Atque haec fuit altera causa, cur se primariis ciuitatis viris inuisum reddiderit. Accessit mox tertia. Nam illum et in libris et in sermone vitia Pontificis, Cardinalium et Clericorum detexisse et carpsisse clamabant. Inde condemnatus, laqueo suffocatus et igne crematus fuit a. 1498. natus annos 48. Cineres in profluentem fluvium Arnun proiecti fuerunt. Defensionem occisi susceperunt Picus Mirandulanus et Marcilius Ficinus. *)

*) vid. Arnold. T. I. l. 15. c. 5. Pope-Blount. p. 490. *Journ. Sav.* T. 4. a. 1676. Tenzel. *Unterred.* a. 1696. p. 510. et 536. *Unschuld. Nachr.* a. 1722. p. 535. *Act. Erudit.* 1699. p. 891. Schelh. *Amoenit.* lit. T. X. p. 1161. *Act. Erud.* a. 1687. p. 439. Dieteric. *Lection. quotid.* p. 389.

XCI.

IYLIVS CONRADVS OTTO, vt verbis Wagenfeili in *sota*, p. 704. vtamur, pseudoiudeus; pseudorabbinus, et pseudo-christianus, atque sic verus fur, trifur, trifurcifer, natus fuit Iudaeus. Verum christianam religionem amplexus atque baptismo initiatus Hebraicae linguae professionem in



Academia Altorfina accepit. Neque tamen perfidiam et malitiam suae gentis exuit, sed quam ore professus erat, animo detestatus est doctrinam. Hoc certe consilio ab eo editus est liber: *Gali. Razia, seu Occultorum detectio, h. e. monstratio dogmatum, quae omnes Rabbini recte sentientes ante et post Christi natiuitatem de unitate essentiae diuinæ, Trinitate personarum ac Messia posteritati reliquerunt.* Noribergae, 1605. et Stetini, 1613. Hoc libro homo impius improbe mentitur, maximas ineptias profert, nihilque aliud agit, quam ut ridiculam reddat sanctissimam nostram religionem eamque in contemptum apud Iudaeos adducat. Verum idem liber suo auctori fatalis fuit. Nouerat homo, quantas fraudes in hoc libro commisisset, quae mendacia sparsisset atque valde verebatur, ne et alii hanc fraudem indagarent, et ipse suae improbitatis poenas daret. Post tres annos igitur ultro munere suo discessit atque clam abiit. Quo se contulerit aut quae fata posthac expertus sit, non constat. cf. Placc. de Anonym. p. 687. et Mayer. in *Biblioth. bibl.* p. 23.



XCII.

SEBAST. CASTELLIO, aut vt ipse nominari maluit CASTALIO, Basileensis Graecae linguae professor, sacram scripturam in Gallicum et Latinum sermonem transtulit. Latinam versionem laudari ab his et ab illis culpari nemo facile ignorabit. Immo fuerunt, qui se in notis illius impia quaedam inuenisse putarent, illiusque versionem, tanquam magis ethnicum quam Christianum auctorem redolentem reiicerent. Hinc a Beza praesertim laceffitus Geneuensibus se valde inuisum reddidit. Accessit et auxit odium mutatio sententiae de praedestinatione adeo, vt inops et egenus lignando ^{a)} vir doctus sibi victum quaereret. Maximam paupertatem, in quam aduersariorum machinationibus incidit, facpius Io. Oporinus subleuauit. ^{b)}

^{a)} v. Grot. Ep. XI.

^{b)} De versione et Castalione v. Hotting. *Biblioth.* p. 167. R. Simon. *Hist. Cr. V. T.* l. 2. c. 21. l. 3. c. 15. Le Long. P. I. p. 696. Vockerod. *Consult.* p. 148. et 152. Stollii *Biblioth.* P. I. p. 90. *Act. Erudit.* 1691. p. 32. *Journ. Liter.* T. 7. p. 385. *Unsch. Nachr.* 1729. p. 810. 1719. p. 832.



XCIII.

Paucis exponenda est nobis historiola controuerfiarum IO. REUCHLINI, alias CAPNIONIS, de libellis aliquot exportarum. Erat Io. Pfefferkorn quidam, natione Iudaeus sed Christiana sacra amplexus, qui maximo odio in Iudaicos libros ferebatur. Inde Iacobo Hochstrato et Arnoldo Tungro sociis adiunctis rem eo perducit, vt Imperator Maximilianus I. ediceret, vt omnes Iudaici libri, praeter sacram scripturam, comburerentur. Iudaei hac sententia territi omnem operam dederunt, vt mitigaretur et leniretur hoc edictum. Res tandem eo peruenit, vt Imperator ad Archiepiscopum Moguntinum scriberet, de toto hoc negotio accurate deliberandum et cum aliis viris doctis *Reuchlinum* in consilium adhibendum esse. Quid *Reuchlinus*? hic per litteras suasisit, eos tantummodo libros delendos esse, in quibus conuicia in Iesum Christum et Christianam religionem spargerentur. Variis artibus hae litterae in manus Pfefferkornii venerunt, qui vernaculo sermone libellum, conuiciis plenissimum



mum sub titulo : *Speculum Manuale* edit. *Reuchlinus* primum causam ad Imperatorem defert, sed longioris morae impatiens et famam defendere cupiens alium librum scribit, cui titulus : *Speculum Oculare*. Hoc libello magna dissensionis flamma accenditur, et Colonienſes Theologi, qui a partibus Pfefferkornii ſtant, vehementer exacerbantur. Tungrus quæ ſibi improba et falſa videntur excerpt, latino ſermone proponit et ſententiam de iſto libro pronunciat. *Reuchlinus* quidem ſe defendere ſtudet atque reſponſionem edit, ſed parum efficit. Publice apud Archiepiſcopum Moguntinum nomine Colonienſium ab Hochſtrato accuſatur. *Reuchlinus* hoc foro non contentus ad Leonem X. prouocat, qui, vt erat egregia eruditione præditus, totam rem Georgio Palatino, Epifcopo Spirenſi, aliisque doctis viris inquirendam et diiudicandam tradit. Quid multa? re diligenter conſiderata *Reuchlinus* victor ex hoc certamine diſcedit. Sed prius quam hæc ſententia promulgatur, variis modis *Reuchlinus* ab aduerſariis traducitur et lædatur. Ipſe Satyris et ridiculis
pictu-



Jan. 2. 1722. litterae ad Senatum **Hamburgen-**
sem, in quibus hoc scriptum tanquam legi-
 bus imperii fundamentalibus aduersum et
 contra Reformatos iniuriosum accusatur.
 Rex Borussiae duo imprimis postulat, vt au-
 ctor merito puniatur, et Reformati Hambur-
 gi libero exercitio religionis fruantur, graui-
 bus minis adiunctis. Hisce litteris magnus
 ciuibus timor incutitur, adeo vt plebs *New-*
meisterum abire quam remanere malit. Ve-
 rum totum Ministerium partes *Newmeisteri*
 suscipit, illius innocentiam defendit, etsi *New-*
meisterus munere exuatur, se quoque omnes
 munere abituros esse fatentur. Neque tamen
 multum absuit, quin ei concionandi libertas
 interdiceretur. Tandem res eo peruenit, vt
 a Senatu liber, etsi dispersus iam omnibus in
 locis, et vbique disseminatus, Regis placandi
 causa supprimeretur. Missae etiam sunt a Se-
 natu litterae ad Regem, in quibus humanissi-
 mis verbis iram illius lenire studuerunt. In
 libero religionis exercitio Reformatis con-
 cedendo se illi minime gratificari posse falsi
 sunt: habuisse illos adhuc Altonae libertatem
 religionem suam exercendi: quemuis *Thom-*
 logus



logum et senatorem antequam munus ineat, iuramento adstringi, ne cui Reformato hanc in vrbe libertatem concedat: neque se tamen impedire velle, quominus legati in aedibus priuatis sacra sua exercerent. Hoc modo istae turbæ sensim sopitæ et extinctæ fuerunt. Obiit tandem iubilaeco Ministeriali celebrato, a. 1756. d. 18. August. aet. 85. vid. *Unsch. Nachr.* 1721. p. 935. 1722. p. 293. 799.

XCV.

SEBASTIANVS EDZARDT patre natus fuit *Esdra*, magno Theologo, qui a scribendis libris abhorrens magis hoc operam dedit, vt studiosis, doctrinae cupidis, sacram scripturam exponeret, multisque a nostris sacris alienis, vt Iudæis, Socinianis, Memnonitis, Pontificiis, Turcis, nostrae religionis doctrinam tradidit. Noster vero *Sebastianus*, cuius in me insignem beneuolentiam, qua meam inopiam in Academia Vitembergensi subleuauit, gratus commemoro et praedico, duobus libris sibi molestias creauit. Notum est, initio huius seculi, praeter ceteros, *Fridericum I.* regem Borussiae, Re-

N

formato



formatos cum Lutheranis coniungere studuisse, maxime post editum a. 1703. a Io. Wincklero, Diacono et postea Inspectore Magdeburgensi, *Arcanum Regium de conciliandis religionibus subditorum dissidentibus*. Hoc in negotio Strimesius inprimis concordiam illam commendare studuit, editis variis libris, a. 1704. vt: *Kurtzer Entwurff der Einigkeit der Evangelisch-Lutherischen und Reformirten im Grunde des Glaubens: von dieser Vereinigung eigentlicher Natur und Beschaffenheit* etc. Scripta haec Strimesiana refutarunt Wernsdorffius in libro: *Kurtzes und wohlgegründetes Bedencken über D. Strimesii kurtzen Entwurff* etc. et Edzardi noster in Schediasmate *de causis et natura unionis*, et in appendice *ad Caluinianorum Pelagianismum*, Vitembergae a. 1705. edit. Hoc in libello auctor ostendit, Caluinianos, qui toties Lutheranis Pelagianismum crimini dent, ipsos Pelagianos esse. Verum hoc scriptum Regi Borussiae adeo displicuit, vt Berolini combureretur atque Rex edicto caueret, ne quis suorum ciuium *Edzardo* respondeat, atque illum refutet. Prodiit deinde a. 1729. nulla



loci et typographi mentione addita, liber hoc titulo insignitus: *Verzeichniß allerhand pietistischer Intriguen und Unordnungen in Litthauen, vielen Städten Teutschlandes, Hungarn und America durch Io. Ieuerum, Wiburgensem.* In hoc libro auctor de variis Theologis agit, et turbas a Pietistis multis in locis excitatas commemorat. Verus libri auctor fuit idem laudatus *Edzardus*, qui sibi eo multas inimicitias contraxit. Ipse liber d. XII. Sept. publice combustus fuit. vid. Walch. *Introd. in Controv. relig.* P. V. p. 452.

XCVI.

DE CHRISTIANI THOMASII b. Iacobi Thomasia, probi parentis filii notissimi atque doctissimi ingenio, doctrina et scriptis non multa dicentes nos nemo vituperabit. Sunt enim omnia in medio posita, tantaque in luce collocata, ut clariorem expositionem minime desiderent. Nos igitur ea tantum, quae huc pertinent, attingemus. Nondum composita lite, quae *Thomasio* cum Theologis Lipsiensibus erat, d. 13. Mart. 1690. a Theologis Vitebergenfibus, interprete De-



cano, b. D. Caspare Loeschero apud Electorem ob librum, quem *de libertate matrimonii inter Lutheranos et Calvinianos contrahendi* ediderat, accusatur. Capita accusationis fere haec erant: *Thomasium* Lutheranos et Calvinianos vnire conari nulla ordinis et legum ratione habita: eundem conuiciis proscindere scriptos a Theologis contra Syncretismum libros: eundem in praestantissimos nostrae Ecclesiae Theologos omne acerbitatis virus euomere. Eodem tempore, Theologus vigilantissimus, D. Samuel Bened. Carpzouius, Superintendens Dresdensis, in iudicio, quod iussu Electoris de Pietismo habebat, huic principi suavit, vt *Thomasius* tanquam corruptor iuuentutis poenis afficiatur, quas impudentia sua meritus sit. Scabini denique Lipsienses *Thomasio* carcerem et processum inquisitionalem dictitant. *Thomasius* igitur his angustiis pressus, Lipsia abiit et Halam petiit, impetrata ab Electore Brandenburgico venia.

vid. *Neuer Bücherf.* T. IV. p. 178. *Unschuld. Nachr.* a. 1713. p. 96. et 308. 1702. p. 120. Tenz. *Unterr.* ao. 1689. p. 193. *Act. Erud.* 1729. p. 570. et alibi passim.



XCVII.

FRANCISCO DAVIDIS non exiguam linguarum, bonarum artium et Philosophiae cognitionem tribuunt passim scriptores. Omnis tamen haec scientia nihil ipsi ad deuitandas molestias, quas leuitate et inconstantia animi sibi creauit, profuit. Natione fuit Hungarus, euangelicae primum doctrinae addictus, mox Caluinismo deditus, denique in castra Semiudaizantium fugiens. Edidit scriptum *de Christo non inuocando*, de quo si plura scire cupias, euolue Vol. II. bibliothecae Fratrum Polonorum, vbi inuenies capita VI. fragmenti responsionis, quam F. Socinus contra hunc librum parauit, et praeter alia Theses, quibus *Davidis* huius sententia de munere Christi explicatur, vna cum Antithesibus ecclesiae a Socino scriptis. Non tulit audaciam hominis Christophorus Batoreus, Transyluaniae princeps, sed eum vt impium nouatorem condemnauit et Deuae in vincula coniecit. In hoc carcere a. 1579. e mundo decessit. Exstat eiusdem epistola ad ecclesias Polonicas de regno millenario Christi in his terris. vid. plura ap.



Cyprian. *in pent. dissert. Acad.* p. 97. et Arnold. *in H. E. P. II.* p. 410.

XCVIII.

Nota sunt *Biblia regia*, quae cura BENEDICTI ARIAE MONTANI Antwerpiae prodierunt, et de quibus Michael Neander^{a)} vere iudicat: *Bened. Arias Montanus, Hispalensis, vir doctrina varia ac linguarum stupenda cognitione admirabilis, cuius studio, opera et labore indefesso prodierunt annis superioribus biblia polyglotta in papyro regali Antwerpiae excusa in Tomos IX. distincta, et initio centum thaleris vendita.* Prodiit quidem hoc opus iussu regis Hispaniae, Philippi II. sed magna cum *Ariae* invidia. Aemulorum enim et inuidorum manus multa machinata fuit, quibus *Ariam* illiusque negotium calumniis onerarent atque totam rem tanquam improbam et mala fide suspectam pontifici proponerent. Incurrit igitur noster in odium pontificis, ad quod restinguendum Romam profectus est, atque pro sua innocentia dixit. Tandem multa opera consumpta veniam a pontifice accepit.^{b)}

^a) in *descript. orb. terrar.* p. 84.

^b) vid. plur. ap. Huet. *de clar. Interpr.* p. 149. Simon. in *H. Cr. V. T.* p. 370. Lips. *epist. ad Hisp.* 60. Feller. *monum. ined.* p. 487. Maii *dissert.* T. I. p. 1039. v. Seelen *Select. Liter.* p. 34. Cren. *Anim. Phil.* P. XI. p. 96. Thuan. ad a. 1598. etc.

XCIX.

Agmen fere claudat popularis noster, D.
IO. ADOLPHVS FROHNIUS, de cuius
vita ideo copiosius exponemus, quoniam,
neminem vitam illius, peculiari libello, de-
scripsisse, nouimus. Natus est a. 1652. Eigen-
roedae, patre Io. Bernhardo, tum sacerdote
Eigenroedenfi et deinde Superintendente
Muhlhusano. Fundamenta suae doctrinae
posuit in Gymnasio Muhlhusano, et magi-
stros habuit Bernh. Knorrium, Christoph.
Goetzius, Christoph. Scribonius, et Her-
manus Mehlbachus, viros in instituenda
iuuentute indefessos. Hinc abiit a. 1669. Ie-
nam, vbi Musaeum, Bechmannum, Posne-
rum, et alios audiuit, et a. 1670. Erfordiam
petiit, vbi operam dedit Neubauero, Sten-
gero, Starckloffio, et monachis Augustinis,
Augusto Gibboni de Burgo et Laurentio de



Hara in Philosophia. A. 1672. domum quidem rediit, sed anno sequenti iterum Ienam adiit, vbi magister Philosophiae creatus *de causa-exemplari* disputauit, scholas Philosophicas aperuit, et a. 1676. Philosophicae Facultatis Adiunctus renunciatus, saepius suae doctrinae et industriae specimina edidit. Habuit enim Ienae 85. disputationes, vnde illius in differendo facultas intelligi potest. Accidit paullo post, vt Rector Gymnasii Lemgo- uienſis eligeretur, quod munus summa fide gessit. Eadem in vrbe a. 1680. sacerdos ad templum S. Nicolai constitutus est, vnde a. 1684. multis cum lacrimis ciuium Muhlhusum abiit, ibique munus Diaconi ad templum D. Blasii accepit. Post obitum patris a. 1691. Superintendens, Consistorii Assessor et Inspector Scholarum eligitur. Scripsit disputationem contra Pontificios *de fide, vt dispositione meritoria ad iustificationem*, a. 1693. quo anno in Academia Gieſſensi Doctor Theologiae creatus fuit. Edidit etiam vernaculo sermone *solidam demonstrationem sacerdotii spiritualis omnium prudentum Deoque deditorum Christianorum* a. 1703. qui liber directus est
contra



contra P. Edmundi Baumannii partem I. vocationis apostolicae Romano-catholicorum sacerdotum et *Theologiam Definitivam*, a. 1707. Tandem noster a. 1713. d. 12. Nouembr. obiit natus annos 61. In laudatione funebri appellatur a Schreiberö, Archidiacono Muhlhusano, *Theologiae Doctor celeberrimus, iuris diuini sacerdos optimus, sacrarum litterarum custos et vindex acerrimus, nec non bonarum artium et litterarum summum decus*. Nunc de controuersiis *Frobnii* dicamus. Distribuit ille a. 1694. Ministris Ecclesiae synodice d. 17. Iun. in sacello S. Annae congregandis d. 8. Iun. *quaestiones* quasdam, chiliasmo fauentes atque etiam a Petersenio in *Nube testium* L. 3. n. 45. p. 172. laudatas et recensitas. Hoc fuit initium suspicionis, *Frobnium* a partibus nouatorum stare atque inde exortarum turbarum. Sed iam saepius inter *Frobnium* et D. Georg. Christ. *Eilmarm*, Pastorem ad templum D. Mariae de re pietistica disputatum fuerat. Hic enim a. 1704. contra *Frobnii* librum de Spirituali Sacerdotio scripsit. A. 1705. defendit se *Frobnius* in *Iure spiritualis sacerdotis adiunctis*



Responsis Theologorum Ienenſium et Helmſtadienſium. Prodierunt deinde varia ſcripta a *Frobnio* et *Eilmaro*, in quibus alter alterum refutare ſtudet. Praeterea *Frobnius* Franckii et Speneri laudes ſaepius praedicauiſſet, neque Vitebergenses ſolide hoſce viros refutare potuiſſe dixit, at *Eilmarus* cum priuatim tum palam in ſuggeſtu orthodoxiam defendit illiusque cauſam egit. Eodem prope tempore Godofr. Vockerodius, Gymnaſii Gothani Reſtor celeberrimus, litteras ad *Eilmarum* mittit, in quibus ſcriptum erat: ſe audiuiſſe, illum pro concione docuiſſe, hominem ſine praeuia poenitentia iuſtificari: ſe dolere hoc accidiffe, atque illi Wiglebii librum de veteri fide mittere, vnde ſaniora diſcat. *Eilmarus* vehementer in Vockerodium inuehitur in ſuggeſtu, atque ideo a *Frobnio* apud ſenatum Muhlhuſianum accuſatur. Fructum, inter alia dicit, ex concionibus et doctrina *Eilmari* retundantem nullum eſſe alium, quam ſeditioſum furorem et ſitim ſanguinis eorum, qui priuata pietatis exercitia Muhlhuſi habeant. *Eilmarus* eodem tempore copioſas litteras ad Principem Gothanum



num mittit, et suam causam contra Vockerodium defendit. Haec dum aguntur, Simon Philippus Kletwigius; *) Licentiatus Medicinae et Senator Longofaliffensis, librum quendam cum censura *Frobnii* Muhlhusi imprimendum curat, in quo doctrinam Chiliastrarum proponit. Multis iam plagulis excusis atque a *Frobnio* correctis, *Eilmarus* certior huius rei factus Consistorium adit, atque ut impressio typographica inhibeatur, postulat. *Frobnius* minime cunctatus sui et *Kletwigii* defensionem suscipit, atque multis ostendere studet, editionem atque approbationem huius scripti neque aegre ferendam neque vllò modo prohibendam esse. Controuersiae hae inter *Frobnium* et *Eilmarum* non statim sopitae fuerunt. Hic enim illum multis grauibus accusationibus onerauerat: illum docere, bona opera esse ad salutem necessaria: illum negare, quenquam sanguine Christi mundari, nisi in luce iam ambulet: saepius sine praeuia confessione ad Eucharistiam accessisse, ipsum sibi, licet praesentibus aliis sacerdotibus, Eucharistiam praebuisse, pietistarum hymnos libro cantio-

nali



nali Muhlhusano inferuisse, aliaque illi obiecerat, quae nihil opus est repetere. Accidit paullo post, vt *Frohnium* ab Hamburgensibus inter Candidatos Pastoratus ad templum D. Petri referretur. Nihil hic propius abfuit, quam vt munere hoc ornaretur, nisi variis accusationibus atque illis *quaestionibus Chiliafticis*, supra a nobis commemoratis, pressus fuisset. Accusationis capita erant fere haec: *Frohnium* in concionibus saepe formulas loquendi Spenerianas proferre, in concione funebri Speneri Christianismum operosum et conciones poenitentiales commendasse atque in eadem concione dixisse, in anima occidendum prius esse peccatum, quam sitis Dei et fides in ea excitari possit. vid. Walch. *Histor. Controu. relig.* p. 815. P. I.

- *) Hic Klettwigius a. 1698. in carmine funebri praedixerat finem mundi post sex mille annos esse venturum, et deinde quietem, felicissima tempora et Sabbathum fore. Quam sententiam, licet a multis etiam in suggestu Longosalis impugnatam, variis aliis scriptis defendere voluit, inprimis in *Relatione de Pietismo*, a. 1700. Finis turbarum fuit hic; *Klettwigii scripta* publica auctoritate supprimuntur, atque ne posthac hic Theologicas controuersias attingat,



gat, seuerè interdicitur. v. eund. libr. P. II. p. 629. seq. et *Vnſch. Nachr.* a. 1713. p. 972. vbi etiam mandatum Ioannis Georgii, Ducis Saxoniae Weiſſenfelenſis, exhibetur.

C.


CASPAR WEISER, Profefſor Lundienſis in Scania, patriae ſuae addiſtiſſimus videbatur, cum *Muſarum tripudium in Caroli XI. Regis Sueciae coronatione* diuulgaret. Sed breui poſt in longe aliam ſententiam abiſſe cenſebatur. Enim vero quando Danorum cohortes ao. 1676. adeoque ſub regimine eiſdem Caroli Lundinum victrici manu occupabant, eorum praefecto Weiſerus noſter obuiam ibat, carmen propemticum inſinuando cuius clauſula haec erat:

Perge Triumphator reliquas ſubmittere terras,

Sic redit ad Dominum, quod fuit ante, ſuum

At enim vero fatale fuit vel hoc vnicum diſtichon ſuo auctori. Quo primum enim inſequenti ſtatim anno Sueci Lundinum ſuum recuperarunt, accuſatus fuit poeta criminis laeſae maiestatis capiteque truncatus. v. *Vergnügung miſſiger Stunden* no. 17.






INDEX AVCTORVM

ALPHABETICVS.

1. *ab Aegypto*) Hieronymus Vechietus. no. XVI.
2. *Acoſta*) Gabriel no. LX.
3. *Agrippa*) Henr. Cornel. XVIII.
4. *Aretinus*) Petrus. XV.
5. *Arias Montanus* XCIIX.
6. *Bailius*) Petrus I.
7. *Bargaeus*) Petrus Angelus XXIII.
8. *Baronius*) Caesar LXXXVI.
9. *Becker*) Balthasar XXIX.
10. *Becmann*) Nicol. LVI.
 Bernd vid. Melodius.
11. *Beuerland*) Adrian. LXXIX.
12. *Boccalinus*) Traianus XXXIX.
13. *Borri*) Ioseph Franc. XIX.
14. *Brunus*) Iordanus. LXXI.
15. *Brutus*) Ioh. Michael. LIV.
16. *Buchananus*) Georg XXXIV.
17. *à Bucowiets*) Ionas Schlichting. LVIII.
18. *Buscher*) Statius. XLIII.
19. *de Buffy*) Roger. XL.
20. *Campanella*) Thomas. XVI.
 Capnio vid. Reuchlin.
21. *Caranza*) Barthol LXV.
22. *Castellio*) Sebast. XCIII.
23. *Cinellus*) Ioh. XLVI.
24. *Clarckius*) Samuel LXVI.
 Clarmund vid. Rüdiger.
25. *Cornelius Gallus*. XLV.
26. *Cunaeus*) Petrus. VII.
27. *Danchet*) Anton. VIII.
28. *David*) Franciscus. XCVII.




29. *Deufingias*) Hermann. LIX.
30. *de Dominis*) Marc. Anton. IV.
31. *Drabitius*) Nicol. LI.
32. *Dupinius*) Ludou. Elias LXXVI.
33. *Edzard*) Sebastian. XCV.
34. *Felbinger*) Ieremias XLIV.
35. *Fenelon*) Franc. de Salignac. II.
36. *Fischer*) Iohannes L.
37. *Folietta*) Vbertus XXVII.
38. *Francken*) Christian. XXIV.
39. *Francus*) Nicol. XXXVIII.
40. *Frischlinus*) Nicod. LXXVIII.
41. *Frobnius*) Adolph. XCIX.
42. *a Galilaeis*) Galilaeus III.
43. *Giannonius*) Petrus LXVII.
44. *Grandierius*) Urban. LXXII.
45. *Helt*) Adolph. LXXXIV.
46. *Horbius*) Io. Henr. XII.
47. *Hottomannus*) Franc. LXXXI.
48. *Kuhlmann*) Quirinus IX.
49. *Lipfius*) Iustus LXXXVII.
50. *Lust*) Ioh. XLI.
51. *Lyfer*) Ioh. XX.
52. *Lyfer*) Polycarp. LXX.
53. *Magius*) Hieron. LVII.
54. *Malleolus*) Felix XLVIII.
55. *Mariana*) Ioh. XC.
Maronita vide Sotad.
56. *Melodius*) Christian. LXXXIII.
57. *Milton*) Ioh. LXXX.
58. *Molinos*) Michael LXVIII.
Montanus vid. Arias.
59. *Müller*) Henr. LXXV.
60. *Neumeister*) Erdmann XCV.
61. *Oebinus*) Bernard. XXI.
62. *Otto*) Iul. Conrad. XCII.
63. *Palenrius*) Aonius. LXXXII.
64. *Pallaucinus*) Ferrantes. XLII.
65. *Palmerius*) Matthaeus. LIIL.
66. *Peirerius*) Isaac LXIII.
67. *Peterfen*) Io. Guil. LXXXVIII.

- 
68. *Peucer*) Casp. LXIX.
du Pin vid. *Dupin*ius.
 69. *Platina*) Bartholom. XXVIII.
 70. *Quesnell*) Paschas. LXXXIX.
Rabutin vid. *Bussy*.
 71. *Reinking*) Théodor. XXXI.
 72. *Reuchlin*) Iohannes XCIV.
 73. *Richerius*) Edmund. XXXVII.
 74. *Rüdiger*) Io. Christoph. LXXVII.
 75. *Sanctius*) Claud. XVII.
 76. *Sanfelicius*) Ioseph. X.
 77. *Sarpus*) Paul XXXVI.
 78. *Sauanarola*) Hieron. XCI.
Schlichtingius vid. a *Bucowice*.
 79. *Schurzfleisch*) Contr. Samuel XXXIII.
 80. *Scioppius*) Casp. XI.
 81. *Seldenus*) Ioh. XXXV.
 82. *Seruetus*) Michael XLIX.
 83. *Sorhier*) Samuel XXVI.
 84. *Sotades Maronita* V.
 85. *Stephanus*) Robertus LXXIII.
 86. *Tennhart*) Ioannes XXXII.
 87. *Thomasius*) Christian. XCVI.
 88. *Thuanus*) Iacob August. XIII.
 89. *Tolandus*) Ioannes XXV.
Toledanus vid. *Mariana*.
 90. *Valla*) Laurent. XIV.
 91. *Vaninus*) Iul. Caes. LXI.
 92. *Venetianus*) Anton. XLVII.
 93. *Virgilius* LXIV.
 94. *Vossius*) Gerard. Ioan. LXXIV.
 95. *Weiser*) Casp. C.
 96. *Wiedemann*) Michael XXX.
 97. *Willenbergius*) Fridr. XXII.
 98. *Wolf*) Christian. LXXXV.
 99. *Woolston*) Thom. LII.
 100. *Zoilus*) VI.









APR 28 1939

